

اتحاد وترقي جمعیتہ آہیں مکتوبہ:

سلامت مقصدہ اسیحی و صون

برایضاح

صلح الیہ

مقتطفی:

طوبی لطیفی





اتحاد و ترقی جمعیتہ آجیہ مکتوبہ:

سلاک حقیقہ و صحیح وصول  
برایضاح

صلح الیہ

مقتطفك امضاسنی حاوی اولمایان نسخہ لہ ساختہ در

مفت

محمود بك مطبعہ سی









## مقتطفك برقاچ سوزى :

صباح الدين بك افندى، انقلابدن برخيل زمان اول، پارسدن  
استانبوله كوندر دكلرى مکتوبلر نده ديرلردى كه : « بز ، يالكز  
طرز اداره مزك اصلاحى ايسته مك ، وطنداشلمز مههم  
بر اتحاد تكليف ايتمكه قالمورز . اصل طرز معيشت مزك اصلاحى  
لزامى آكلا تمق ؛ برنجيده كي فنا لك ، ايكنجيده كي نقصانلردن  
نشأت آيله ديكنى كوسترمك ؛ مادي معنوى عطا لمرزه قارشى  
افكار عموميه ده قوتلى بر عكس العمل حاضر لامق ايستورز .  
بر عبد الحميدى اورته دن قالد ير مقله حریت واستقلال شخصى ي  
هيچ بروقت تأمين ايدمه ينز . سفالتلر مزك اسباب اصليه سنى كشف  
ايله از اله سى چاره سنه درت الله صار لمده قجه ده بوكونكى عبد الحميدك  
يرى ، هيچ بر زمان بوش قالماز ؛ او كيدهر ، يرينه باشقه لرى  
چكر ! .....

مشار اليه ، بر طرفدن بوسوز لرى ، استانبولده كي وطنداشلمرينك  
بر قسمنه ايشتدير ركن ، ديكر طرفدن ده « ترقى » لرله تركيه نك  
مراكز مختلفه سنده وجدان ملي ي اعلايه چاليشوردى .

ابتدالری ، « شورای امت » و « مشورت » لرك ييلدیزه قارشى اوتهدن برى کوستردکلری هجوم تشویققلریله پرورشیاپ اولان مفکرملر ، بویله علمی تدقیقاته وقوع بولان خطا بلره ، برنوع لاقیدی ایله مقابله ایتمشدی . مملکتک باشدن باشه آتشار ایچنده قالدینی ، قیزل قانلره بویاندینی بر زمانده ، بویانغینلر ، بوجنایتلرک مسیبلرینه قارشى طغیان ایدن وجدانلر ، « شورا » لرله « مشورت » لرك دهها زیاده مفتونیدیلر : « عبدالحمید حکومتی ده ویرمک ، مشروطیتی اعلان ایلهمک . . . » ایشته یکانه امل ! . . . . اوندن صوکر ، صانکه سعادت اجتماعیه بوللری ، هرکسه آچیق بولونه جق ! بو قدر یاقین بر یولسه ، البت مرجحدی !

فقط بالاخره ، « ترقی » نك بر برینی ولی وتعیب ایدن نسخه لری ، باخصوص « شورای امت » لرله وقوعه ککن مصادمه لری اثناسنده ؛ امراض ملیّه واجتماعیه مزك منشالرینی تحری ، ماهیتلرینی تشریح یولنده افکار منوره ده حاصل ایتدیکی انتباهلر ، وجوده کتیردیکی تکامللر ، . . . . عادتاً مسئله نك جان طمارینه پارماغنی باصهرق : « ایشته نقطه خلاص ! » دییه کوستردیکی حقیقتلر ، یاواش یاواش دعواى وطنیسی لهنده بر جریان ، همده پك قوی واساسلی بر جریان ، تولیدندن خالی قالمدی . بونکله برابر عمومیتله ایسترشورا و مشورت ، ایستر ترقی صاحب لری اولسون اووقت ، همان عین تقدیرات ، عین تشویقاته مظهر دیلر . زیرا هپسی ، انقلابه قدر ، بر یولده برلشورلردی : تخلیص وطن ! ظاهرده اهمیتسز کورونن بو مسالك فرقلری ، فعلیاتده



بك زياده اجراى تأثير ايديور ؛ اوروپاده كى كنج تورك  
فرقه لر ينك مساعيسنى پارچه ليوردي . بوندن ، بالطبع اك زياده  
مستفيد اولان ده حكومت حميده ايدى ! . . . . نهايت ، بركون ،  
مخالفين فرقه لرى مشتركاً علاقهدار اولدقلى بوقطه ده برزمين  
ائتلاف بولديلر ؛ بربرلر ينه ياقلاشديلر ؛ انقلابدن برقاچ آى  
اولكى صوك قونفرومى عقد ايتديلر . بوتون فرقه لر ، اولاه ،  
حكومت حميده ي ييقمق خصوصنده غيرتلى نى توحيد ، قوتلى نى  
تشريك ايليجه ككر ؛ مقصد حاصل اولونجه ، هربرى كندى  
بروغرامنك موقع تطبيقه وضعنه چاليشه جقدى .

چوق كچمدي ؛ اوردومزك همتيله بومقصدده حصوله كلدى !  
پرشوق وهيجان كوكلار ، نه درجه اساسلى اولورسه اولسون  
بوتون اختلافلى برآن ايچين اونوتوركى اولديلر ؛ ائتلاف لر ،  
اتحادلر عقد ايتديلر . بوميانده « تثبث شخصى وعدم مركزيت  
جمعيتى » ايله « اتحاد وترقى جمعيتى » ده برلشدى . يالكز ،  
مع التأسف ده ا اوروپاده ايكن فكرلره يرلشن اختلاف وغرض  
شخصى تخمى ، بردرلو ازاله ايديله مه مشدى ؛ ايديله مدكدن ماعدا  
بوتخم ، اوصره ده ا زياده بسلندى ، شيشدى . . . . . و نهايت  
اوج ويردى ! . . . .

ايشته بوكون ، بوغرض شجره سنك سايه شامتنده سايبانز !

فقط ايكي سده سعادت مليه مقصدنده برلشن بو ايكي قافله  
جهاد آراسنده هيچ برتصادم وقوع بولمه مق لازم كليركن ،  
يچين عكسنى كورمكده يز ، ديهه جكسكز ! بو ، او غايه يه وارمق

ایچین کیدیله جک یوللرک تعیین ماهیتنده کی اختلافدن و بعضیلرینک یوفاندلی اختلافی ، متفسخ ، متعفن برغرض درکسنه تنزیل ایتمه لرندن نشأت ایله دی ! . . . .

\*  
\* \*

( ۳۱ مارت ، ) فاجعه ملیه سنی کچیردیکمز کونلرده ایدی :  
عدم مرکزیت فکرینه ، دهها دوغروسی یوفکرک  
مدافعارینه قارشی ، اتحاد و ترقی نک اوتهدن بری پوسکوره کلدیکی  
غیظ و خصومتی ، یو سفر ، مناسره هیئت مرکزیه نیک ناسر  
افکاری اولاره « نیر حقیقت » غزیه سی تزیده قیام ایتدی .  
هرسطنندن زهرلر فشقیران او اوزون مقاله لر ؛ حقنده کی اعلام ،  
برقضیه محکمه حالی آلمش بر مجرم ایچین بیله لسان نزاهتک  
جواز کوستره میه جکی تحقیرلر ؛ حقیقت کونش کبی میدانه  
چیقنجه صاحبارینک ندامت و خجالتلرینی موجب اولاجق ظن  
ایله مشدک . نه قدر آلدانمشز !! ... آرادن زمانلر کچدی ؛ حادثه نک  
کیزی ویا آشکار بوتون اسبابی تحقق ایتدی ؛ مسبلر بولوندی ،  
یاقلانندی ؛ آصیلدی ، کسیلدی ؛ . . . . ده او نثریاتک هیچ  
دکلسه برسوء تفهم ، برخطا نتیجه سی اولارق وقوعه کلدیکی  
ایلری سوریلهرک ، اُک سطحی برسوق حیا ایله اولسون ،  
اعتذار ایدمک لازم کلیرکن ، بالعکس ، فرصت دوشدکچه :  
« . . . پرنس صباح الدینک ، بوملتک دماغنه یادکار نخس اولارق

القا ایتدیکی عدم مرکزیت فکری . . . . . » طرزنده  
 هجوملرله تجدید خصومت ایدلی .

بوده یتشمدی ؛ جمعیتک مرخص مسئولی بولونان بر (طیب)  
 ایله رفقاسنک اوروپا غزتهلرنده ویردکلری مفتریانه ملاقاتلر  
 صحنه غیظ و غرضی مطبوعات غربه قدر توسیع ایلهدی .

ایشته برطرفدن حکومت حاضره نك تمثیل ایتدیکی برفرقه  
 مهمه نك بویولده کی تجاوزلرینه ، محق و مشروع برمقابله ده  
 بولونمق ؛ دیگر طرفدن سنه لرك محصول تدقیق واجتهادی اولان  
 برمسلك حقنده افکار عمومیه یه ایضاحات ویرمك مقصدیله  
 یازیلان بومکتوبلرك برقسمی ، تقریباً بوندن بریحق ، ایکی سنه  
 اول انتشار ایده جکدی . لکن اووقتلر استانبول افکار  
 عمومیه سنك سکونته محتاج اولدینی ایلری سورولدیکیچین نشری  
 تأخیر اولونمشدی .

\*  
 \* \*

فقط آرتق ، بوايضاحاته لزوم قطعی وار ! هر کونکی  
 وقوعاتك ، صحتنی متزیداً تأییدایده کلدیکی برمسلكه ، منتسبلرینك  
 هدف اولدقلری وجدانشکاف تجاوزلره قارشى دائماً سکوتله  
 مقابله ، . . . . . جپانتدن و او مسلك حقنده کی قناعتك



تزلزله او غرامه سندن باشقه بر شیئه دلالت ایتمز. بونی ایسه ، هیچ  
بر صاحب اجتهاد و ناموس قبول ایده من. طنین سر محرری حسین  
جاهد بك افندیك بر کون مجلس مبعوثانده هایقیردقلری کی :  
« آچیق سویله مك ، ناموسلی آدملك کاری » ، هنی وظیفه سیرر !

\*  
\* \*

پارسه وقوع بولان بر سیاحتده صباح الدین بك افندیك  
بومسائله دائر قید ایتدکلی نوطلری کورمش ، دها اوزمان  
بو بیریکمش افتارله طویدن بر جواب ویرملری لزومنی حس  
أیله مشدم .

باخصوص که ایکی سنه دنبری سکونه محتاجز دیهرك اتخاذا  
ایدیله کلن بر سورو تدابیر تضییقه آلتنده افکارك تشسته  
او غرا دینی ، شوراده بوراده اختلال فرقه لرینك چوغالدینی ،  
مملکتك بر چوق طرفلرنده ، عصیانلرك اسکی شدتیله دوام  
أیله دیکی بر صروده ، أکفعال وأك حیثیتی بر صلح وسکون خادمی  
اولان مسلك اجتماعیمزك ایلری یه دوغرو بر آدیم دها آتماسنه  
قطعیاً قناعت کتیر مشدم . نهایت ، پارسه اجرا ایتدیکم صوك  
سیاحتده ، بوفکری صباح الدین بك افندی یه ده آچدم وکندیلرینك  
زمان زمان یازوب بر طرفه براقدقلری نوطلرك نشرینه مساعده  
أیله ملری رجاسنده ابرام ایتدم . ایشته بونوطار ، شیمدی  
افکار عمومیه یه عرض أیله دیکمز « صوك ایضاح » ی وجوده  
کتیریور .

شوراسنی ده قید ایدم که مشارالیهک بو مکتوبلری ،  
محضا اتحاد و ترقی جمعیتنک خطالری صایق ، افکار عمومیه بی  
علیه تحریکه چالیشمق کبی سفلی بر مقصدله نشر ایدلیور ؛  
بالعکس ، مملکتک طالع سیاسینه ریاست ایدن بر هیئتک ،  
اشغال ایلهدیکی مقامه متزایداً لیاقت کسب ایتمی تمئیسيله یازیلیور ؛  
کندی تعبیرلری وجهله : « اون ییلاق بردشمنه ، اون بش  
ییلاق بردوست کبی جواب ویریلیور ! »

\*  
\*\*

ذاتاً ، صباح الدین بک ، مملکتتمزک تعالیٰ اجتماعیسنی ، تشکل  
ایتمش و یا ایدمک سیاسی فرقه لر دن زیاده ، ملتک تکامل فیکر یسنه  
خلوص تام ایله وقف سعی ایدن زمره لر دن بکله یور . بونک  
ایچین ده ، اصلاحاته قانوندن زیاده تربیه ایله باشلایه رق ملتک  
سویه اجتماعیه سنی بالفعل یوکسکلمک و اوکا سعادت حقیقیه یوانی  
کوسترمک لزومنه قناعت قطعیه ایله قانع بولونیور !

مقام اقتداره کلن فرقه لر ، ایسته دکلری قدر قانونلر  
یاسینلر ؛ افراد ملت ، اونلری موفقیتله تطبیق ایدمک  
بر استعداد و تربیه یه مظهر اولدقن صو کرا بوقورو قانونلر دن  
نه فائده بکله نیر ؟ . . . « بر جمعیتی ، جمعیت ایدن قانون دکل ؛  
قانونی قانون یاپان جمعیتدر ! »

تاریخ اجتماعی بزه عیاناً کوستریور : قدرت حکومتک  
حکمدار آلندن نزعی کبی برواسطه بسیطه مشورتله ملتار ،

حریت حقیقه‌لرینی اکتساب ایده‌یورلر . پارلمنتو حیاتنده  
ایرلیله‌مش جمعیتلری نظر دقته آلیر سهق کوریورز که مشروطیتله  
اداره اولونان یرلرده ده استبداد بوتون معناسیله حکمفرما  
اولابیلیر ؛ موجود بر حکمدار یرینه، بودفعه بر چوق حکمدار  
طاسلاقلری کچیر . اصول مرکزیتک بزی سور وکله مسندن  
قورقدیغمز بر حفرده ایشه بو !

\*  
\* \*

یازق که ، اوج سنه مقدم ، اقتطافاً نشر ایتدیکم « برنجی  
ایضاح » ده عدم مرکزیت تعبیرینک، بعض محیطلرده اوغرا دیغی  
سؤ تفسیره قارشى یازدیغم برفقره‌یی بوکونده تکراره مجبور  
اولورم : « الان اوتوز ایکی سنه اولکی قانون اساسیمزک  
بیاه احتوا ایتدیکی بر اصول اداره‌نک ، تبیین منافعنه مجبوریت  
کوریورز . بو مجبوریت، اُک علوی مقصدلری، اُک سفلی منفعتلره  
فدادن صیقیلیمیان بر سور و غرضکارک افکار عمومیه‌یی اغفاله  
چالیشمه‌لرندن نشأت ایدیور . فقط ، نسل جدید منور حقیقتی  
نشر و تعمیمه عازم بولوندیغی ایچین غرضکارلر وجدان ملی‌یی  
دائماً اغفال ایده‌میه‌جکلر ! »

\*  
\* \*

کرک برنجی ، کرکسه ایکنجی ایضاحده مسلکمزه متعلق



مقالات تدقیقیه و بالخاصه صباح الدین بك افندیك بو خصوصده  
یازه جقلری یازیلرله بر سلسله نشریات تعقیب ایلیه جكمزی وعد  
ایتمش و بولزوملی کتبخانهك ایلک ایکی جزئی قارئلرمزه  
اولجه تقدیم ایله مشدم. بو « صوك ایضاح » لده ایشته بووعدی  
ایضایه چالیشیورم.

استانبول : ۱۴ مارت سنه ۱۳۲۷

سطوت لطفی

## اعتذار

متن کتابده قالان بعض ویرکول ، نقطه کبی خطالردن ماعدا  
آئیده اشارت اولونان مهممجه بر قلاج مرتب خطاسی - ایدیلن  
دقت واعتنایه رغماً - ینه قالمش اولدوغندن کتابک مؤلف  
محترمندن طلب عفو ایدره ، وقارئلریمزکده خطا - صواب جدولنه  
کوره اجرای تصحیحات ایللملرینی رجا ایدهرم .

س . ل

صفحه	سطر	خطا	صواب
۲۰	۱۷	اتهاملره قارشیلادیفنی	اتهاملره قارشیلادیفنی
۳۰	۵	تجدید ایتک ایسترم .	تجدید ایتک ایستدم .
۳۶		( صوك سطرک باشنده کی « و » فضله در . )	
۴۲	۱۲	علوی جنابی دشمنلره	علوجنابی دشمنلره
۴۷	۲	بوسفرده بارس	بوسفرده بارس
۴۸	۱۲	بو پارتیتک نوه سی	بو پارتی نك نواتی
۴۸	۲۹	L'ancien.	L'ancien Régime.
۵۲		( مکتوبک نهایتده کی « بارس ۱۹۱۰ » تاریخ سیهوا باصمامشدر . )	
۵۴	۷	سنه ۳۱۵	سنه ۳۲۵
۵۶	۲۲	وطنددن هرکیم	وطندن هرکیم

صواب	خطا	سطر	صفحه
اتحاد و ترقی	اتحاد ترقی	۱۷	۵۸
(مکتوبك نهايتنده كى) (پارس ۱۹۱۰) تاريخى سهواً با صلما مشدر			۵۹
آمرىقاي جنوبى جمهوريتلى	آمرىقاي جنوبى جمهوريتلى	۱۲	۶۶
بترلندى بعضىلىرى			
(مكتوبك نهايتنده كى) «پارس ۱۹۱۰» تاريخى سهواً با صلما مشدر			۶۸
56 rue Jacob	59 rue Jacob	۲۱	۷۰
زنكين بر علم صنايع	زنكين بر علم صنايع	۱۲	۷۵
Poinsard	Poinsord	۱۱	۷۸
تربيه سنك ترجمان اجتماعيسى	تربيه سنك ترجمان اجتماعيسى	۲۴	۷۸
احضارينه مساعد!	احضارينه مساعد:	۴	۹۱
آلشديره جنى، انسانللك	آلشديره جنى. انسانللك	۱۷	۱۰۱
آلچاقلنى	آلچاقلنى	۲۱	۱۰۴
( سطر ك باشنده كى «محيطنه» فضله در . )		۱۵	۱۰۵
وديكور مأمورلرك	وديكور مأمورلرله	۱۰	۱۱۳
اوغرانيرسه	اوغرانيرسه	۴	۱۱۹
اوكرنمكه	اوكرنمكه	۶	۱۳۵
اولسنى	اولسى	۹	۱۳۷





# اتحاد و ترقی صحیفه :

## برخی مکتوب

افندیلر !

شو کوچوک مقدمه یه بویوک بر هیكلسازك خلاصه ایتدیکی  
بر فکر ایله باشلامق ایستیورم .

« کوزله چرکین برلشدیکی زمان ، دییور ، کوزل ظفریاب  
اولور . طبیعت ، الهی بر قانونله دائماً اُک ای یه کیدیور ؛ متصل  
« اَمل » ه دوغرو میل اییدیور ! »

( رودن ) ک بو افاده سنی زمین اجتماعیه کچیرنجه :

« حقیقتله قوت چارپشدیغی زمان ، عاقبت ، حقیقت ظفریاب  
اولور ! » قوتی انهمزاه سور وکله مه مک ایچین بوقانونی خاطر لاق ،  
علمیله عمللنمک لازم !

\*

\* \*

سعادت اجتماعیه یولنی کشفه چالیشان بو مکتوبلرده ، بشقه  
بر یولک یولحیسی بولونان جمعیتکزکده ایملکی مطلق برصمیمیتله  
تمنی ایدیلیور و بزه اون ییلق بر دشمن اولان اتحاد و ترقیه اون

بش ییلاق بر دوست کبی جواب ویریلیور . بر یولده یورو -  
مدکسه ده بر تهله که یه قارشیی ، بر نقطه مدافعه دن یورو مکه باشلامشوق .  
بز بونی اونو تمیور و اثبات ایتک ایستور ز که : دوستلقه دشمنلق  
قارشیلادینی زمان ، عاقبت ، دوستلق ظفریاب اولور ! چونکه :  
« فطرت ، الهی بر قانونله دائماً اُک ایی یه کیدیور ، متصل  
« اکل » ه دوغرو میل اییدیور ! »

\*  
\* \*

## هجوملر ناصل و نیچون باشلادی ؟

### مشروطیتدن اول

مشروطیتدن اولکی نشریاتکیزک اساسی : ( بوتون فلاکتلریمز  
استبداددن ، استبداد ایسه سلطان حمید و حکومتدن دوغور !  
شوحالده حکومت حمیدییه یی دویرر ، یرینه مشروطیتی کچیررسهک  
هر شی دوزلیر ؛ مملکت قورتولور ! ) قناعتنه مستنددی . بو  
قناعتک بزه قناعت بخش اولامادینی زماندن اعتباراً « اتحاد و ترقی »  
ده کی رفقای سعیمزدن فکرآ تباعده باشلادق . غیرتلرینک قیمت  
اخلاقیه سنی علناً تقدیر ایله برابر [۱] مخالفین فرقه لری نشریاتنک  
جمله سنه اسالاس اولان قناعت معروضه نک بزى حقیقتدن  
آیردینی ویا کلش بر دستورله هیچ بروقت دوغرو بر نتیجه یه



واریلامیه جعفری سویله مکه کندیمیزی وجداناً مجبور عدایتدک .  
بو مجبوریته تأثیری آلتنده درکه ( ترقی ) دیمشدی :

« بز بونجه سنه در بر کشینک ، اوطوردینی دالری کسن بر  
مجنونک سیاحتی صایمقله قالیور ، فناغک اصلیه دکل ، کلوب کچیجی  
بر شکلیله اوغراشیوروز . شبهه سز ، زمانه بر مرکز ثانی سیاحت  
حاله کلن بو ملوث شکاک ، سرعتله دکشمسی لزومی بزده تصدیق  
ایده رز . فقط شکل حاضرک تبدیلی مرکز اصلی سیاحت سکوطی  
تأمین ایده من ! . . . عبدالحمید ثانی به ، حضور بال ایچنده یوزبیکلرجه  
جسدی چیککنه ن ، بوشین بشریته ظلملرک اقصابی خجالنده اوتوزیل  
سلطنت سوردیرن کیم ؟ . . هیئت اجتماعیه مزده کی نقصانلر وسفالتلر  
دکلسه ! . . . بزجه وظیفه لرک اک اهمیتلیسی ایشته بو نقصانلر ، بو  
سفالتلری آرامق ؛ وکندیمیزی حقیقتله قارشی قارشی به کتیرمک ! »  
۲۱ آغستوس سنه ۱۹۰۶ تاریخی « شورای امت » کزک :

بزشیمدی معلوم اولان شواحواله قارشی نه یاعلی یز ؟ انسان میدان  
حرب وجدالده خصمک ضعیف حاللرندن ، هر درلو علتندن استفاده به ،  
چالش دینی کبی ، عثمانیلرده استرداد حقوق معروضنده دشمن جانلری  
اولان عبدالحمیدک وهم وتلاشی نظر اعتباره آله رق حرکت ایتلیدر «  
فقره سنی ( ترقی ) حق سزیره تنقید ایتمه مشدی :

« تجربه لر واضحاً کوستریور ، دیمشدی ؛ نه بیوک برحسن نیته  
استناد ایدرسه ایتسین ، یالکز حکومته قارشی باغیروب چاغیرمقله  
وطن قورتولامیه جق ؛ مجربی یکیدن تجربه به قافیدشوق ، اولدوغمز برده  
صاپلانوب قالمقدیر ! [ ۱ ] تاریخ بشریتده تک بر مثال کوره میورزکه

[ ۱ ] بوکون سلامت ملیه یی مجرد « اتحاد و ترقی » نک سکوطنده  
آرایان وطنداشلمیزه قناعت فکریه من ، بز عین جوابی ویرمه  
مجبور ایدیور .

بر ملتك ، حكمدارينك اوهام وتلاشنى نظر اعتباره آملقه استرداد حقوق ايتديكىنى كوسترسين ، استرداد حقوق مجرد استحصالدهكى قوتىزى آرتمىزمله اولور ! بزحريت ايستهك ؛ فقط حراولان ملتريك اونى ناصل قازانقلرىنى دوشونمىدهك ، احوال اجتماعيه مزك تنقيدينه ياناشماق ؛ نشر ياتمىزده بالطبع تأثيرىز قالدى . اكر مستحصل ملتزده كوردىكمز حریت وسعادتى اله كچيرمك ايسترسىك ، اونلرى بودرجه تمدنه يوكسلىتن اسباب اجتماعيه يى تشرىخ ايله محيطمىزده سالم بر ادراك اجتماعى توليد ايتلى ، هرشيدن اول طائيفه محتاج اولديغىز افكارى نشره چالشمالىز . يالكنز بوافكار ؛ بر ويا بر قاچ كشينك مطالعات خصوصيه لرندن عبارت قاليرسه طبيعىدركه حقيقتيه معيار اولاماز !... فقط تدقيقه قويولان هرمتفكره واسع براطمئنان تأمين ايدهك تحليلى مشاهدله ، فى اثباتلره طيائيرسه بويله بر حركت ، باشلانمىزده مسلسل اعتراضلره ، مكرر لغتله بيله هدف اولسه بايلىدىنى محيطك استقبالى اوزرنده - ايستر ايستىز - درين وپايدار بر تأثير وجوده كتيرو ! الح ... »

ايم و مديد سنه لك تدقيقات و تحليلاتى نتيجه سنده ايدىنديكمز قناعتلرك تعميمى ، شوراي امتلرك دليلىز اتماملره قارشىلاشدىغى كورنجه ، خلافيكران محيطنده برى اكثريت ، ديكرى اقليتمده اولمق اوزره ايكي مخالف جريان اوكنده بولنديغىزى كوردك ؛ فقط معروض اولديغىز اك چيركىن افتزالرى بيله ، ييلدىز جنائتلرى قارشىسنده كورمه مكه ، بيلمه مكه جبر نفس ايتك . دها ارضروم و جوار عصيانلرينك آن ظهورنده ، پارس « اتحاد و ترقى » جمعيتنك علمىمىزده داخله كوندرديكى كىزلى مکتوبلردن شكايخوان اولان و ( بو افتزالر ، آوروپاده ترك منورلرى آراسنده اتحاد

اولامیه جغنی اثبات ایدیور ( ادعاسنده بولونان مخابرله قارشی [۸]  
 « امیزکه، دیمشدک، هیچ بر ترک منوری، بوکون برههچ و مهج  
 اضمحلال ایچنده یاشایان وطننک خلاصنه وقف نفس ایتمش و طنداشلری  
 علمینده بوبله بر حرکتی قبول ایتمز! » اهلیمزی حکومت حمیدیه علمینده  
 جدی حاضر لقلره دعوت ایلرکن ده [۲] و طنداشلر من تشبثی یالکیز بزدن  
 بکله مکله قالمی؛ شعبه لر منک بولوندینی موقعده کیلر اولرک قوتی  
 آرتیرمه، بولمندی یرده کیلر یکی شعبه لر تشکیلنه تشبث ایله ملیدرلر.  
 افکار سیاسی و اجتماعی مزه اشتراک ایده مینلرده مسلکری فکرلریه  
 ده موافق کلن دیگر حریت پرور آرقداشلر مزله چالیشمی؛ فقط هیچ

بر وقت بوش طور ماملی. چونکه بو بوشلق ناموس ملیمزه قارشی  
 عفو اولوتماز برسوء قصد اولیور! » فریادینی رفع ایتمشدک.  
 مشروطیتک اعلانندن بر قاچ آی اول پارسده عثمانلی مخالفین  
 فرقه لر قونفره سنک موفقیتله نتیجه لندیکنی تبشیر ایله ین آشاغیکی  
 سطرلر سه، مخالفلر من حقنده بسلدیکمز حسله علناً ترجمان  
 اولمشدی:

« بو اتحاد بر قسم مزه منحصر قالمسین، بیوسین، ملی بر قیام ایله مدنی  
 بر اداره تأسیس ایله سین! بوکا موفق اولق ایچون ترکلرک اولاکندی  
 آرالرنده کی وفاق و اتحادی آرتیرملری، آرتیره جق تشکیلاتی اصول  
 و نظام دائره سنده هر کون ده بویوک بر تشبث، ده بویوک بر عزم  
 ایله توسیع ایتلری لازم!

بختیارز که اولادلرینک جمله سنه بر مرکز عظیم انجذاب اولسی  
 ایچون ایجاب ایدن وطنم زده حکومت حاضره مختلف عنصرلره قارشی  
 عن مرکز بر تأثیر اجرا ایدیور سه ترکلر صوک حرکتلریله الی مرکز

[۱] ترقی: ۱۴

[۲] ترقی: ۱۶



روانی چویرمکه چالیشورلر . ایشته آناتولی ، موجودیت اجتماعیه سنی اظهار ایده لیدنبری یکذیکرندن مزارلرله آیریلان ارمنیلرله ترکلر ، بو اسکی ویکی دوستلر ، میل عدالتدن طوغمه برانجذاب متقابلله برلشبور! . حرکتک دواى شبهه سز عناصر سائره یی ده جذب ایده جک! بوکون او بیوک اتحادک کوچک بر نمونه سنی عرض ایلین قونفره من اعضاسنی تبریک ایدرکن کندیسنی اونوته میه جغمز بر صنف وار : تشکیلاتمزی ایچریده جان بهاسنه جانلاندیران قهرمان رفیقلمز ! هانکی فرقه دن بولنسه کز ، تبریکه اُک شایان اولان سز لر سکز ! . . سز ، قویون سوروسندن فرقی اولیان میلیونلرجه انسان ایچنده انسانلغمزی اثباته عزم ایدیور ، بو متعفن حیاندن مترقی برمدنیت چیقاریورسکز ! . . ترکیه ده طاغیر کی باش قالدیران مستبدلر ، قایغوسزلغه اوردوغکز مطرد ضربه لرله تیریتیرتیریور! . . قلبکزله ایصیتدیغکز زمین ملیدن قوپاجق قیامتمون بر زلزله ایله اونلر هپ کوچه جک . . . وکوچدکلری طوپراقدن برجهان سعی وسعادت طوغاجق ! . . [۱]

\*  
\* \*

## مشروطیتدن صکره

قایغوسزلغه اوردوغکز مطرد ضربه لر آلتنده دور سابق ، قیامتمون بر زلزله ایله کوچدی ! . . . فقط کوچدیکى طوپراقدن بر جهان سعی وسعادت . . . هنوز محتاج انکشاف ! . . . آلقیشار دورینک قاپانمسنی متعاقب اندیشه لر ، کدرلر ، عصیانلر ، فاجعه لرله مملو بردور جدید مجهولیت آچیلدی ! مشروطیتمزک ایکنجی سنه سنده طنین ک « دستور اصلا حات »

عنوانی مقاله سنده بردستور موجزله تسلیم ایتدیکی کبی ( نهاسکی  
ماکنه قالدی ، نه یکی ماکنه ایشله دی [۱] . )

سلطان حمیدک خلعدن ، دور سابق ارکانک بوسبوتون  
تسکیلندن بونجه زمان کچدیکی حالد حکومت مشروطه نك  
پایتختمزده الا آن اداره عرفیه یه عرض احتیاج ایدیشی ترکیه نك  
صاغلام بر زمین ترقیده یورویه مدیکنی اثبات ایتدی . بز ،  
وطنمزك استقبال مدینسی حقنده کی نیکیله کمزی دائما محافظه  
ایله برابر مشروطیتدن صکره کی وقوعاتک ، مشروطیتدن اولکی  
نشریاتمزه هر نقطه ده حق ویردیکنی ؛ بحران اجتماعیمزك مرکز  
ثانیسی اولان حکومت حمیده نك سقوطی ، مرکز اصلی سیأتک  
سقوطی تأمین ایده مدیکنی ادعایه مجبورز .

مرکز اصلی سیأت یالکز شکل حکومتی دکشیدیر مکه  
بالطبع سقوط ایده مزدی ؛ چونکه ترکیه یی دائمی بر ضعف  
اجتماعی یه محکوم ایدن خسته لق ؛

حیات خصوصیه مزده : عاطل بر کوره نك ؛ شخصیتک ،  
مستحصل و مشروع مساعی ایله یوکسلمه سنه مانع بر طرز  
معیشت ؛ بو طرز معیشتی نسلدن نسله سور و کله یی منفی بر تربیه !  
حیات عمومی مزده : حیات خصوصیه مزده کی عطالتی  
بوزمیننه کچیرن ، احتیاجات محلیه یه اصلا اویمایان ، بوندن دولای  
اک چوق مصرفله اک آرایش کورن ، ترکیه یی باشند باشه  
بر قبرستان سفالته چویرن مرکزیت !

[۱] بغداد مبعوثی اسماعیل حق بکک ( یکی طنین ) ده کی ( دستور

اصلاحات ) مقاله سندن . . .

بوحالده دستور تداوی :

حیات خصوصیه مزك شریانلری ، شخصیت ماحیسی عطالتله  
دكل ، - مثبت و عملی بر تربیه سایه سنده - شخصیت بانسی  
تشبثه اشباع !

حیات عمومیه مزك تنوینی ، احتیاجات متزایدہ محلیه مزه  
اویاجق، اك آرز مصرفله اك چوق ایش كوره جك ، مركزیت  
سیاسیه یی قوتلشدیره جك ، مفقود اولان وحدت عثمانیه یی  
موجود ایده جك ، فعالیت اجتماعیه مزك انكشافنه ، آل عثمانك  
ریاست لازمه سی آلتنده حاکمیت واستقلال ملیمزم تقررینه آلت  
اولاجق بر عدم مركزیت اداری ایله تأمین ایتك !

\*  
\* \*

تعمیقنه شدتله محتاج اولدیغمز شو حقیقتار علیهنه مشروطیتدن  
اولکی کبی مشروطیتدن سوکرده جمعیتمز هیچ بر تدقیقه لزوم  
کورمه دن اعلان حرب ایتدی. اوتوز اوچ ییلاق تحکمی، عثمانیلر  
ایچین بر ذل عظیم اولان دور سابق رئیس: « مشروطیت پرور  
حکمداریمز (!) محترم و مقدس پادشاهمز (!) . . . . » یوللو  
تعبیرات ایله آلفیشلانیرکن معارضلرندن کنیدیسیله اوزلاشمغی  
ایستمینلر ، بو وطنك اك بویوك خائلی صایلدی !

طرفینك موافقیته اتحاد مزی متعاقب جمعیتمزك مذاکراتنه  
اشتراك ایله رفقاکزك بر قسمی طرفندن الاریمز صیقیلیرکن  
دیگر قسمی طرفندن حقمزده اسناد ایدیلدك شاعتار قالمدی .  
بوتون بونلره رغماً « تشبث شخصی و توسیع ، اذونیت » عنوانلی

« برنجی ایضاح » مزده تأسیسی ایکی طرفکده اعلان ایله دیکی اتحاد، بزجه اوقدر صمیمیتله تلقی ایدیش، مشروطیت اداره نك قبولنه واسطه اولمش بر جمعیه بو ملوث نشریاتی او قدر آز لایق کورمشدک که معروض بولوندیغمز افترالردن یالکز برینک منبعی ذکر ایتمش ؛ رساله مزك یدنجی صحیفه سنده وحدت سیاسییه یی قوتلشدیرن « عدم مرکزیت اداری » نك دولتی مقاسمه یه اوغرا ته حق بر مختاریت طرزنده کوسترلمسنه قارشى : « اداری اضافتیه ماهیت حقیقه سنی، عنواننده بیله تصریح ایله دیکمز بو طرز اداره نك « مختاریت » ویا « هیأت متنازه » اصوللریله هیچ برمناسبتی اولامیه جغنک بدیهیتنه رغماً ، اداره سابقه طرفدارلرینک تشویقات متعاده سی النده کله نك معناسی بوسبوتون تغیر ایدیلور ، جمله سیله ( اتحاد وترقی ) نك افترالرینی ینه کورمک ایسته مه مش ، فقط دلیل نامنه برکولککيه بیله استناد ایده مین بویتمز توکنمز تجاوزلره ، غیر قابل رد وثائق ایله جواب ویرمک ایچین امضامز آلتنده چیقان یازیلری ، پارچه پارچه انظار تدقیق وانصاف کزه وضع ایله مشدک. بومطبوع وثائقه رغماً جمعیتکزک « مستقل » بر غزته سی ، ۲۶ تشرین ثانی ۱۳۲۴ تاریخیلی نسخه سنده بزم ( انتخابات انتریقه لری ) نه قاریشمش اولدیغمز دن طوتدیره رق مقاصد اجتماعیه مزه کلیاً منافی برمسلاک سیاسینک مروجی بولوندیغمزی ادعا ، ویزی ( منفعت شخصییه ملاحظه سنی، منفعت وطن اندیشه مقدس نه فدا ایده جک کیمسه لر ) میاننده صیرالانیدردق دن صوکره ، اثنای انتخاباتده ( حسن نیتلرینه ، محبت وطنیه لرینه ، حمیت عثمانیه لرینه امین بولوندیغی ذواته :



« اصحاب اغراضك (!) اغفالاته قابيلوب ده نظر اخلافة لعنتله يادايديك  
 كې برتهلكيه نفسلرني آتمه ملرني ) كال حرارتله توصيه ايله مشدى .  
 بو آمرانه توصيه لر ك زه دن و نچين كلديكني ا كالا مقده كو جلك چكمه  
 مكله برابر « ايكنجى ايضاح » ده جوا بمزى ينه برجهته حصر ايتمش :  
 « طينيك برضرب قلمده ، ديمشك ، منفعت شخصيه ملاحظه سنى منفعت  
 وطن انديشه مقدسنه فدا ايده جك كيمسه لر آراسنه كچيرمك ايسته ديكي  
 آدم ، سـنه لردنبري عائله لر عـزه : اولاد لري كـزي ، نقطه استناد لريني  
 كنديلرنده بولديره جق برتريه ايله تجهيز ايدك ، دين واستناد كاهني  
 كنديسنده ، مشروع مساعيسنده آرايان آدمدر ! »

فضائل اجتماعيه وقواى مدنيه يي مجرد تشبث شخصى نك ترقيسنده ،  
 فعاليت اقتصاديه نك ترايديله تربيه حسيه نك تعاليسنده آرايان و بوتون  
 حياتلريني ، بوافكارى افكار عموميه يه القايه وقف ايده نلر ناصل اولورده  
 انتخابات انتريقه لريله اوغراشه بيليرلر .

بز نه مبعوثلغه ، نه مأمورلغه نامزد اولدق ؛ هيچ برقوة بشرية دن  
 شخصى نامنه هيچ برمعاونت ايسته مدك ، ايسته ميورز . حكومت  
 سابقه يه قارشى نه قدر مستقل ايديسه ك ، حكومت حاضره ومستقبله يه  
 قارشى ده اوقدر مستقل ، اوقدر مستقل اوله جفز . بوتون امللر ،  
 بوتون تشبثلر يمز نسل جديد عـزى مأموريت بشنده قوشمقدن قورتاراجق  
 شعبات مهمه علميه ، مساعى مشرعه مدنيه يه سوق ايده جك وسائط  
 اجتماعيه يي احضاره منحصر ! بو مقصدى غايه خيال ايدينلرك ، منافع  
 شخصيه لرى نامنه حكومتدن ايسته يه بيله جكارى يكانه لطف : كولاكه  
 ايمه باشقه احسان ايسته مم ! دن عبارتدر . »

بو كا قارشى ۲۴ شباط سنه ۱۳۲۴ تاريخلى ( طنين ) ده  
 ويريلن جوابك اك روحلى قسمنى - اهميت مخصوصه سنه مبنى -  
 عينا كچيريورم :

طنین سر محرری ، حسن نیتمزدن شبهه ایتهدیکنی (۱)  
سویله دکدن صوکره :

« بوباده دیور ، ذره قدر ترددم اولسهیدی شو سطرلری  
بازمغه لزوم کورمزد . چونکه انسان نه قدر متین برعزمه مالک  
اولورسه اولسون هرکون برطاقم کیمسه لک هر سطرندن کیری بر  
غرض طاشان سیل شتومنی قاریشدرمقله بعضاً دوچار فتور اولیور .  
کوریلورکه بویله لینه قارشی نه سویلنسه ، نه قدر معقول وجدی  
دلائل سرد ایدیلسه فائده سی اولیه جقدر . زیرا اونلر نه سویلنیرسه  
دیکله مه مکه اولدن عزم ایتشلردر . فقط بوکون قارشیمزده کی مراد  
معارضک بودیدیکمز گروه ایچنده بولنه بیله جکلرینه احتمال بیله ویرمکی  
وجدانمزه قارشی برحرکت صورتنده تلقی ایلیه جکمزدن کمال ممنونیتله  
شو سطرلری یازیورز . صباح الدین بکک دیدیکی کی :

« مادامکه هیمز برحق ، حقوقکده الهمقدسی اولان وطنککنی  
مدافعه دعواسندهیز . باری اونی هر شیدن اول لایق اولدینی علو  
جناب ایله مدافعهیه چالیشهلم ، حق پرست برملتک محور حسیاتی غرضه  
دکل اخوته ، عالمشمول برمحبتنه استناد ایدر ! »

اعتراف ایتکه مجبورم که فکرلرمز اتحاد ایتسه بیله حقنده حرمت  
بسلهیه بسلهیه مطالعاتی جرح ایتک ایستیه جکم بویله مراد برمعارضه  
صیق صیق تصادف ایتهمک محرومیتندهیم ! »

حقیقتی ولوموقتاً اولسون قبولک ، برفضیات اولدوغنی تسلیم  
ایدهرم . بوفضیاتی ال فعال بر مدافعکزده کورمک ، اییلکه  
موفقیتمکزی مطلق برصمیمیتله تمفی ایدن بزلرجه قیمتسز برتسلی

عد اولئامشدی . حتی بوسطرلری جمعیتکزک ( نه سویله نیرسه  
 دیکله مه مکّه اولدن عزم ایدن افرادی میاننده ) دوغرونی  
 دوغرولقله قبول ایدن وجدانلی اعضایه مالکیتنی بیلدیکمز ایچین  
 یازیور ؛ اتحادک ، یالکز شایان حرمت اولان وجدانلرینه  
 خطاب ایدیورز ! بونی دیدکدن صکره طنینی - آرزومه رغماً -  
 ترکه مجبورم . رغماً ؛ چونکه . طنین ، تنقیدک شرائط ناموسپر -  
 وریشنی بردفعه اونوتسه بیله هیچ اولمازسه دیگر دفعه سنده  
 اونوتما دیغنی کوسترمکه چالیشیور ؛ حکمت بدایع ایله اولان  
 الفت قدیمه سنی بوسبوتون کسمیور . وضعیت حاضرّه سیاسیّه سنک  
 آرقه سنده : آقشام تفکرلری ، آیاستفانوس کیجه لری ، حیات  
 محیل و حقیقه مهنه لری ، بوتون برسلسله نفایسله ادبیات  
 جدیده مزک اومنور افقارینی برزمانلر متمادیاً توسیّع ایده کلمش  
 برسیای خشین ادبی دائماً مختفی !

بز معارضلر مزک خطالرندن اول فضیلتلرینی آرامنی کندمزه  
 وظیفه بیلدیکمز ایچین « طنین » ک «ایکنجی ایضاح»ه قارش حقیقتی  
 قسماً اولسون تسلیم ایدیشنی یالکز کندی حسابمزه دکل آداب  
 عمومیه حسابنده ممنونیتله تلقی ایتمش ، استقبالکزدن امیدوار  
 اولمغه باشلامشوق . اگر نثریاتکز بواسطقامتی تعقیب ایدهیدی ،  
 جمعیت وفرقه کزک طبیعی الوقوع اولان خطالرینی ، - متصل  
 اورتمکه چالشه جنی یرده - دورین و ناموسکار برجسارتله تعمیق  
 وتنقید ایده رک وهرشیدن اول حق وحقیقته ترجمان اولمق  
 ایستسهیدی ، دور سابق جورنا حلیغنک یرینی طوتان بودور  
 حاضر افتراجیلغنی ، وجدانلری دائماً کورلشدیرن شو آلاجه

قارا کلقلار موقعلرینی ؛ یاواش یاواش دها مشروع اندیشهلر ،  
دها عالی تحسسلر ، دها جدی تبعلر دها بیوک ایشقلره ترک  
ایدهر ؛ وطنک اک وجدانی اولادی اتحاد و ترقی ده ، عنواندن  
زیاده معنایه صاحب بر انقلاب ، رحیم و شفیق بر آغوش صیانت  
کشف ایتمش اولوردی ! نه یاللم که وقایع ، صیغه شرطیه ایله  
بسله نن بوکوزل امیدلردن جانلی بر حقیقت چیقارمق ایچین دها پک  
چوق چالشمغه محتاج اولدیغمزی کوستردی ؛ نشریات اجتماعیه مزک  
اصابتی بر کره دها اثبات ایتمش اولدی .

پارس ۱۹۱۰ ل



## پنجی مکتوب

محور حسیاتمز متفسخ بر غرضه

استناد ایدیور .

اثباتلر :

آجی بر درس اجتماعی اولان ۳۱ مارت فاجعه سنک کچنلرده  
سنه دوریه سنی ادراک ایدرکن مناستر جمعیتکیزک رسماً صاحبی  
بولوندیغی ( نیر حقیقت ) ده بزه قارشی ایراد ایتدیکی خطبه یی  
تبرکاً بر کره دها اوقودم و بو ( ضیافت دماغیه یی ) شرفکزه  
تجدید ایتک ایسترم . ۱۲۰ نمرولی « نیر حقیقت دن » عیناً :

« سلطان زاده صباح الدین بکه »

« اقدام غزته سنده عثمانلی عسکرینه خطاباً بر مکتوبکیز کورولدی .  
اولا شوراسنی سویله یه لم که سزک عموم عثمانلی عسکرینه آرتق حق  
خطابستکیز یوقدر . سز آنجق کیملره پاره ویردیکیز ، کیملرک قلبنی  
ساتون آلدیکیز وهانکی نفرلر سزک فکر مفسدتکیزه خد متکار ایسه  
اونلره سویله یکیز ؛ زیرا ، برجانی یی قارشیدینده ، الاکن سربستهجه  
سویله ته جک عسکر ، بورالرده هیچ یوقدر .  
شریعتدن بی خبر کیمسه لرک باشقه لرینه درس و یرمه سی کولونج

اولوور . دیورسکز که : ( ... شریعت مطهره منری یالکز ایسته مکه  
 قالمایوب اونی طوغریدن دوغرویہ اجرا ایتمکلیکیزی دیله یورز ؛  
 چونکه شریعت ایسته بنلر هر کسدن اول شریعتک امرلینه اطاعت  
 ایتمه لیدر . ) آفرین واعظ ! . . . درس کوزل ، فقط تحفجه ! . .  
 شو سطرلریکزی تحلیل ایدرسه ک کوره جکز که ( ای عسکرلر ، سز  
 شریعت ایسته یورسکز اما ، کندیکز شریعت دائره سنده کیتیمورسکز .  
 شریعتک امرلینه اطاعت ایتیمورسکز ! ( سوزلری ریا کار سطرلریکزک  
 آلتنده صاقلانمشدر . سز بوراده دوغری سویلیورسکز ( هر یرده  
 سویله مکه چالشدیغمز کی ) . واقعا ( شریعت ایسته رز ) دینلرک اله  
 باشلری هپ پاره لریکزک (؟) سوق سفاهتیه استانبول میخانه لرینی  
 مکان اتخاذایدن برطاقم الجاقلردر ، بونلر راقی بی ایچر ، رزالک بویوکنی  
 یاپار و صباحلین مجلس مبعوثان اوکنه کلرک ( شریعت ایسترز ) دیه  
 باربار باغیرلر . حالبوکه اولنلرک آلتلری عمرلرنده سجده یوزی کورمه مش ،  
 دیللری ، بلکه بر دفعه حق اولسون کلمه توحید وشهادتله تأیید ایمان  
 ایتمه مشدر . مسأله یی یالکز بر طرفدن یورومیه لم ریشلری سرخوش  
 وحدتی اولان « اتحاد محمدی » نامی آلتنده طوپلانان عسکر قاقاقلریله  
 خفیه سوپرونتولرینک ماهیتی دها بر باددر . ذات جوان بختانه لری ایسه  
 بوقیله دربدرک مدیر سیاقی سکز ! بونی بزدن اول برچوق آوروپا  
 غزته لری ده سویله دیلر (۱) فقط رجا ایده رز ؛ برآز محاکمه وجدانه  
 عودت ایدیکز ؛ شریعت یالکز استانبولده می ایسته نیور ؟ . . کرییه  
 قالان اوتوز میليون خلقه استانبولک اک مبارک علمای اسلامیه سندن  
 مرکب اولان جمعیت علمیه عجبا نه دن بویله بر دعوایه قیام ایتبور ؟  
 هر ملتک خاندان سلطنتی تاریخنه بر ماهیت اصلیه یی حائزدر  
 برعائله دن ظهور ایده جک بدطیبت ، یالکز کندی صحیفه سنک محیطنده  
 [۱] مطبوعات غریبه ده بوادعانک ده تمامیه عکسنی اثبات ایده جک  
 اله بر چوق وثیقه لر وار !

قالير ؛ فقط سز صوك حر كاتكزله عثمانلى خاندان سلطنتك مستقيلات  
تاريخيه سنى ليكه دار ايدىورسكز . مادام كه سياستدن چكلايككزى  
اعلان ايتديكز ، نه دن كيزلى خنچر لرله ملتك صحت استقلالنى قاناتمق  
ايسته ديكز ؟ عالم سياستدن چكيلمك سز جه عالم جنايته كيرمكى در ؟ ..  
سز اولجه استبداددن قاچشديكز ، شمدى ده مشروطيتدن  
قاچيورسكز ؟ او حالده سز نه ايتيورسكز ؟ ديمك كه سز استبدادله  
مشروطيت آره سنده برشى ! يعنى هر حالده كنديكز ايچون فائدهلى  
برشى بكليورسكز ؟ ..

خاير نجا تآبا ؛ ملت منافع وطنيه سنى تأمين ايتزدن اول ، هيچ  
كىسه نك احتراصاتنه اسير اولمق ايسته مز . سز مادام كه عمر يكزى  
آور و پاده كچيرديكز ؟ مادام كه ينه اوراده كچيرمكه قرار ويرديكز  
آرتق بزى ده راحت براقكز ؛ ايسته ملت سزك زهر يكزله بر بحران  
خونين دها كچيردى .

شمدى يه قدر مفلوج طوران قلمكز شمدى نه دن عسكره قارشى  
بر درس شريعت ويرمك مجبوريتنى حس ايتدى ؟ .. سز پلانى ترتيب  
ايدك ، جنايتى حاضرلايك ، ملتك مزارينى قازك و صكره ده آرقه كزده  
قوپاجق قيامت فساد و انهدامه قولاقلريكزى قاپايه رقى قاچيك ! ايسته  
سزك وطنه خدمتكنز ! .. فقط ، اى صباح الدين بك ! .. بونلر تراكم  
ايتمش برر آه وطندر كه رب الانتقام حضرتلرى هم دنيا ده هم آخرنده  
سزدن بونلرك آجى سنى چيقاره جقدر .

رفيقيكز وحدتى يه كلنجه ، [ زواللى نك ، رسمى بيله كورمه دم ! ]  
اوده سزدن اول غزته سنده اعتراف جنايت ايتشدر « وولقان » ناميله  
چيقاردى نسيخه فاسده نك باش طرفنده ( معلوم اولان بش كشى يى  
وطن خارجه چيقارماز سه كز تسكين غلبان ممكن اوله ماز ) ديوردى  
اشناى اختلالده ايسه معلوم اولان بش كشى يه هجوم ايدلى . آرتق  
كونش كى آشكار كه ترتيب ايتديكز عصيان قطعياً شريعت اوغورنده

دکل بش کیشیدن انتقام آلتق ، استبدادی استحصالیله پازه اولوقلرینک آلتنده اتکریکزی آچق ودها کیم بیلیر ، نه قدر سفاهتلر اجرا ایتک ایچون ارتکاب ایدیلشدور .

الله بویو کدر ، اسکی استبدادچیلردن ناصل انتقامیزی آلدیسه سزندن ده اویله جه آله حق ؛ بو ملت ناجیه امید ایتدیکی مسعودیته نهایت ایریشه جکدر . عسکر بردفعه آلدانیر ؛ ایکنجی اغفال شبهه سز قفا کزده برییلدیرم دهشتیله ینه کندیکزی ( یاقه حق ، حق یرینی بوله جقدر . »

اوکا هیچ شبهه یوق ؛ بز کورسه کده کورمه کده ده ، حقا یرینی بولاجنی ادعاسنی تعظیلات لایقه ایله قبول ایله دکلن صوکره دییه بیلیرم که ، جمعیتکزدن مهم بر جزؤک احوال روحیه سنی بوقدر ایی تجسم ایتدیرن بر وثیقه یه آز تصادف ایتدم .

دیگر بر مروج فکریکزی ، علمینده کی اسناد ایدن شکایت ایدهرکن ( معرفت سویله مکده دکل ، اثبات ایتمه کده در ) دیوردی . نه دوغرو سوز ! باقهلم « نیر حقیقت » کز هانکی اثباته استناداً جنایتمه حکم ایدیور ؟ . . « بلغار غزته لرینک یازدیغنه کوره دیور ، ارتجاع پلانلری صباح الدین بک طرفندن ترتیب ایدیلشدور .

ویوم وقعه دن ایکی کون اولده روایته نظراً باشنه شابقه کیهرک فرار ایتشدور . طوغروسی وطنپرور ، خادم ملت ، بیوک بر ذات (!) شیمدی ( معرفت سویله مکده دکل ، اثبات ایتمه کده در ) .

دیین منطق « طنین » ه صوراً بیلیرمییم ؟ . . اورته ده مضحک



بريالان ، رذیل بر افتادن باشقه اثبات نامه ذره بيله يوقکن نه حقله مدافعه حق وحيثيه منحصر بوتون بر عمر ناموسکاری چيکنه مک ايستيور ، ياخود بونی ايسته ين رفقا کزی معذور کورييورسکز ؟ . . بر وطنداشکزی جنايتله اتهام ايچين ، نظرکزده ، لاعلى التعين بر بلغار غزته جيسنک ينه محيطکزدن چيقمه روايتلردن ملهم اولارق نقل ايتديکی بيک بر کيجه ماصاللرندن باشقه برشی لازم دکلسه ، حقوق آخره حرمت امر ايدن دعوای حريته هانکی صلاحيتله قالقيشيورسکز ؟ . . بويله بچاره يالانلر ، عاميانه تجاوزلر ، غافلانه اتهاملرله ينه بر قسمکز طرفندن اخلاق عموميه مشؤم ضربلر اينديريلوب طوررکن هانکی صفتله مخالفلردن اثبات بکليورسکز ؟ . .  
اولا ، ايچيک-کزده کيلره مرام آکلاتک ، صوکره باشقه لرینی حق وانصافه دعوت ايديک ! . . .

\*  
\* \*

نير حقيقتکز ينه عين نسخه سنده : ( بو انقلابی احضار ايله وجوده کتيرن « اتحاد و ترقی » جمعيتنک ملته مديون اولديغی وظيفه فدا کاری بی ایفا ايده رک برکناره چکلديکني ! ) ادعادن (!) صوکره « بواناده دييور ، کوبا سنه لردن بری وطن سلامتی ايچين اورغراشان پرنس صباح الدين بک عودتله ( احرار ) نامی آلتنده بر فرقه تشکيل ايتدی . پرنس جنابلری مطلع انوار حریت طانيدیغی مناسترده کلش وعالی نقطه لردن دم اورمق شرطيله وطنپرورانه نطقلرده ايراد ايتشدی . کنديسنک برچوق سنه لر وطن جدا ياشاماسی ، مرکز اسرافات اولان سرايه صوقولماسی ، عموم نظرنده وطنپرور

طائماناسنه سبب اولدی ؛ بناءً علیه تشکیل ایتدیکی فرقه احرارده  
 شخصنه ، مسلکینه نسبتله ضرر رسز و بلکه ده سلامت وطنه خادم امیدیه  
 امنیتله تلقی ایدیلدی . « طنین » و « وقتیلہ » « لاتورکی » غزته سنده کی  
 ( اصهار لانه ) سطرلردن ملهم اولارق انتخابات اثناسنده نشر  
 ایتدیکی بر مقاله سنه « ایکنجی ایضاح » ده جواب ویررکن :

« فرقه احرارک پروغرامی میدانده . دیمشدک ؛ هدف سعی  
 بوسبوتون سیاسی ... بزسه هرشیدن اول اجتماعی بر مقصد تعقیب  
 ایدیورز . بومقصد هنوز ، اتحادک ، نه ده احرارک پروغرامنده  
 موجود ! « لاتورکی » نک معهود افشا آتته کلنجه ؛ بونلرک هیئت  
 مجموعه سی ، یعنی « صباح الدین بک فرقه سی » سوزی بر وهم محض  
 اولغندن باشقه برشی دکل ! ... مسلکمزى طائمیهرق لهمزده بولونانلرک  
 بر قسده یله ، علیهمزده بولونانلرک جمله سی هانکی فکره خدمت  
 ایله دیکمزی یقیناً بیلسه لر ظن ایدرم که ایکی طرفده ادعاسندن واز  
 کچه جاک . چونکه بر منفعت خصوصیه سیاسیه کوزه تهرک لهمزده  
 بولونانلره وعد ایده جاک مأموریت ویا حمایه لریمز اولمادیکی کی علیهمزده  
 بولونانلرک ده اللرندن قاطع ایسته یه جکمز هیچ بر موقع یوق ! شو  
 حالده ایکیده برده فرقه مدن بحث ایله مکدن اوصانمیانلر ، اونک برینه  
 هر نه دیسه لر زمانلرینی اصلاً غیب ایتیه جاکلر . فقط بونی کیمه  
 ا کلامی ؟ ... »

سوالک نه قدر بجا و آلیم اولدیغنی یوقاریکی یازیلرده واضحاً  
 کوسترمیورمی ؟

نیر حقیقتکیز حقیقته اولان بغضنی اثبات یوللو دیورکه :  
 « برنس جنابلرینی ، الی الابد محرومیته محکوم اولدیغنی وطنه عودت  
 ایتدیرن و اونی آلفیشلر و حتی احتراملرله قبول ایدن بو وطن

وملته ، نه کبی غرضی وارمش که ، اجلاف و ارازلدن (!) مرکب  
برفرقه تشکیلیله ملتک باشنه بلا ایتسین ؟

فقط ( الی الابد وطن جدا یاشامغه محکوم اولدیغمیزی )  
اعلان ایدهرکن بومحکومیتک، کندی وجدانمزدن باشقه برمحکمه‌دن  
صادر اولمادیغنی بر لحظه جق دوشونمه یوقیدی ؟ . . . اجلاف  
واراذلدن وجوده کتیردیکمی فرض ایتدیککنز اسکی فرقه  
احراره کلنجه بو ، مناسترده مسافرکنز بولونورکن خرم بیاه  
اولدن تشکل ایتمش ، استانبوله عودتمزدن صوکره ایسه ،  
- برفرقه مخالفه‌نک لزوم موجودیتنی تصدیق ایله برابر -  
فرقه‌یه التحاقز ایچین وقوع بولان لطفکار دعوتلرک جمله‌سنه  
- مسدکمزده ثابتقدم قالمق عزمیله - اعتذار ایله، مشدک . بزم ،  
وتیقه‌لرله اثبات ایتدیکمز حقیقتاره ؛ سزک ، دائماً قول مجرددن  
عبارت ادعایله هجوم‌کنز، انسانیت ممتازه‌نک علامت فارقه‌سی اولان  
حسیات غیر اندیشی‌یه قارشى نه فجیيع بر بیکانه‌لک کوستریور!  
مهم برقسمی ارباب ناموسدن طوپلانمش - وسزده اولدیغنی کبی -  
مشروطیتک استحصالی اوغورنده منفالرده سورونمش ، زندانلرده  
چورومش ، بیک‌قهر ایله یوغورلمش وطنداشارکزدن ؛ بیکلرجه  
عمانلینک ، حقوق ملیه‌لرینک مدافعه‌سنی ید امانت‌لرینه تودیع  
ایله‌دکلری حیثیتلی مبعوثاردن وجوده کلش بر هیئته‌قارشى ، - اکر  
حقیقی معناسیله عدالتدن، آداب مدنیهدن غفلت شرط ایسه - باری  
کندیکزه ، فرقه‌کنز مبعوثلرینه رعایه اولسون بو ( اجلاف  
واراذل) سوزی قدر بدبخت کله‌لر قوللانمسه یدیکز! وقوللانمسه کنز!  
و بوقیل اتهامار ، آنجاق بیطرف و عادل بر محکمه طرفندن

ویریلن حکملردن صوکره کلیرسه مشروع اولایلیر ؛ یوقسه اورتده هیچ برحکم قانونی ، حتی براماره منطق بیله یوقکن ، محله دیدی قودیلرینه ، یاخود قصداً وقوع بولان افتزاله استناد ایتدیریلیرسه اوزمان تحقیرلرصدور ایلهدکلری بینلره رجوع ایدهرا !

« وطن وملت بو پرئسه نه قدر علو جناب کوسترسه ؛ اوده برزمانلر سرائیک عادات ومألوفاتنه تابع اولدوغی جهته یاراناماز . اییلکه مقابل بهمه حال کملک کورر ؛ چونکه استبداد بو پرئسکده دماغنده بر جاذبه ؛ بر تأثیر ساحرانه براقشدر . » فقره سنده ده بر لحظه طورالم : تشبث واستقلال شخصی لهنده ، پولتیقه جلیق ، تغلب وتسلط عایهنده موقع طوتانلرک باشقه لرینه یارانمغه ، چالشمالرینه ناصل امکان یوقسه هیچ کیمسه نکده اونلره یارانمغه احتیاجی یوق ! . . فقط سرائیک عادات ومألوفاتنه ، بزم بر زمانلق تابعیتیز بیله دماغمزده استبداده قارشى بهمه حال بر جاذبه ، بر تأثیر ساحرانه براقسی ایجاب ایدیورسه ، سرائیک عادات ومألوفاتنه یالکز بر زمانلر دکل فقط هر زمان تابع اولاکمش اولان خاندان سلطنت ارکاننک دماغلرنده بو استبدادک عجب نه یولده بر ایز براقسی لازم کله جک ؛ غزته کز کویا بزه حصر ایتدیکی شو ایکی سطرنده ، حتی شو بر ( یارانمق ) کله سنده پادشاهندن اک کوچوکنه قدر یالکز آل عثمانی طوپدن اتهام ایتمکه قالمیور ؛ عموم ملتى ده بر طالق اووق درکهنه ایندیریور ! ! ادب وتربیه دن مطلق بر محرومیت نتیجه سی اولارق یازیلان شو سطرلرده اک سطحی بر نشانه منطق بیله یوق ! محررکز، سرائیک عادات ومألوفاتندن دم اوررکن سرائی



کلمه سنک بزده افاده ایتدیکی معنادن بوسبوتون بی خبر بولندیغنی  
کوستریور . فی الحقیقه هانکی سرای؟ . . . اگر بونکه ییلدیز  
سرائی قصدایدیلورسه اوراسا کنلری ده ایکی صنفدن .. متغیبارله  
مغدورلرندن مرکبدی . حتی خاقان سابقک اوز اولادلرینی بو  
مغدورلر میاننده صایمق شهه سز موافق انصاف وعدالت اولور .  
فقط بز ، ییلدیز ده برکون بیله یاشامدق که شو اداک طوتار  
بریری اولسون ! . بالعکس ییلدیز عادات ومألوفاتی علیه قیام  
ایچیندیکه کندمزی عاقبتی مجهول ، الیم بر حیات منفایه محکوم  
ایتدک !

« جمعیت ، بنه «نیر» گز یازیور ، استبداده اک مخاطره لی زمانلرده  
نچه لشدی ، اولوم قودوقولری ایچنده اوغراشدی ؛ فقط افرادندن هیچ بری  
کله حک مخاطره لی آخره ترک ایله فرار دنائتی ارتکاب ایتدی .  
هرکس بیلیرکه وقتیه جمعیتک تعقیب ویا توقیف ایدیلن اعضاسی ،  
ایلاک فرستده قاقچغه چالشیلردی . بر قاق کشی ده بالاخیار منفا  
یولنی طوتدیله . فقط ماضیدن مثال کتیرمکه نه حاجت ؟ . .  
موضوع بحث ایله دیکمز سطرلر ده یازیلرکن ، جمعیتک کزک  
استانبولده کی اک معروف اعضاسی دلیکدن دلیکه صاقلانمغه یاخود  
قاقچغه مجبور اولما مشلر میدی ؟ . . .

بونکه برابر بزجدی برتهلکه دن قاچان بوذواتی مؤاخذه  
ایتمیورز . لزوم سز یره اولمک ایسته مین رؤسا کز ایچین باشقه  
چاره یوقدی . لاکن ده ایلک سلاح پاطیردیسندنه بوچاره یه  
نه بویوک برسرعتله توسل ایدلیدیکی میدانده طوروب طوررکن :  
« جمعیت ، استبداده اک مخاطره لی زمانلرده نچه لشدی . اولوم

قورقورلی ایچنده اوغراشدی . فقط افراندنن هیچ بری کلن مخاطره یی  
آخره ترك ايله فرار دنا ئتئی ارتکاب ایتدی ! »

جمله سنی ناصل تفسیر ایده رسکنز ؟ . . . افندیار ! کندی  
غزیه کزده ، ( کله جک بر مخاطره یی آخره ترك ايله فرار دنا ئتئی  
ارتکاب ایتمش اولمقله ) اتهام ایدیلیمورسکنز ! . . . نیر حقیقتک  
بزم علیهمزده کی اگ حیا سنز تجاوزلرینی تصویبکار بر سکوت ايله  
چکشیدیره بیلدیه کز باری کندی حق کزده ویردیکی شو حکمی  
رد ایچین اولسون بر حرکتده بولوندیکنمی ؟ . . . خایر ،  
اونی ده یامدیکنز ! او یله ایسه ، بزى بر آز دها دیکله مک  
زحمتنه قاتلانویرك .

\*  
\* \*

مشروطیتدن اول اولدینی کبی اوندن صوکرده اؤک زیاده  
مظهر نفرتی بولوندیغمز سلطان حمیدک بوتون استانبول عسکری  
طرفندن « پادشاهم چوق یاشا ! » آواز هسیله آلقیشلاندینی ،  
یوزبیکلرجه فشکارک یانی یاشمزده باطلا دینی زمان ، فراریکنزی  
مشروع کورن بزلر ، عین فراری کندی حقمزده تجویز ایتمه دک .  
بز ، خاقان مخلوع علیهنده مشورتله شورای امتارک یایدینی کبی  
ییلالرجه مدت ، بر لسان مدنی نک احتوا ایله یه بیله جکی بوتون  
تحقیقلری صرف ایتدکن ، اونى « قیزیل جانوار » عنوانیه  
تلقیب ایله دکدن صوکره ، حضورنده تعظیملرله اؤکیله رک قانلی  
ألرینه صارلماق ، او قان دوکدیرن قانلی دوداقلرک تماسیله ده  
جبهه مزى کیرلتمدک !! رؤسای معارضینک همان جمله سى او  
چوروك تخمه صارلقلری حالد همشیره زاده سنک ، سلام ارینه

مقابله دن بيله استكراه ايتديكنى كوروبده امضاسز مکتوبلرله  
 كنديسنى تهديد قالكشدينى زمان ، ( دنيانك بوتون تاجلرينى  
 باشنده طويلاسه ، بر قاتل قارشيسنده اكيله ميز ! ) دن باشقه  
 جواب آلمادى ! . . مشئوم ولادتى تبريكا استانبولك طوناندينى  
 كيجه ، بز اؤيمزك قنديللرينى سونديرديك ؛ ييقدينى اوجاقلرك  
 آلتنده جان ورن قربانلر اچين خلاق حياتيه عرض مناجات  
 آيلهديك ! . . .

داغلام بربولده يورويه مه مك ، اذعان وادراك دوشكونلرينه  
 نامكزه سوز سويله مه حقنى ويرمك قوميتيه جيلنى عسكرلكه  
 قدر تشميل ايتمك نهايت بزه ( ۳۱ مارت ) فاجعه سنى ياشاتدى .  
 ضابطلارندن بر قسمنك كيجه كوندوز پولتيقه جيلقدن آيريلمايغنى  
 كوره كوره ، بولانيق صولرده اولانمغه آالشقين بر قسم  
 دشمنلركزكده سوزلرينى ايشيده ايشيده نهايت انضباط عسكرى يه  
 آچيقدن آچيغه وداع ايدويورن عسكرك ( شريعت ايسترزا )  
 فرياديله رؤساي اتحادى پاره لامغه يورودكلرى وقت ، بز ،  
 اوردوسز ، سونكوسز فقط وجدانمرك اولانجه قوتيله بو  
 جنايتى علناً تقبيح ايتديك !

\*  
 \* \*

عصيانك او ايلك كوني ، اختلالچيلر حكومتى دويرمش ،  
 جمعى قاچيرمش ، لاكن محمى اولان سلطان حمىدى آلفيشلامغه  
 باشلامشدى . سالانيكدن هنوز هيچ برخزيوق ! . . حركتك  
 برقتل عام اجراسنه ميدان ويره بيلمى احتمالى سفارتلرجه  
 دوشونيلهرك اجنى دونمالرينه حاضر بولونمالرى اچين خفيا امرلر

کیتمش ؛ اور ته ده حکومت نامنه سلطان حمیددن باشقه قوت قالمامش ، مشروطیتله برابر وطنک استقلالیه تهلکیه دوشمشدی . . . بز ، او فجیع دقیقهده ، نیر حقیقتک دیدیکی کبی باشمزه شاپقهیی طاقه رق مصره قاجادق ، جانمزی دیشمزه طاقه رق دونمایه کیتدک ؛ اوراده کی عسکرک - سلطان حمید طرفنه یکمشمسه - بزى سونکولریله دلیک دشیك ایتمی احتمالنه رغماً حریت پرور طانیدیغمز بر قاج ضابطک سلامت عمومیه نامنه وجدانلرینه مراجعت ایلهدک : ( وطنی قورتارمق ایچین عبدالحمیدک خلعدن باشقه چاره قالمدی ؛ ییلدیز ، دونمانک طوپلرینه قارشى طوراماز ! بوحالده بر مجلس مشورت عقد ایلهدک ، ممکنسه اتحاد وترقی اعضاسنی ده بورایه طوپلایک ، متحد دوشرسه کز محمد رشاد افندی بی درحال اجلاس ایدک ! ) دیدک .

فی الحقیقه مبعوثانله اعیانی اختلالیلرک تهدیدلرندن قورتاروب دونمایه آلمق وحکممدار سابق لزومسز بر چوق جنایتلرک ایقاعنه میدان ویرمهدن قانونی بر حرکتله درحال خلع ایتک هر نقطه نظر دن مرجحدی . فقط بزى ، اونوته مدیغم بر نزاکتله قبول ایلهین ومطالعهمزه حق ویرن ضابطلر دن بعضیلری مع التأسف فراری ده قولاى کوردی ، دیکرلری ده بالطبع سکوته مجبور اولدی .

\*  
\* \*

سلطان حمیدک خلعه دائر ایلک تشبشه بولوندیغمز ، وبر امریله هر طرفی قیزیل قانه بویامغه حاضر بر قوه مسلحه قارشینسنده

یایه یالکنز قالدیغمزی کوردیکمز زمان بز ، یرمزدن ینه آیرلمدق .  
 عصیان ایدن عسکرک علمای دین حقنده اولسون بر وضع  
 احترامکاری محافظه ایله دکلرینی و بو وضعیتدن برطاقم سرسریلرک  
 استفاده یه قالمشمنه مقابل علمانک عصیان علمهنده صمیمی بر  
 تشبده بولمغه میل ایتدکلرینی کورونجه حصه مزه اصابت ایدن  
 تشکری ایفادن صکره ، کندیلرینی عصیانک تسکینه دها بویوک  
 مقیاسده چالشمغه دعوت ایله دک ؛ مطبوع اولان بو بیاننامه ده :  
 چالیشک ، دیک ، بوکون هر زماندن زیاده چالیشک که اهل اسلام  
 ظلمه آلت اولق احتماندن بوسبوتون قورتولسون ، بوندن بویله مروت ،  
 اخوت ، فضیلتدن باشقه بر مقصد تعقیب ایله مسون ! . . چالیشک ،  
 بوکون هر زماندن زیاده چالیشک که یورکلریمز ، کین و غرض چارنیتلرندن  
 ابدیاً مصون اولسون ؟ مروتی ، علوی جنابی دشمنلره قدر تشمیل  
 ایده لم . اللهم تحسین ایله جکی اخلاق ایله تخلق ایلیک ! دین و « جناب  
 حق الرحم الرحیم در » بیوران دینمز ، بزى أك کوچک برظلمدن ، أك  
 جزئی بر غرضدن بیله شدتله منع ایدر . چالیشک بوکون هر زماندن  
 زیاده چالیشک که استبداد ، ظلم و عدوان وجدانلرمزک حدودندن  
 ابدیاً طرد ایدلسین . اللهم احسان ایله یکی بر حیاتی . مشروع بر سبب  
 اولمادقجه ، نزع ایتک حقنه هیچ بریمز ، هیچ بر وقت مالک دکلز !  
 بونی ، بو حقیقت دینییه یی أك جاهلریمز به یله آکلامق أك مقدس  
 وظیفه مندر ! »

شریعت بهانه سیله عصیان ایدن و عصیان ایله دیکندن دولایی  
 امرای عسکریه ایله رابطه سنی بوسبوتون قیرمش اولان افراده  
 قارشیده شریعتک جنایتله مدافعه ایدیله میه جکنی آچیقدن آچیغه  
 سویله دک . بوایکنجی بیاننامه ده : « پیغمبرمز ، ( بن دنیایه کوزل



اخلاقی طانتی ایچون کادم) بیوریور . فراآ کریمزدهه ، (عدالت و ایملکه) امرایدیور . دیمک که دینزه او یغون بر فتوای شرعی آلمادن هیچ بر فردک جاننه دکل ، قیلنه دو قونمغه حقمن یوقدر ! وطنه خاتملک ایدنلری شریعتک امریله قانون جزالاندریر . بونک اجراسی ایسه ملنک اتقاقیله یالکیز حکومته بر اقلمشدر . باشقه درلو حرکت ایده رسهک شریعت نظرنده قاتل کورولورز . قاتلک ایله مسلمانلقسه هیچ بر زمان باریشمه من . ) وکذا : اللهدن ناصل قورقورسه کز ظلم ایشله مکدن حتی ظلمه آلت اولمقدن بیله او یله جه قورقوکز ؛ چونکه « الله ظالملری هیچ بر وقت سومن ! . . » ایشته بومری اونو تمیغمز و اونو تامیه جغمز ایچین دور استبدادک اوایکرنج ظالمینه قارشى متفقاً قیام ایتشدک . دوشونک اوقاره کونلری که طشره ده کی عسکر آچ ، چپلاق ، توز طوپراق ایچنده جان چکیشیوردی . حکومت مستبدنه ک یمنه کوندردیکی افراد ، اکمک یرینه چاریقلرنی کوهله مکه مجبور اولیوردی ! . . .

.....

فقط اونو تملک ، هیچ بر دقیقه اونو تملک که ، شریعت ؛ مسلم غیر مسلم یری واجبی هرکسه ، حتی بوتون مخلوقاته قارشى خیر خواه اولنی ، ایملک ایتکی امرایدیور . او حالده هیچ کیمسه یی اینجتمه یک ! در حال ضابطلر کزله باریشک ، قوجا قلاشک و امرلرینه اطاعت ایدک ! . . .

برکره بوسوزلری اوقویک ، برکره ده نیر حقیقتکیزک شو صوک خطابنی دیکله یک : « حادثه مسیبی آلچاقلر ! اونو تمه یکز ، الله عادل و منتقم - حقیقیدر . قوماندا ایتدیکی عسکرینه ناحق یره قاننی دو کدیردیکیز ضابطلر ، حضور کبر یاده او خون مظلومیتله سزدن طلب حق ایده چکلر .

بوکون او شهیدلرک ترک ایتدکلری یتیملر ، عائله لر ، والده لر ،

بیچاره لر خنجر ظلم و اعتسافله جریحه دار اولان قلوبلرندن قوپان اینن  
مغدورانیه یی ، کوزلرندن آقان سیلابه تأثری خدای ذوالجلالک بارگاه  
عدالته دوکویورلر . بوکون غنوده خواب ابدی اولان عسکر  
اجدادمزنک بزه ترک ایتدیکی شهرت جهانگیرانه یی اخلاقی اولان  
عسکرلره لکه دار ایتدیردیک کزدن دولایی هیکزه لعنلر اولسون! ...  
بوکلدسته لعنت ، بونمونه فضل وادب (۱) بزه مناستر هیئت  
مرکزیه کز طرفندن اهدا ایدیلیر وروایته (!) نظراً ، عصیانی  
حاضر لایوب صوکردهده مصره قاچدیغمز فرط مسرتله اعلان  
اولونورکن محمود شوکت پاشا ایله اوزمان برنجی دیوان حربیه  
ریاست ایدن خورشید پاشا ، حربیه نظارتنده کی او طهمه کله رک  
توقیفمک سببسزلکندن دولایی اعتذار ایله یورلر ؛ طاعک دها  
غریب بر جلوه سی اولق اوزرده ینه مناستر اتحاد و ترقی جمعیتک  
اولجه استانبول هیئت مرکزیه سنه اعضا صفیله کوندردیکی  
بیکباشی رمزی بک شو تحریری رضیه یی مطبوعاته تبلیغ  
لطفکارلغنده بولونیوردی :

سلطان زاده محمد صباح الدین بکک توقیفی ایجاب ایتدیره جک  
هیچ بر دلیل موجود اولمادیغندن حریتلری مع الاعتذار اعاده  
ایدلیدیکی اعلان ایدیلیر . فی ۱۵ نیسان سنه ۳۲۵

استانبول مرکز قوماندانی  
ارکان حربیه بیکباشیسی  
رمزی

بونجه سنه دن بری علمی بر دعوانک ، ملی بر مقصدک

مدافعه‌سنة عازم وطنداشاريني بر قاچ غرضكارك سوزيله توقيفه  
 قالقششق حریت نامنه حرکت ایدن عثمانلی اوردوسی ایچین  
 شبهه‌سز غریب بر تناقضدی ! بونکه برابر شفاهی و تحریری  
 ترضیه‌لر ، ایدیلان خطایی اورتیور ؛ دیوان حرب هیئتنده کی  
 ضابطلر مزك هیئت عمومیه‌لری اعتباریله حقشناس ذواتدن ترک  
 ایلهدیکنی کوستریریوردی . فقط دیوان حرب باشقه ، اتحاد  
 و ترقی ینه باشقه دکلې ؟ . . شو حالدده برنجینك ترضیه‌سی البته  
 ایکنجینك تجاوزلرینی اونوئدیرامازدی ! . . . خطوط اساسیه‌سینی  
 چیزمکه اکتفا ایتدیکمز شو لوحه‌ده واقعا باشلیجه برکشینك  
 حق موضوع اولیور . لاکن اورتده مشروع بر سبب یوقکن  
 اعضا سندن بر قسمك سندهلرجه مدت - پك یا کلاش بر تلقی  
 نتیجه‌سی ! - کندیلرینه رقیب سیاسی عد ایده کلدکلری بر  
 وطنداشاریله رفقای سعیی علیهنده خاطر و خیاله کلیه جك شناعتاری  
 هیچ بر عذاب وجدانی حس ایتمدن ارتکاب ایلهمارینه راضی  
 اولان بر جمعیت ، عجب حقمنزلوگ باشقه‌لری حقنده و یا باشقه  
 زمینلرده ده تطبیقنه کوز یوممازی ؟ . . امید ایدهرم که نیر  
 حقیقتکیزك آرتق ماضی‌یه کچن خطبه‌سینی بوکون اعتدال دمله  
 او قورکن سوألك مشروعیتنی سزده تصدیق ایلهرسیکنز !  
 دوشونورسکنز که ایستر بر کشی ، ایستر بر ملت حقنده روا  
 کور ولسون ، حقمنزلق دائماً حقمنزلقدر . بو صفتلده مکروهدر ،  
 منفوردر ، معیوبدر ! حقمنزلوگ برینه کوز یوممقسه انسانی  
 دیکرلرینه قارشیده کوز یومغه و یاواش یاواش انصاف وعدالت  
 خارجنده بام باشقه بر ( حکمت حکومت ) ایجادینه سوق ایدهر .

ایشته بوندن صوڪ درجه صاقینهلم ! . . . انسانیتدن  
 لایخطیلکه انتظار ایتمدیکمز ، حتی صوابه اکثریتله خطالردن  
 کجیلهرك وارلدیغی بیلدیکمز ایچین طرفکزدن برخطا وقوعنده  
 اوئی هیچده بیولتمك ایسته میز . آلوررکه ایچکزده بوخطایی  
 کوره جك ، تعمیرینه چالیشه حق برقاچ مفکره . برقاچ وجدان ...  
 کلهك بوتون قوتیله تك بروجدان بولونسون ! شکران عظیم ایله  
 کوریورم ؛ بودور اندیش مفکرملر ، بومیال تعالی وجدانلر  
 محیطکزدهده یوق دکل ! یالکز وارلقلرینی اظه-ار ایدنجه  
 جمعیتکز کندیلرندن یوز چوریور وبوصورتله حق وعدالت  
 مدافعاری آرا کزده کیتدجه آزالور ! ایشته نیرحقیقتکزده  
 استکراه ایدهرك تنقید ایله دیکمز اوملوث سطرلرك ، اك بسیط  
 آداب انسانیه قارشى اك صریح برتجاوز تشکیل ایتدیکی رسماً  
 بیاه اکلشلدقدن صوکره ، ایچکزدن برکیمسه چیقوبده  
 ( یاھو ، نشر ایتدیككز بویالانلردن صیقيلمیورمیسکز ؟ بوندن  
 بزدهده بویوك برحصه مسئولیت ترتب ایله دیکنی دوشونمیورمیسکز ؟  
 بوناموششکن حرکتارله سز یالکز کندکزك دکل ، عموم  
 جمعیتك ناموسنی پامال ایدیورسکز ! ) دیدی ، مفتریارك علناً  
 جزاسنی ایستدیمی ؟ . . . خایر ! هجوم حقسزلاغه ایدیله چکی یرده  
 بالعکس اوندن شکایتخوان اولاناره توجیه اولوندی . جنایتلرینك  
 آلقشلانیدیغی کورن شقیارسه دونکی جور ناحیلغنی ایشته بوکونکی  
 افتراجیلغه چوریورم ؛ اتحاد وترقی جمعیتك محور حسیاتی  
 کشف اولدیغی قدر مهلك برغرضه استناد ایتدیریور !

## محور حسینانکیز عالمشمول بر محبت اولملیدر !

وقایع سالفہی اونوتمغہ چالشیدیغمز بر زمانہ ایدی کہ ،  
رفقا کز ، بوسفرودہ یارس مطبوعاتندہ بزی اونوتمدقلرینی  
اثباتہ قویولدیلر ! . . .

« Petit Parisien = پی پاریزیہن » غزتہسی ۹ تشرین  
اول ۱۹۰۹ تاریخی نسخہسندہ ، شہادتک ، غیر قابل اعتراض  
بر اہمیتی حائر اولدیغنی سویلہدیکی ، فقط اسمنی بیلدیرمدیکی  
جمعیت ارکان مہمہسندن بر ذات ایلہ اولان ملاقاتی بروجہ آتی  
نقل ایدیور ؛ بوذات دیمشکہ [۱] :

[۱] Nous n'ignorons rien, a-t-il déclaré, de ce qui se trame contre nous. Une faction militante, et dont les éléments se sont recrutés dans les milieux les plus différents, s'est constituée pour imposer, à la Turquie, un nouveau retour en arrière. Civils et officiers s'y coudoient, animés d'un égal désir de détruire le système actuel, qui contrarie leurs ambitions. On y trouve d'abord les anciens adhérents de l'Union libérale, qui furent jadis dociles aux avis du prince Sabaheddin, et qui reçoivent toujours ses inspirations; puis des majors, des colonels, des généraux qui avaient été indûment promus à la fin du règne d'Abdul Hamid, et que les commissions de revision des grades ont fait rétrograder : les demi-soldes de l'empire; puis des fonctionnaires congédiés à raison des économies reconnues indispensables.

.....



« عليهم زده کی حاضر افلرک جمله سنی بیلورز . ترکیه بی ماضی به ارجاع  
ایچین ، مختلف محیط و صنف لره منسوب اشخاصدن بر فرقه تشکیل  
ایتدی . حرص وامللرینه مانع اولان اداره جدیدی تخریب ایتک  
آرزوسنده بولونان سیویلر ، عسکرلر بو فرقه به داخل . وقتیه  
پرنس صباح الدینک افکارینه خادم و حالا پرنسک تلقیناته تابع فرقه  
احرار (؟) منسوبینی ایله عبدالحمید دورنده بلا استحقاق ترفیع ایدوب  
تصفیه رتب عسکریه قومیسونی قراربله رتبه لری تنزیل ، مخصوصاتی  
تنقیص ایدیلن ضابطان ، اجرایی الزم اولان تنسیقات دولایسیله  
آچیقده قالان مأمورلر، بوفرقه نك اعضاسنی تشکیل ایدیور .

.....  
مهاکمز اختلالیه دن بری پارس اولدیفنی اعلان ایده بیلیرسکمز .  
صوک هفته لرده کسب قوت ایدهن بو پارتی نك نوه سی فرقه احراردر .  
خصما مزاك ظاهری پروغرا ملری فکر مشروطیتك نشر و تعمیمندن،

L'un des centres de la conspiration, vous pouvez le dire, est Paris ; le noyau de l'association hétérogène qui s'est développée dans les dernières semaines est l'Union libérale.

Le programme que nos adversaires affichent n'a rien que d'anodin. Il s'agirait uniquement de propager des idées constitutionnelles, en opposition avec les nôtres, de réclamer l'extension des libertés, de la liberté de la presse spécialement, -et de dénoncer la tyrannie des comités. En réalité, ce programme, qui se réclame du respect de la Constitution, dissimule de tout autres visées. Le complot est dirigé par les hommes qui, de fait, ont suscité, encouragé ou, si l'on préfère, facilité le coup d'Etat du 13 avril dernier; et s'ils eussent été les maîtres, Abdul Hamid eût continué à régner sur une population ottomane espionnée et asservie.

Aujourd'hui, les mécontents du nouveau régime persistent à regarder vers l'ancien. Abdul Hamid, nous le savons, s'obstine à intriguer; nous n'ignorons pas qu'il fait des dons, qu'on a distribué en son nom de grosses sommes à l'armée, qu'il n'a renoncé à aucune de ses espérances.

La conspiration qui, nous en somme avisés, ne reculerait devant aucun moyen d'action — certains de ses membres n'ont-ils pas envisagé l'éventualité du meurtre des chefs de la révolution ? — est maintenant connue, c'est-à-dire qu'elle sera déjouée. En tout cas, nous veillons.

حریت ، علی الخصوص حریت مطبوعاتك توسیعی طلب ، و جمعیتك مظالمی اعلاندن عبارت . فقط حقیقت حالده مشروطیتپرور بر پروغرام آلتنده بوسبوتون باشقه مقصدلر محتفی !

حرکت ، ۱۳ نيسان ( ۳۱ مارت ) عصیانی حاضرلایان ، تشجیع و تسهیل ایدنلر طرفندن اداره اولونیور . بواشخاص مقصدلرینه موفق اولوبده موقع اقتداره كلش اولسه ییدیلر عبدالحمید ، خفیه لرله محصور ، حریتدن محروم عثمانیلر اوزرنده سلطنت سورمكده دوام ایده جكدی . بوكون یكی اداره دن ممنون اولمایانلر اسكی اداره یی اوزلورلر . عبدالحمیدك ، معتادی اولان انترقه لرله بخشش لرده دوام آله ديكی ، نامنه اوردویه جسم مبلغلر توزیع ایتدیردیکي و هیچ برامیدینك منكسر اولدیغنی بیلورز .

هردرلو وسائط فعلیه یه مراجعتدن چكنمیه جك اولان بو هیئت اختلالیه ، - اعضاسنك بعضیلری ، جمعیتك رؤساسنك قتلنی بیله دوشونمشلردی - شمدی بزجه تمامیه معلوم اولدیغندن متیقف طاورانیورز .

بز ، اتحاد و ترقی نامنه ایدیلن بویكی مسخره لقلرك ردینی ، ینه اتحاد و ترقی منفعتی نامنه تمنی ایده ركن عین غزته نك ایرتسی كونكی نسخه سنده جمعیتكك مسؤل مرخصی دوقتور ناظم افندینك بیانات سالفه یی بالعكس تأییده شتاب ایلهدیكنی كوردك ؛ مرخصكك سوزلرینی ده قسماً نقل ایدم [۱] :

[۱] L'article que le *Petit Parisien* a publié hier sur la conspiration organisée contre le parti jeune-turc a ému — il convenait de s'y attendre — la colonie ottomane de Paris. Nazim bey, l'un des chefs du comité *Union et Progrès*, a bien voulu confirmer nos informations dans une intéressante interview .

— Je ne suis nullement surpris, nous at-il déclaré. Nous savons que l'on conspire contre nous et que l'on cherche à nous renverser. Mais nous ne craignons pas nos adversaires.

« بواشخاصی طوپلایان پرنس صباح الدین، بر مغفل رولی اوینیور  
وطن ایله یورکه اولری سوق واداره ایدیور . ( نه واسع خیال ! )  
حالبوکه سوق واداره ایدیلن کندیسى !

پرنسک فیکر حریت پرورانه سی ، اولرک فیکر ارتجاعلرینه اسیر اولمش !  
بوفرقة اعضاسی ، خالص صرتجملر ، عبدالحمیدک اسکی صاغ قوللری ،  
منفیلر ، اداره جدیددن ممنون اولمیلر ، رتبه لری تنزیل ایدیلر ،  
وقتيله حمایه والتماس ایله لایق اولدقلری مقاملره کتیر یلوب ده بعدالانقلاب  
موقعلرندن دوشنلر ، ۱۳ نیشان وقعه سنده مظنون ومتهم اولوب ده  
ترکیه دن قاچانلردن عبارت . بو آدملر کریه دونمک خویلاسنه  
قابیلملر ، صباح الدین بکی بر بایراق کبی الرنده بولوندرمق ، مدافعه  
ایتدیکی عدم مرکزیت فیکرنی بر بهانه اولارق ایلری سورمک ،  
حقیقت حالده ایسه استبدادک یکیدن تأیسنی ایستبورلر . الخ »

افندیلر ! مسلك متخذینه توفیقاً حیات خصوصیه ده  
ازواکزین ناموس واهتمام اولان بر آدم حقنده بی فاصله  
تصنیع اولونان بوملوث افترالر . . . . دور حمیدی جورنا لیلغنی  
بر اصطفای جوشا جوش ایله دور حاضره توسیعاً کچیرن شو  
وجدانسلر قلر . . . . یالکیز افکار و اخلاق عمومیه بی افساد

Le prince Sabaheddin, qui les a groupés, joue un rôle de dupe. Il s' imagine qu' il les mène, et c'est lui qui est mené. Son « libéralisme » est l'esclave de leur réaction : car ce sont de purs réactionnaires, d'anciens « bras droits » d' Abdul Hamid, des mécontents, des exilés, des rétrogradés, des médiocrités portées au pinacle par le favoritisme et que la révolution a remises à leur place des personnages compromis dans le coup d'Etat du 13 avril et qui, condamnés, se sont empressés de quitter la Turquie.

Ils rêvent un retour en arrière et se servent du prince Sabaheddin comme d'un drapeau, et de ses idées décentralisatrices comme d'un prétexte. En réalité, ils veulent restaurer le despotisme.

ایله قالمیور ؛ عین زمانده اذعانمزلغك ده الك قورقونج نمونه لری  
 تجسم ایتدیریور . ایشته ، مرتجملر ، ( صباح الدینی اللرنده بر  
 یایراق کی قولانیورلر ) فقره سنه برکوزکز دیرک ! بیلیرسکیزکه  
 بر فرقه سیاسیه علم ویا علمدارلق خدمتی کورمک ، اوفر قه یی  
 انظار عمومیه ده تجلی ایتدیرمکدر . پولتیقه ایله اوغراشما دیغنی ،  
 پولتیقه جیلغك الك بویوک خصمی اولدیغنی بالذات ادعا ایدن بر  
 آدمسه ، بر فرقه سیاسیه علم و علمدار اولابیلیرمی ؟ ... سز  
 عین زمانده ، بر یایراغك هم آچیق ، هم قیالی اولدیغنی  
 کوردیکیزمی ؟ !

اگر زاتحاد و ترقی جمعیتی علیهنده بر حرکت سیاسیه تولیدینه  
 چالش سه یدق بو خبری ناظم افندیغنی اوکرنیردک ؟ خصمای  
 سیاسیه کز کی افکار مزی آچیقدن آچیغه مدافعه ایده مز میدک ؟  
 ( بوکون یکی اداره دن ممنون اولمایانلر اسکی اداره یی اوزلیورلر .  
 عبدالحمیدک ، معتادی اولان انترقه لرله عطیه لرده دوام ایتیبکی ، نامنه  
 اوردویه جسم مبلغلر توزیع ایتدیردیکی و هیچ برامیدینک منکسر اولما دیغنی  
 بیلورز ! ) فقره سنی او قورکن ده بر صاحب شعور صورسه :  
 « فقط افندیلر ! سز ، آوجکزه کی بردلی یی اداره دن عاجز سه کز ،  
 محبسده کی بر آدمی عثمانلی اوردوسنه جسم مبلغلر طاغیتمقدن  
 منعه مقتدر دکلسه کز نصل اولیورده قوجه بر دولتی اداره یه  
 قالشورسکیز ؟ . »

دیسه نه جواب ویررسکیز ؟ . . . صرف جمعیتکیزک معارضلرینی  
 لکملک مقصیدیه ، عثمانلی اوردوسنک ، جنایتاری کوزلری  
 چیقاران بر حکمدار مخلوعدن - اصلی فصلی اولدیغنی حالده -  
 جسم مبلغلر آلمقده اولدیغنی اجنبیلره اعلان ایتک اوردوی ،  
 حتی عموم وطنی بغیر حق لکملک دکلیدر ؟ ...

دوقتوریکز شو سوزلری ده سویلیور : ( هر درلو وسائط  
 فعلیه به مراجعتدن چکیمیه چک ارلان بو فرقه اعضاسندن بعضی  
 جمعیتز رؤساسنك قلمنی بیله دوشونمشلردی. [۱] بوکیزی حاضراق ،  
 شمدی بزجه تمامیه معلوم اولدیغندن متیقظ بولونیورز ! ) اکر  
 تیقظکیز ، نامکزه سوز سویله مک حقنی ویردیگکیز اعضایی  
 بوچشیددن انتخاب ایسه - امین اولک ! - بشقه دشمنلر ایدنیمکه  
 هیچ ده محتاج دکلکیز ! . . .

اتحاد و ترقی جمعیتی ، - منافع عمومیه نامنه تمنی ایتدیگمز  
 وجهله - حقمرزلقدن حقه دوغرو یوکسلمک ، مستقبلاً ده  
 بووطنه جدی خدمتار ایفاسنه موفق اولمق ایسترسه ، اک بو یوک  
 دشمنلرینی ، جمعیتک خارجنده دکل ، داخلنده آراملی . . .  
 محور حسیاتی متفسخ بر غرض دکل ، متعالی بر محبت اولمیدر !

[۱] مشروطیتیزدن برقاچ آی اول پارسده انعقاد ایدن مخالفین  
 قونغره سنده مشروطیتک سوء قصدلرله دکل ، مدرک و ملی قیاملرله  
 استحصال لزومنی اتحاد و ترقیه قارشى مدافعه ایدن ، ( بومدافعه  
 قونغره نك یومی مذاکراتنده عیناً مندرجدر ) حریت حقیقیه وسلامت  
 ملیه نك انجق قابلیت اجتماعیه منری یوکسلته چک وسائطه بر آن اول توسلله  
 تأمین ایدیله چکینی بونجه زماندر نشره چالیشان بزله شمدی جنایت  
 پلانلری حاضراتق فجیع اولسه شبهه سز کولونج اولوردی . هر حالده  
 مخالفلری سوقاقلرده باره لاتاق اصولانی بو بدبخت وطنه صوقان وحمایه  
 ایدن بز دکاز ظندهیم ! . .



## در رنجی مکتوب

### بر عجبیه ادراك !

سیسار له مشبوع برپارس کانون ثانی صباحنده حجره انزوامه  
کیرن موزعک لندن ، ( باب عالی - دائره صدارت عظمی )  
عنوانلی ظرفی آلدیغم زمان ، اوتهدنبری مغدوری اولاکلدیکمز  
« ا کلاشیلمامازلقلرک » اشکال رسمیه سندن بریسیله دها  
قارشیلادیدیمز چار چابق ا کلاشلدی . رسمی برتذکره محرم  
اولامیه جغندن بورایه عیناً کچیره بیلیرز :

« پارسده سلطان زاده صباح الدین بك افندی حضر تلرینه »

« در سعادته عودتی آرزو ایتمکده اولدقلری و فقط اتحاد و ترقی  
جمعیتمک نصیمیات مرویه سندن تحاشی ایدرک عودته جسارت  
ایده مامکده بولندقلری والدۀ والاری دولتلو عصمتلو سنیحه  
سلطان حضر تلری جانبندن عتبه علیای ملوکانهیه عرض وافاده  
اولنمشدر . ذات نجیبانه لرینک تعقیبات قانونیه یی مستلزم بر فعل  
و حرکتلری حکومتجه معلوم اولدینی کی اتحاد و ترقی  
جمعیتمکده حق عالیلرنده برکونه سوء ظنی و تحاشی یی موجب

هیچ بر قرار و تضمیمی بولمیدی و عزیز وطنم زك سعادت و ترقیاتنه حصر مساعی ایدن جمعیتدن كرك ذات والاری و كرك دیگر اولاد وطندن هرکیم اولورسه اولسون هیچ بر فرد حقنده یولسز بر معامله و قوعی مستحیل ایدوکی جهته ارباب اغراضك اشاعاتنه ذره قدر اعتماد ایدلیهرك کمال اطمئنان ايله عودت بیورملری سیاقنده شقه ثنوری ترقیم قلندی افندم »

۲۴ ل کانون اول سنه ۳۱۵ صدرا عظم

حسین حلمی

برکله سنی بیه بیلمدیکم برلسانده ارتجالاً بر نطق ایرادی نه قدر محال ایسه ، « استانبوله کلك ایستیورم اما . . . . اتحاد و ترقی جمعیتك تصمیمات مرویه سندن تحاشی ایدهرك كله میورم » دیمك ده ، بنجه اوقدر محال ! [ ۲ ] . فقط شو باشلانغجك ،

[ ۲ ] حقیقت حال شوندن عبارتدی : ایکی اوچ آیلق برسیاحتدن صوکره وطنمه هودته حاضرلانیرکن ناظم افندی ايله رفقاسنك قتمرلی افترالری انتشار ابدی . ( نیر حقیقت ) ك او ستونلر طولوسی یالانلری استانبوله اوقونورکن ، جوابی ینه استانبوله ویرمکده دوچار اولدیم موانی اونوته مدیم اینچین حیثیت شخصیه مه وقوع بولان بویکی سوء قصده قارشى ایکنجی بر منفای حیاتی یاشامق ضروری ایدی . اوصرده طرف شاهانه دن سیاحتك اسباب تمیدی حقنده لطفکار برسوال عائله پروری شرفصودر ايله دیکندن بالواسطه خبردار اولنجه وقوع حالك تشکرات تعظیمکارانه مه تردیفاً عرضنه ینه بالواسطه مسارعت ایتشدم . حد ذاتنده کره نك فلان ویا فلان گوشه سنده بولمقاعمك نه حکمی اوله بیلیرکه حکمدارمزی بویله بر « هیچ » له تصدیقه جرأت تشبثنده بولنه یم !

آرقه مزده کی دورك علامات فارقه سندن اولان باشلانغچلرله نه بويوك مشابهتی وار ؟ .. او دورده آلدیغمز تبلیغات رسمیه ده شویله باشلاردی : « شوکتمآب أفندمز بیوریورلرکه : بن کندیلرینی عفوایتدم . ناموس شاهانه اوزرینه سوز ویزیورم ؛ عودتلرنده مظهر التفات اولاجقلر ! هیچ قورقاسینلر ، ایلک ترنه بینوب همان استانبوله دونسینلر ! . »

هریکی تبلیغده ده بونك صوك تبلیغ اولدینی تکرار ایدیلیردی . حقوق مدینه دن اسقاط اولنورز ؛ املا کمز حیزز ایدیلیر ؛ افراد عالیه مز حبس اولونور ؛ منفای اختیار یسنده وفات ایدن بابامزك جنازه سی بیله ألمزدن آلمغه قالدیشیلیر ؛ فقط علو جناب حمیدی ، کرات ایله رد ایتدیکمز بو عفولری ، ینه کرات ایله توجیه دن واز کچه مزدی ! ..

« بوکونکی اداره ایله دونکی اداره مز آرسنده هیچ فرق یوق ! » ؛ یاخود : « بوکون دوندن دهها فناز ! » دییه نلرک مطالعه سنه اصلا اشتراك ایدهم . استبدادلرک اک قویوسیله مشروطیتلرک سطحیسی آراسنده نه فرق واریسه ، بزم دونکی اداره ایله بوکونکی اداره آراسنده او فرق وارکه بوده احوال اجتماعیه مزه کوره پک طبیعیدر . یالکیز بعضی محیطلر مزده وجودینی کرچکدن حس ایتدیرن اشعه تجدد ادراک سیاسیمزه ترجمان اولان مخبرات رسمیه مزه اصلا کیرمه مش . کیرسهیدی ، رؤیامزه بیله اوغرامیان فکترلر ، — دور سابقده اولدینی کبی — بزه عطف ایدلمه مک لازم کلیردی .

بویله بر فکری ناصل طاشیه بیلیرزکه صوك اختلاک بوتون

صفحه‌لرنده ، بر طرفدن عاصیلارك : « اوخائن عدم مركزیته چیلری ده اورتدن قالدیرملی ! » دیه باغرشدقلری ، دیگر طرفدن سالانیکله مناسیره ، بو طغیانك طرفزدن ترتیب ایدلیدیکنی مشعر معهود تلغرافلارك بر معتاد چکلیدیکی ، نهایت اؤمرلك کیجه یاریسی حریت اوردوسی عسکرلرندن بر مفرزه ایله قوشاتیلهرق وطنك الك حیا سز دشمنلرینه بیله لایق کورلین بر معامله یه دوچار اولاجمزدن خبردار ایدلیدیکمز زمان ، بر قاچ کون اول تهلكیه قارشی ناصل طاوواندقلرینی کوردیدیکمز جمعیتکنز اعضاسنی تقلیددن قولای برشی یوقدی ! . اوزمان هم سلطان حمید ، همده علیهنه یورون اوردونك اغفال ایدیلان ضابطلری طرفندن پاره لغمه لایق خصمای وطندن بری اولق اوزره تلقی ایدلیدیکمزی قولاغملزه ایشیدیر ، ایکی آتش آراسنده قالدیغمزی کوزمزله کوروب طوررکن قیلمز بیله قیدیردامدینی حالد ، شیمدی نه دن طولانی محله دیدی قودیلرندن اندیشه لره دوشلم ، مقام سلطنتی بویله جزئیات ایله تصدیعه قالقشلم ؟ تذکره رسمیه ، مقدمه سنه الیق بر نتیجه ایله بتیور :

« ذات نجیبانه لرینك تعقیبات قانونیه یی مستلزم بر فعل و حرکتلری ( اكسیك قالانده بو ایدی ! ) حكومتجه معلوم اولمیدینی کبی اتحاد و ترقی جمعیتنكده حق عایلرنده بر کونا سوء ظن و تحاشی یی موجب هیچ بر قرار و تصمیمی بولمیدینی و عزیز وطنمرك سعادت و ترقیاته حصر مساعی ایدن جمعیتدن كرك ذات والاری و كرك دیگر اولاد و طنددن هر کیم اولورسه اولسون هیچ بر فرد حقنده یولسز بر معامله مستحیل ایدوکی ( ! ) جهنله ارباب اغراضك اشاعاتنه ذره قدر اعتماد ایدیلهرك کمال اطمئنان ایله عودت بیورملری سیاقنده الخ . . . » .

پارسمه کی جمعیت کز اعضا سندن بر قسمی ، مسـلـکـریـنه  
اشترک ایدمه دیکمز کوندنبری ، بزی ، وطنه ، دها طوغریسی  
کندی لرینه قارشى ، « سلطان حمیددن دها مضر » بر دشمن کورر ،  
فقط فکر لرینی کوچک مقیاسده نشر ایدمه بیلیرلردی ، مشروطیتی  
متعاقب بوافترالر بویوک چاپارده اصاغیه باشلاندى . بوسایه ده برکون  
ما کدونیاى بلغارلره باغشلار سهق ، ایرتسی کونی ده همه حال ارمنیلره  
بکک ویرر ؛ دها ایرتسی کونی روم بطریقخانه سینه چشید چشید  
امتیازلر وعد ایدمه ، پاپادن یوز بیکلرله فرانقلر آلیر ؛ کوندن  
کونه قتولیک ، اورتودوقس ، پروتستان ، یهودی هر مذهبه کیرر ،  
( فران ماصونلق مستثنا ! ) هر مسـلـکـه قاریشیر ؛ عثمانلی  
ایمراطور لغنی کندی چقتلکمز ایمش کبی راست کلنه صاتار ؛  
ارتجاع موداسی چیقار چیقماز همان مرتجعلرک باشی ، مرتجعلرک  
علمداری ، چاقرجه لیاره رحمت او قوده حق برشق کسیلیردک . فقط  
بتون بوشناعتلر ، بوجنایتلرینه کافی کلز ؛ او زمان اتحاد و ترقی  
قلوبلرنده وافکار عمومیه یی تنویر واعلا صدندنه بزه عائد مزارلر  
دشیلیر ، قازیلیر ؛ سنه لرجه اول ، اجنبی طور اغانده ، بیک درلو  
جفالر ایچنده وطنی بر دعوائی مدافعه ایدمه رکن دوشمش ، بوکون

---

کیمکلی بیاه قالماش ذواتک خاطرهلری چامورلرده سوروکلیر ،

---

اوستمزه جد بجد جلب لغت ، بر امر مقدس صاییلیردی ! ...  
طویغولری اولسه یدی طاشلر ، طوپراقلر ، غرضکارلرک بو  
نوعندن استکراه ایدرلردی . قومیه لرکز ، مسئول مرخصلرکز  
طرفندن تکذیلر مزه قارشى بیاه سکوته تأیید ایدلیدیکی وجهه  
- بزه ( جانلیک ) اسناد اولندیغنی بیلمین قالمدی . فقط حکومت مزک



رأس اداره سنه کتیر دیک کنز ذات محترمک صانکه خبری یوق ! ...  
 بر طرفدن اتحاد و ترقی جمعیتندن بویله بر حال صدورینک  
 امکانلر اغنی سویلیور ، دیگر طرفدن - ینه جمعیت ایچندن  
 چیقان - اصحاب اغراضک اشاعتنه ذره قدر اعتماد ایله میهرک کمال  
 اطمینان ایله عودتمزی توصیه بیوریور ! .

افندیلر ! زده بو وطنک اولادی یز ! فقط فکر من ، اذعانم ،  
 حوصله من بو کوز کوره سویلینلن یالانلرک ناصل و نیچین  
 سویلندیکنی ، بر درلو استیعاب ایتیمور . اساساً بوکا یالانده  
 دینیه من . . . یالانجیلیق دکل ، منطقمنزلق دکل ، طانمش آفتلردن  
 هیچ بری دکل ! بوسبوتون باشقه برشی ! . . بر عجیبه ادراک ! . .  
 اوت ، عجائب عالمدن یکی بر عجیبه ! . . مشروطیتک اعلانندن  
 دهها بر قاچ کون اول جمعیتکنزک ، او زمان ترکیه یکانه مروج  
 افکاری بولونان «شورای امت» ، حسین حلمی پاشانک عبدالحمیدک  
 اک خالص بنده سی ، اهل اسلامک الشیوئک دشمنی اولدیغنی اعلان  
 ایدیوردی . بر قاچ آی صکره عین جمعیت حسین حلمی پاشایی ،  
 ایکی دفعه رأس اداره یه کتیردی . بر قاچ آی اول صدر سابق ،  
 اجنبی غزته جیلرندن برینه : «اتحاد ترقی جمعیتی می ؟ . بن اونی  
 بیلمم ، طاننام» دیوردی . بر ایکی آی صکره . . . یوقاریده کی  
 تذکره سنده ( جمعیتدن فرد واحد حقنده یولسز بر معامله  
 صدورینک مستحیل ایدوکنی ) ادعا ایدیور ! ( عظمی ) لقدن  
 بر درلو کچه مین مقام صدارت ، ایکی سطرلق بر تذکره ده عجائبدن  
 عجائبه کچور ؛ نهایت اتحاد و ترقی نک ، لایخطیلکننده قرار قیلیور ! .  
 بو قراردن بر قاچ کون صکره ایسه صدر مکرم ، مبعوثان خارجنده

آلٲان برقرار مشروطيت پروړانه ايله بردن خسته لنيور و بزي ،  
استانبوله دعوت ايدر كن ، صولونځي پارسده آليور ! ! .  
بويله بر عجيبه ادراك ايله مملكتلر اداره سنه كانجه بوتون  
قلبمزله يالوارالم :  
اللهم ! آجي بزلره ! . . .

## شېخى مەكتەپ

شقاوت ، ايجانبندە فضىلەت يرينە كچيور !

ايشتە دستور اخلاقيمز ! . . . . بر قاچ كون اول عبدالحميد  
 ثانى بزده ظل الله فى العالمدى . انسانلىق ، انسانلىقن نصيبي  
 اوليان بر غلط طبيعتك قوللرينە قوللىق ايدەر طورردق ! . . .  
 مسلمانلىق : مجنون بر قاتلى خليفه رسول اولق اوزره  
 طائير ، دوام عمر وشوكتنه دعا خوان اولور طورردق ! . . .  
 صوك كرتە يە كلن ادراكەزلىكى ، مشروطيتلە دە تحكىمنە  
 چاليشديغىمز تختنى الندىن آلايىقى زمان ، فقط اوزمان اولانجه  
 عزت نفسىملە كوكرەدك ، تحقير وتزييفندە مسابقە چىقىشلىق .  
 علو جنابىمىزە كندىمىزە شاشوب قالدق ! . . . اولجە قدسيت  
 حميدىيەنك نە بويوك بر ايمان ايله قاننى ايسەك صوكرە دە قدسيت  
 اتحادك عین ايمان ايله قاننى كسىلىك . بر زمانلار يىلدىزە دوغرو  
 رفقە چاليشديغىمز آوازە صدق وعبوديتى ، بر زمانلار دە شرف  
 سوقاغنه نقل ايچىن يكدىكر مىزلە مذبوحانە بر جدالە كىرىشلىك ؛  
 عىنيە عبدالحميد ثانى يە ياپىدىغىمز كىي رۇساي اتحادى دە  
 پرستشلىرىمىزلە غشى ايتىك . . . علو جنابىمىزە كندىمىزە شاشوب  
 قالدق ! . . .

خاقان سابقى تاختنده تحکیمه یلتندیکمز زمانلر مشروطیت اتحادی یهده اوچ آوجی طاہورینی نکہبان ایدینمشدک. فکریمزک نہ یمان اساسلره استناد ایتدیکنی برکون آوجیلر بزه صراحتہ اثباتہ قویولدیلر ؛ صنادید اتحادی آولامغه باشلادیلر . او زمان بو یکی قهرمانلری ده آلقشلاق ! . . . استانبولدن وقتنده صاووشه بیلن اعضای اتحاد ، اتحاد دشمنلرینه ؛ وقتنده چیقامیانلر اتحاد رؤساسنه لغتخووان ! . . . بر قاق کون صکره : اتحادی آلقشلامهده هرکس ینه بر دوام ! . . .

\*  
\* \*

قرون قدیمه شهنشاهلری ( ایجاب محیط ) آله اولدقلرینی ظن ایدهر ، خشمعلرینه اوغرایان قوللرینی دنیادن اشکنجهلره قوغارلردی . قرون وسطی دیندارلری دین نامنه قالقار ، کنهکارلری آتشله تطهیر ایلهرلردی . عبدالحمید ثانی ، اللهم کولکهسی اولدیغنی اعلان ایدهر ، مشتکیلری حبس ونفی ایله صوصدیرمق ایستردی ! سز ، ایشکزه کلینلری طوپدن دیار ارتجاعه سوریور ، مشروطیت نامنه سوز سویله مک ایستهین ساده دللره ، ( عبدالحمیدک پنجهسندن سزی قورتاران کیمدی ؟ ) دیویریورسکمز . بوکیدیشه یارینکی بکلرده ( سزی اتحادک پنجهسندن قوتاران کیمدی ؟ ) دیویره جک ، اکیلن باشلره کرزی ایندیره جک ! . . .

دون ، عبدالحمید ثانیکنک اتباعنک اتباعندن برینه چاتمقله باشلری کوکلره ایریشهن سیاسیلر ، بوکون سرآمدان اتحاددن

برینه چاتمقه باش قالدیور ! .. اونلر ، یارینکی آمرلرک ده  
آیاق توزی اولاجق ، آیاقلر باشلرینه اوردقجه ، سلطنت  
سیاسیه نك یالیزلی فضالرنده پیریل پیریل اوچاقق ! ...

\*  
\* \*

جمیتمز ، باشلیجه ایکی بویوک صنفدن ترکیب ایدیور :  
أزه نلرله أزیلنلر . أزه نلرک غایه خیالیسی ازمکده دوام ؛ أزیلنلرک کی  
— فرقنده اولیه رق — أزه نلرله قاریشماق !

کره نك خارجنده برنقطه استناد بولسه یدی ، اعصار قدیمه نك  
او دهای ریاضیسی ، سیارهی بلکده محرکندن فیلاتیردی !  
شخصیتمز خارجنده بر مرکز استناد اولسه یدی ، اتحاد و ترقی  
بزه بلکه ده استقلال حقیقی بخش ایده بیلیردی ! ... یالکیز  
بزم ایچین دکل ، استناد کاهلرینی شخصیتمز آرایان بوتون  
انسانلر ایچین محقق : شقاوت ، ایجابنده فضیلت برینه کچور ! ...

\*  
\* \*

ایکنجی مشروطیتمزک اعلانندن برخیلی اول اسکی « ترقی » ده  
اخلاق عمومیهمزک اسباب انحطاطنی تعیننه چالیشان شوسطرلر ،  
بوگونکی حاملزده عیناً تطبیق ایدیه مزمی ؟ [۱] :

« مشکالر ومشقتلرله یاپه یالکیز چارشمغه مجبور اولان آدملر ، البته  
یاشادقجه قابلیت اجتماعیه لرینک آرتدیغنی کورورلر ؛ بز یاشادقجه  
آزاددیغنی کوریورز . مانعه لری ازمک اونلرله کلنجه ، بزه اشکنجه  
اولیور . اونلرک منفعت شخصیتمز اکریتله منفعت عمومیهمزک بر



جزئی ! چونکه ایشلریله مملکتلرینک ثروت و سعادتنی آرتیریورلر. بزه ایسه منفعت شخصییه ، منفعت عمومییه نك ضدی ! چونکه منفعت شخصییه منی ، ثروتک اوج منبعنی تشکیل ایدن زراعت ، صنایع ، تجارتله تأمیندن زیاده تحکمهده ، استبداده آلت اولمدهده آریورز . سسی شخصی ایله یاشامق ، زنکینلشمک ایچین معلومات ، تجربه ، غیرت ، ثبات و احتیاط کی بر جوق مزیتلره تملک شرط ! بز اکثریتله بونلردن محروم اولدیغمز ایچین ( طوغدیغمز دن بری آلدیغمز تربیه نیجه سی ) قزانمدهدن یاشامق ، چالشمدهدن زنکینلشمک ایستیور ، وبالطبع حکومت مأموراغنه کوز دیکورز . لزومندن یوز قات فضله مأموری اولان بر حکومت چاتمق ایچین ده یکانه چاره لیاقت دکل ، حمایه ! دیمک ده ا جمعیه برنجی آدمی آتارکن باشقه لرینک حمایه سنه صیغنیورز . حیثیت شخصییه مزه بوایلک وداعی ایتدکدن صکره قایرلدیغمز یرده ایلرولیه بیلیمک ایچین ینه حمایه یه محتاجز .

بویله جه هر قدمه ارتقاع برقولتوق دکنکنه احتیاج کوستیریور . قایرله دن باشقه هیچ بر واسطه ترقیسی بولونمیان ، بر شخصیت قویه صاحبی اوله بیلیری ؟ البته اوله ماز ! چونکه زوالی کندیسنک دکل ، حامیسنک بکندیکی شکله کیرمکه مجبور ؛ اونک نظرنده آق اولان کنسدی نظرنده قره ده اولسه ینه قره بی آق دیه قبوله محکوم ! آمرلینه قارشى طائمنی وظیفه ایدینن بومأمورلرک ، مادونلرندن ایلک بکلیه جکری ایشده کنسیدلرینه طابنلق اولیور ! ایشته بو صورتله بیوک کوچک تکمیل رجال دولت - استثنان قطع نظر - قولتوق دکنکیله یورور اخلاق دوشکونلرندن طوپلانیور . واقعا هر مملکتنده مأمورلر ، وظیفه لری ایجابی کوره نکه تابع اولدقلری ایچین استبداده آز جوق آلت اوله کلشدر . فقط تأثیرلری هیچ بر یرده بزه کی قدر مشغوم دکل . چونکه بزه قوه اجرائیه نك استبداد و عطالتی استقلال و تشبث شخصیله تعدیل ایده جک ایشلک بر صنف یوق ! جمعیتک

بونی تشکیله اک مساعد اولان افرادی هپ مأمور اولیور ؛ حکومتک مشئوم حمایه سی آلتنده بر مستهلک صنفی وجوده کتیریور . مستحصللر ، قزاندقلریله یاشایان و مملکتی یاشاتانلر ، کویلیلرله اصناف و کوچک تاجرلر . بونلرده ایسه مادی ، معنوی هیچ بر سرمایه بولندی ایچین طوندقلری ایشی ایلرولته میور . حتی حکومتک متصل آرتان ظلمنه ، ( یاخود الا آن دوام ایدن او مشئوم مرکزیت وعطالته ) قارشی ، اسکی موقعلرنی ده غیب ایدیورلر . »

بوفلاکتک اوکنه آنجیق تربیه ملیه مزنی احتیاجات حاضره یه توفیق ایله مک ؛ اولر ومکتبلر مزده یاشانیلان حیاتی ، یکی وصا غلام تللره استناد ایتدیر مکله کچیله جکی مدافعه اولوندقدن صوکره : « بوکونکی مرکزیتله ظلم ، دینیلور ، شبهه یوق که طرز تربیه مزدن طوغان عجزک محصولی . . . . نقطه استنادلرینی کندیلرنده بولامیان عجزه امت اونی بالطبع عائله ، جماعت ، حکومتلرنده آرار ، تپه دن طرناغه قدر هر طرفده استبدادک کوکاشمه سنه یارار . بویله بر جمعیتده انسان فطرة نه قدر عقیف اولسه زمانله هر حقسنزغه ، هر ذلته قاتلانمغه ؛ قاتلانه قاتلانه ده حیثیت شخصیه دن تمامیه تجرده محکوم اولور . شو تجرد ، استقبالمزی تهدید ایدن آفتلرک اک مهلکی ! . . . . اجنبی استیلا سنه اوغرایان بر ملت بیه اخلاق بوس بوتون بوزوله مشسه حقوقی یاواش یاواش استرداد ایده بیلیر . فقط اخلاقسنزلرک طمارلرینه ایشله دیکی برملتی هیچ برشی قورتاراما ز ! . . . »

اگر فقر و ضرورت مز ، سفالت متزایده مزدن باشقه برده اخلاقسنزلرک طمارلر مزه ایشله مسنی ایستمیور سه ق یکانه چاره ، صنوف منوره آراسنده بوکون عددی کیتدکجه آرتمغه یوزطوتان یولتیقه جیلری ، بو مشئوم مستهلکلی آزالته جق ؛ متشبث مستحصللری چوغالته جق وسائطه بر آن اول توسل ایتلی ز ! . . .

اسکی ویکی متصل تکرر ایدن مثالرله مثبت بر حقیقت :  
اگر جهه فعالیت می بو مقصده چویره مزسه ، امین اولک ،  
قوری مشروطیت ، بزی اقتصاداً اولدینی کبی فکر آواخلاقده  
صوک بر افلاسک انقراض اوچورومارنده کول کور اولمقدن  
قورتارمیه جق !

\*  
\*\*

ایسترسه کز ، کوز مزه اوکنده طوران بر مثاله ، انکلتزه  
ایله اسپانیایه باقم : ایکسی ده مشروطیتله اداره اولونیور . یالکیز ،  
برنجیسی مدنیت حاضر منک ایلک ، دیکری صوک باصاماغنده !  
شیمدی ، ایکی مملکت آراسنده کی بودهشتلی فرق ، قوانین  
سیاسیه لری آراسنده کی او جزئی فرقلردنی طونیور ؟ بویوک  
بریتانیا ایله ایبریاشبه جزیره سی آراسنده کی بویوک فرق ،  
ایکی ملتک حیات خصوصیه لری آراسنده کی اساسلی فرقلردن ،  
انکلیزلرک استناد کاهلرینی کندیلارنده ، اسپانیولرک ایسه  
حکومتلرنده آرایه جق بر تربیه مظهریتلرندن !

آمریقانک شمالی ایله جنوبنه باقم : ایکی طرفده جمهوریتله  
اداره اولونیور ! ایکی طرفک جمهوریتلری ده اهلینک سربستی  
تامی اوزرینه مؤسس ! فقط شماله جنوب آراسنده کی فرق ،  
کیجه ایله کوندوز قدر ! . . شماله واسع بر حریت ، دهشتلی بر  
ترقی ! جنوبده ظاهراً عین حریت ، باطناً مدعش بر اسارت ،  
کوکلشمش بر سفالت ! نیچین ؟ چونکه شماله ثروته مدیتی ،

حریتله سعادت قی خلق ایدن عنصر ، آنغلو ساقسونلر ؛ یعنی استقلاللرینی ، تشبث شخصیارله تأمین ؛ تشبث شخصیارینی ، عدم مرکزیتله توسیع ایدن مستحصللر !... جنوبده ایسه کوزلرینی یالکیز اقتدار سیاسی بی اله کچیرمکه دیکن ، اصول مرکزیتله صیم صیقی باغلانان اسپانیوللر ؛ یعنی استقلاللرینی وسائط سیاسیه ایله تأمین خولیاسنده قوشان مسئلهلر !... جنوبده کی نافعده نظارتلری ده خاریل خاریل ایشلیور ، پرورده حاضرلیور ، امتیازلر ویریور . فقط بونلردن باشلیجه مستفید اولان اجنیلر ! جنوبک بوتون منابع ثروتی یاواش یاواش اجنبی آلرینه کچور . کندی طور اقلرنده بیاه اسپانیوللر ، باشقه لرینک قوت و قدرتی آتیرمغه آلت اولیورلر . بویله کیدرسه ، آپ آچیق بر حقیقت که آمریکای جنوبی جمهوریتلری ظاهرده کی استقلال سیاسیلرینی ده غیب ایده جک !

مسئله آنغلو ساقسونلقله اسپانیوللقله دکل ، تفوق ویا تسفل اجماعی بی خلق وادامه ایدن شو ایکی طرز تربیه ده !

\*  
\* \*

سر سیریلرک باشی کند من !

ایکی سنه اولیور ، مبعوثار من سر سیری نظامنامه سیله اوغرا شیرکن آللرینی تام یاره مرک اوستنه قویمشاردی . فقط نظامنامه سیله اوغرا شه جقاری یرده سر سیریلکی وجوده کتیرن

اسباب اجتماعیه ایله اشتغال ایتمه ییدیلر ، خسته لگمژك تداویسنه  
دوغرو شیمدی یه قدر بله که ایلک آدمی آتمش اولاجتمردی .  
کندی باشمزده کی دردی باشقهلرنده آرامق ، بزى بو بویوک  
سعادتن محروم ایتدی . سرسریلك اساساً وسائط معیشتك  
کفایتلرلك و مجهولیتدن متولد برفلاکت دیمکدر . وسائط  
معیشتی مجهول و یاغیر کافی فلاکتزده لرده بز دکلسهك... کیم ؟...  
فقط سرسریلر اکثریا بولانیق صولرده ده اولانیرلرمش ،  
پولتیقه جیلر من براق صولرده اولانمیلورلریا !

دور سابقدن اول موجود اولان فقط او دورده قورقونج  
برشکله کیرن بو خسته لگمژدن بوکون قورتولمغه یوز طوتدیغمزی  
ادعا یه قالدشمق میلیونلرجه وطنداشمزك فلاکتلریله کانمکدر . دون  
اولدینی کی بوکون ده ناحیه ، قضا ، سنجاق ، ولایت ، برسلسله  
فقرو فجاجیع دیمکدن باشقه برشی دکل !... عصرلردن بری ازلدیگمژ ،  
کیتدکجه ده ازاده ازیلدیگمژ ، کیتدکجه ده افضله ازیله جگمژ قهرلرک  
نچمندن یالکز مشروطیت ، یعنی حیات عمومیه مزه عائد اصلاحات  
شکلیه وسطحیه ایله قورتولامیه جغمزی مدافعه ایتدیگمژ زمان  
دعوا مزه اینانمق ایسته مین وطنداشلمز باری شو اوچ سنه یه یاقلاشان  
قیمتلی تجر به دن صکره دوشنیورلرمی ؟ بیلورم که حال دن نمون اولمیانلر  
اکثریتله جمعیت ویا فرقه کزی اتمام ایدیورلر . ترقی واتحادك ،  
یاخود تشکیل ایتدیگکز قابینه لرك خطالرنی انکاره قالدشه جق  
دکلم . لا کن اتحادك یرنده باشقه فرقه لر ، باشقه حکومتلرده اولسه یدی  
بیلدیگمژ معهود وسائط سیاسیه ایله اکثفا ایتدکلی مدتجه  
دها بویوک برایش کوره میه جکلردی . چونکه حکومتلرک باشلیجه



وظیفه‌سی مصالح عمومی‌نک اداره‌سی ! واقعاً بونک حسن  
 صورتله اجرایی الزم . فقط افرادی مصالح خصوصیه‌لرینی ،  
 مساعی ذاتیه‌لرله تسویه ایده‌مین بر مملکتک یالکیز مصالح  
 رسمیه‌سنی ، یعنی سفالت مترا کمه‌سنی فلان ویافلان طرزده اداره  
 ایله مکه او مملکت قورتولمش اولورمی ؟ . . . بو تخلصه اک ایی  
 بر اداره ایله موفق اولمازسه ق ، اداره نامنی ویردیکمز شو  
 اداره سزلکمزله ناصل موفق اولاجمز ؟ . . . . اگر حسن  
 اداره قابلیتنک ده قازانه قابلیتندن طوغدیغی و حکومتلرینی اک  
 ایی اداره به موفق اولان ملتارک اکثریتله قازانغی اک ایی  
 بیلنلردن ترکب ایتدیکنی دوشونورسه ک کندی مزی ده ا ایی  
 قوللانمق ایچین ده حیاتمزی ده ا ایی قازانه چاره‌لرینی آرامق ،  
 قابلیت اجتماعیه مزی ماده و معنأ آرتیرمق لزومی آشغین طاشغین  
 بر قناعتله تسلیم ایله رز !

فقط مشروط بر حکومت نائلیتدن شمیدی به قدر بویوک  
 بر فائده مز اولدیه اصلاحات اساسیه به توسل ایچین زمان  
 قازاندیرمه ده اولدی ! بونی قازانبرسه ق قورتولاجق ، غیب  
 ایددرسه ک بآئمه متصل ایلرولمش اولاجمز !

## انجمنی مکتوب

### علم اجتماعك بویوك بر كشی !

قشرارضی و اوایلای حیاتیله طولدیران بومیلیونلرجه انسان آراسنده اوینانان درامك افاده ایتدیکی معنا نه در ؟ ترقی و تفوق اجتماعی هانکی شرائط داخلنده ، هانکی وسـائـطـه تأمین ایدیلیور ؟ ایشته سنه لردن بری مساعیمزه اسالاساس اولان علم اجتماعك ، بویوك حانه قطعاً موفق اولدینی اوجهان محیط مسئله ! . . ناصل علوم طبیعی ، دون بزه بوسبوتون مجهول قالان اسرار حیاتی اصول مشاهدده و تجربویهك تطبیقی سایه سنده بویوك ایضاحه باشلایورسه علم اجتماعده حیاتك اُك قاریشیق ، اُك یوكسك بر افاده سنك ، ... حیات اجتماعیك اسرار مسلسله سنی تدریجاً فقط عین قوت ، عین وضوحه ایضاح ایدیور . [۱]

[۱] عصریمزده مسائل اجتماعی دن باحث نشریاتك حدی حسابی یوق ! فقط اجتماعیونك اُك ایلری کیده نلری بیله حقیقی بر اصول فنی دائره سنده چالشیمور ؛ برینك باشلادینی تدقیقاتی دیکری تعقیب ایدیمور . بالطبع تدقیقاتلری ، بعضاً حاوی اولدقلری فائده لی فکرلره رغماً بر علمدن زیاده بر فلسفه اجتماعی وجوده کتیریور . یالکین « لولپلای F. Le Play » ، « هانری دوتورویل H. de Tourville » ، « تدمون دهمولن E. Demolins » ك بر زمرة كمزیده مدققین

علم اجتماعك شمدي به قدر وجوده كتيرديكي اُك بويوك ، اُك قيمتلي اثر ، تمش بش سنه لك تحليلات فنيه سني تتويج ايدن تصنيف اجتماعيسيدر . بو تصنيف ، جمعيات مدنيه ي « تشكّل تجمعي formation communautaire » ، « تشكّل انفرادي formation particulariste » نامرله [۸] ايكي اساسلي قسمه آرييور . بو آنا طمارلرندن آريلان اقسام سائرده كندى صيرالنده تصنيف اولونيور .

شو بر قاچ سطرده تاريخ اجتماعينك خطوط اساسيه سني چيزمكه قالشه جق دكلم . يالكنز علم اجتماعك بزجه بيلنمسي الزم بر كشفنى ، ايكي بيوك تشكّل آراسنده كي فرقى ذكر ايده جكم . تشكّل تجمعي به منسوب اولان اقوام ( آسيا ، آفريقا ، آمريقای جنوبي ، تركيه ايله روسيه ده داخل اولدينى حالده آوروپانك بر قسمى وبالخاصه جنوب اهاليسى . . . الخ ) نقطه استنادلريني

ايله برلكده - فني ياراتان اصول مشاهده و تجربويه نك ، مسائل اجتماعيه به تطبيقى ممكن اولان برنجيسندن اصلا آيريله مق شرطيله - تمش بو قدر سنه دن برى دوام ايدن وبشر يت منوره ايچين بوكون اك قيمتلى ، اك لزوملى بر خزينه تشكّل ايلين تحليلات فنيه لرى ، علم اجتماعى حكمت و كيما قدر مثبت بر فن حاله كتيردى . بومكتبك ناشر افكارى آيده بر كره چيقان ، وهر نسخه سى باشلى باشنه بر مسئله اجتماعيه نك تحليلنه حصر اولنان ( علم اجتماع Science sociale ) رساله سيدر . 59, rue Jacob. Paris

[۸] علم اجتماعك اصطلاحات مخصوصه سنندن اولان ( communautaire, particulariste ) كله لرى لسانزه هنوز كچيرلديكيچين دها اپنى بر قارشيلقلرى بولنجه به قدر شيمدليك ( تجمعي وانفرادى ) كله ليله اكتفا ايدييورز .

کندیلرنده بولامیور ؛ منسوب اولدقلری صنفله کوره عائله ، جماعت ، فرقه و حکومتلرنده آریور . بعضاً معارفده کی ترقیلرینه رغماده قابلیت استحصالیلهری دون ، جیلز جمعیتلر وجوده کتیریور . تشکل انفرادی یه منسوب اولان عناصر ایسه بوتشکلده کی ترقیلری نسبتنده استنادکاهلری کندیلرنده بولیور ، قابلیت استحصالیلهری یوکسک ، مثبت ، مستقل جمعیتلر تشکیل ایدیور . برنجی صنف منسوبینده اک حریتپرور قانونلره رغماً استقلال شخصی سرپیه مدیکی حالده ایکنجی صنفده بو استقلال بالخاصه مثبت شخصی ایله کوکلیشور . فقط بوخصلتک مولد اصلیمی عمومیلدکن خصوصیلکه چوریلن ، ملک شخصی بی خلق ایدن طرز زراعتدر !

آسیا چوللرندن استقاندیناویا شبه جزیره سنه طایانان واوراده نوروچ فیوردلیله بحر شملک عقیم ساحلرینه صیقیشوب قالان یکی جرمنلر ، بورایه ایلك مواصلتلرنده ، سلت ویا اسکی جرمنلر کی تشکل تجمعی یه منسوب ایدیلر . عشرت حیاتی خلق وادامه ایدن واسع مرعالك نوروچ سواحلنده کلیاً مفقودی قابل زرع اولان اراضینک طارلغی ، اقلیمک مساعده سزلکی ، عشرتلك طاغیلیمسی ، عائله لك کوچولمسی ، افرادک برطرفدن ساحلده کی بالق آوجیلغنده اولدینی کی ، بویوک امکره قارشى جزئی محصوللر ویرن زراعته منفرداً قویولمیری مجبوری قیلمشدی . آسیانک بی پایان اووالرنده ، قیشک سوره کلی ودهشتلی صغوقلرینی تعقیب ایدن یازک ، او اریتیجی کونشلرینک تأثیری آلتنده ، چارچاق یتشوب سرپیان ، جابجا بریشیلک دریاسی حافی آلان اولتر ،

هیچ بر سعی بشری به احتیاج کو سترمیور ؛ وجوده کثیردکاری  
طبیعی مرعالمده افراد عشائر مشترکاً وموقهٔ تصرف ایدیور .  
دردنخی عصرده اورویاه یرلشن باربارلرک بویوک بر قسمی آسیاده  
کندن دها کوچوک بر مقیاسده اولغله برابر اوروپانک تصادف  
ایلدکاری اووالرنده ، کوچبه لکی بعض تعدیلات ایله دوام  
ایتدیرمشلردی . بوراده ساده جه بر اشارتله کچدیگمز حیات  
راعیانه نک ، ( نورومچ مستثنا ) حیات زراعی به انقلاب ایلدیکی  
زمانلر بیله اراضی به ینه جماعت نامنه تصرف ایدیلیور ؛ مترقی بر  
زراعتیه مبدأ حرکت اولان املاک شخصیه نک [۱] قیودادن  
قورتولمسی ، بویوک مانعوله اوغرایوردی . نوروه چده صیقیشوب  
قالان باربارلرده ایسه بونک بوسبوتون عکسنی کوریورز . مرعا  
حیاتیه اصلا مساعد اولیان اوسرت اقلیمک ایجابات شدیدیه  
آلتنده بالقجیلقله اکینجیلکه منفرداً ساوکه آلیشان بویکی  
جرمنلر ، قسیمه الیرمین کوچک مالکانه زراعیلرینی اکبر  
اولاده براقق صورتیه دیکرلرینی دائماً یکی اراضی تحریریه  
آلیشدرمش ، تشبث شخصی بی بیلیمیه رک ، نسلدن نسله یاشامشلردی .  
آرتق آچیلایق اراضی قلمایوبده شمالی آلمانیا ده کی ساقسونیا  
اوواسنه ایندکاری زمان ینه سرت بر اقلیم ، فقیر فقط  
نوروه چده کندن دها واسع بر طوپراغه چامشدر ، بوراده بالقده  
بولندییچین آچدقاری اراضی ، تأسیس ایتدکاری مالکانلرده  
بوتون احتیاجات حیاتیه لرینی یالکمز زراعت وصنایع زراعیه ایله

[۱] شرقک نسبتاً اک مترقی یرلرنده بیله ملک شخصی نک ،

قمتنی تقبص ایدن قیودات مختلفه دن الان قورتوله مدیغنی اونومیه لم !



تداركه قويولشلردى . هر مشكلى مساعى ذاتيه ليله افتحام مجبوريتنده قالان بو آدمار ، مالكانه لرني ، طبيعتله انسانلرك تجاوزاتندن قورتارمق ، متماديا اعمار واصلاح ايديه بيلمك ايچين تشبث شخصيه نه قدر محتاج ايسهلر ، تدبير واحتياطده او قدر مفتقرديار . بوفضيلتلره مالك اولانلر ايشلرلنده بالطبع موفق اوليور ، طوپراقلرلنده يرلشور ؛ مالك اوله ميانلرده كنديلرندن ده قابليتلى چيقان اصحاب اراضى ياننده چالشهرق استقباللريني قابليتلى درجه سنده تامين ايديورلردى .

ايشته كديميلرى ، فعاليت زراعيه ليله قوتلشن بوساقسون كويلورلى تشكل تجميعدن ، تشكل انفرادى يه دوغرو بوراده ايكنجى آديمالريني آتديلر . ساقسونيا اوواسنده آرتق آچيلاجق طوپراق قالمانيجه زراعتدن ، چفتلك حياتنك بسالديكي حریت واستقلال شخصيدن بويوك بر ذوق آلان بو صلحچور آدمار تشكل تجمعى يه منسوب قومشورلى كي اطرافى ياغمايه كيريشمديلر ؛ اكك ايچين طوپراق آرامق مقصديله بر قسمى فرانسه يه ، ديكر قسمى ده انكلتره يه هجرت ايتدى . بالاخره فرانسه نك قسم شماليسنده يرلشن وجسيم مالكانه لرك باشنه كچهرك روماليلرك اسارتده قوللاندقلى اهالى يه ، انسانيجه چالشمه ، انسانيجه ياشامه يولنى كوسترن وبو صورته كنديلريني حقيقى بر حريره مظهر ايدن ايشته بوفرائقار اولدى . فرانسه نك جغرافياى اجتماعيسنه دائر سطحى بر فكر ايدينمش اولانلرده بيليركه شمال ايله جنوب آراسنده هر نقطه نظر دن پك بيوك فرقار وار : فرانسه نك قدرت استحصاليله ، متانت اخلاقيه سنى خلق ايدن ، تشكل

انفرادی به منسوب اولان شالیدر ! بالخاصه پولیتیکه ایله اوغراشان ، پولیتیکه جیلر یتشدیرن جنوبنده ایسه زراعی و تجاری بحر انلر یکدیگری نی ولی و تعقیب ایتمه ده !

ساقسونیا اوواسندن ، آلمانیا نك شیمدیکی « رهن » ولایتیه « وستفاليا » یه تکر تکر هجرت ایدن مستملکریسه ، تشکل انفرادی نی رهن نهری ساحلر نده ده کوکلشدرمش ، آلمان ثروت اقتصادیه سنك ده مرکز انتشاری ینه بو تشکله منسوب یرلر اولمشدر . فقط تشکل انفرادی اَك زیاده بویوک بریتانیاده بیودی . انکلتره ، موقع جغرافیسی ایجابی ، تشکل تجمعی به منسوب اقوامك تجاوازاتنه اوروپانك دیگر محللرندن دهآز معروض قالدیغیچین ساقسون مستملکری ده تشکامل اجتماعیلر نی اَك زیاده بوراده تأمین ایده بیلدیلر . انکلیز عظمت مدنیه سنك صانی ، نورمان مؤسسائی یاشاتان سیاسیونی دکل ، چفتلکرینك اداره سنی بالذات درعهده ایده رك ایشلری باشندن اصلا آیرلمیان ومعیلر نده کی کویولر ك طرز معیشتنه - صانکه اعضای عالیه دنمشلر کی - منفعتدار اولان جنتملن صنفی درز . ( اشرافزك حافی دوشونك ! ) صنایع جسمیه نك زراعتندن دها چوق قازاندره جفی زمان کلیر کلز تشبثات شخصیه لر یله در حال بویکی عالمده آتیلوب انکلتره نك انسانیته لالان غبطه بخش اولان اوجسیم دارالصناعه لرینه آتش پوسکورتن ، دارالتجاره لرینه آلتون صاچدیران ، بخار قوتی ید انحصار لرینه کچیر رجه سنه نظیری مفقود بر تجارت دونماسیله ، کوچك بر اطه خلقنی اوقیانوسلره حاکم یاپان ایشته بو جنتملن صنفی !

قرون وسطاده ، اصول مشروطيتك هنوز هيچ بر يردہ  
 تطبيق اولمديني بر زمان ، مشروطيتاريني ( Self-government )  
 ديدكلري عدم مركزيت اداري ايله تاملنديرهرهك حاكميت مليه  
 كوك صالديران و بوسايهده انكلتره حكومتني دنياك اء مكمل  
 برادارهسي درجهسنه يوكسلتن ، تپدن طيرناغه تشبث شخصي  
 ايله مجهز ، بومتين و مستقل جنتلمن ! . . . شالي آمريقادكي  
 اودهاش فعاليتك مصدري ايسه عين عالمهك ، محيط اطالاسينك  
 او بر اتكلارنده سوردكي كوربوز بر فيلنز دكلي؟ . . .

\*  
\* \*

اراضي جسمهني محتوي فقط دها يكي ايشلتمكده اولان  
 مملكتلر ، تشكل انفرادي سايهسنده ، صنايع جسمهده مرقى  
 بولونان اسكي مملكتلره محصولات زراعيهلرني صاتيور ،  
 سرمايهلرني آرتيريور ، كندى صيرهلنده زنكين بر علم صنايع  
 و تجارتبه ملك ايدسيورلر . آمريكا جاهير متفقهسك اولاشرقه  
 يرلشن آنغلو ساقسون مستملكلري بدايه نوروچ ، آلمانيا ،  
 فرانسه ، بويوك بريتانياده اولديني كي بورادهده يرلشدكلري  
 طوپراقلري دها اساسلى بر صورتده ايشلتمك ، ايشلندكلري  
 اراضينك حدوديني دائما كنيشلمكدن كرى طورمديلر .

بوكون اوستراليادهكي آنغلو ساقسونلر ينه بويله ياشايور ،  
 اصطفاي اجتماعي نتيجهسي ، اء چاليشقان ، اء قابليتلى مستملكلر  
 معنا و ماده يوكسليور ، ويوكسله نلر معتبارنده كيابه قازانم ،  
 يوكسله يوناني بالفعل اوكره تيورلر . بويله بر حيات زراعي بالطبع

تراید ثروتله برابر اخلاق عمومیه‌نک ده تکاملنی تأمین ایلور .  
 کندی اراضیلرنده کندی کندیلرینه کفایته آلیشان ، حکومته  
 امکان درجه‌سنده آز مراجعتی مسلك ایدینن بو متشبث  
 مستملکله بیوک بریتانیاده‌کی سلفلری کبی وقتی کلنجه ، حیات  
 زراعیه‌لرنده قازاندقلری قوتلرله صنایع جسیمه‌یه آتیلور ،  
 فابریقه‌لرله تجارتخانه‌لری اک مقتدر قفالرله ایشلتور !

ایشته بو تشکل سایه‌سنده یتیش سکسان سنه اول ، جاهیر  
 متفقہ‌نک بوسبتون زراعی شرقنده ، بوکون اسکی دنیانک  
 صنایعیله غالبانه بر رقابته چیقیشان قوص قوجه بر جهان صنایع  
 پارلادی . فقط نفوسک تکثری ، اراضی فیأتنک یوکسلیمسی  
 صورتیله موقعنک بیوک بر قسمی صنایعه ترک ایدن زراعت ،  
 درحال مملکتک غربنی قوشاتدی ، ( فاراووہست ) دده جسیم  
 بر صحنه سعی و ثروت کشاد ایتدی ! . .

## ذیل :

علم اجتماعك حال حاضرینه دأثر مجمل ، فقط اساسی برفكر  
ایدینك ایچین مراجعت اولونه بیله جك مأخذلر :

Le grandes routes des peuples-Comment la route  
crée le type social ?

2 volumes.

par E. Démolins

« بوشایان حیرت اثرک، قیمتشناس و فعال برکنجمن طرفندن  
لسانمزه ترجمه ایدلیکی وحتی طبعنه باشلانیدیغنی فرط سعادتله  
خبر آلدیم . توصیه سنه کمال حرارتله مسارعت ایدلیکمز کتابک ،  
وطنداشار مزک بر قسمی طرفندن ، لایق اولدیغی اهمیتله تدقیق  
وطنمزه اک مسعود بر انقلاب فکرینک مقدماتی احضار  
ایده جک ماهیتده در . »

A quoi tient la supériorité des Anglo-Saxons ?

par: Démolins.

La Classification sociale

P: D.

La Méthode sociale. ( ses procédés et ses appli -  
cations ) p: plusieurs collaborateurs de la science  
sociale.

La science sociale et sa méthode.

P: Robert Pinot

Répertoire des répercussions sociales.

P: Demolins



Les trois formes essentielles de l'éducation;  
leur évolution comparée

P: P. Descamps

L'Humanité évolue-t-elle vers le socialisme ?

P: P. Descamps

Histoire de la formation particulariste; L'origine  
des grands peuples actuels.

P: H. de Tourville.

La production, le travail et le problème social  
dans tous les pays, au début du XX<sup>e</sup> siècle.

P: Léon Poinsord

La révolution agricole, nécessité de transformer  
les procédés de culture.

P: A. Dauprat.

L'éducation dans les écoles Anglaises

P: Descamps.

بوصوك اثر، علم اجتماعك اُك يكي موفقيت لرندن بريني تشكيل

ايدىيور .

مساعى طاقتفرسانك حياتنه نابهنگام اولارق خاتمه  
چكديكي عزيز استادمز، دهمون دهمولهك، علم اجتماعك بونجه  
سنهك مساعى مجهوله سندن بر قسمنه ترجمان اولان مشهور بر  
كتابنده، ( آنگلو ساقسونلرك اسباب تفوق نهدن نشأت  
ايدىيور ؟ ) عنوانى اثرنده، شكل انفرادى بى بسليه كلن  
آنگلو ساقسون تربيه سنك ترجمان اجتماعى بر قطعيت رياضيه  
ايلاه اثبات اولونمشدى . فقط دهمولن بوجهندهكى مساعيسى

اکماله وقت بوله مدن حیاته وداع ایلدی . تقدیر خوانلری  
تسلیم برافان وفاتندن صوکره ایسه مسئله تعقیب ایلدی .  
بز ، تعالیٰ اجتماعی یولنده اُکامین رهبری علم اجتماعده بولدیغمز  
ایچین تربیه نك ، مملکتتمزده ( بیک شکر ! ) بر مسئله کل کبی  
تلقیه باشلانیدی بر زمان انکلیز تربیه سنک - علم اجتماعک اصول  
فنیسی سایه سنده - روحنه نفوذی الزم عد ایتش ومکتب  
اجتماعیمزک بوکون اُک متین ، اُک مقتدر بر دماغ علمیی اولان  
موسیو ده قامی بونقصانی اکماله دعوت ایله مشدک . موسیو ده قامی  
تکلیفمزی بویوک بر ممنونیتله قبول ایتدی ومشتراک چیزدیگمز  
پروغرام دائره سنده بوسنه انکلتیره اجرای تدقیقانه کیتدی .  
واصل اولدیی نتیجه لر شیمدی ، ( انکلیز مکتبلرنده تربیه )  
عنوانیله علم اجتماع رساله سنک بوتون بر نسخه سنده نشر  
ایدیلیور .

شایان تمنی درکه وطنداشلمز - بزه بر منبع فیوضات  
اولاجق - بوقیمتدار اثری لسانمزه کچیره رک وطنمزه فائده لی  
بر خدمت عرضنه دها موفق اولسونلر ! [\*]

[\*] اشبو اثرک بالاده کی آثار ایله برابر لسانمزه نقل ایدلمکده  
اولدیغی قارئینمزه تبشیر ایده رز .  
لامقتطف

## برخی مکتوب

مسئله اجتماعیمز ناصل تطبیق ایدیه بیلیر ؟

ترکیه ده یلکی بر مدیت :

ترکیه نك جغرافیای طبیعیسنی جزئی بر تدقیق ایله ده  
کوره بیلیر زکه بزه جان چکیشدیرن شوطوفان سفالتدن قورتوله مز ،  
طوپراغه قویاً یرلشمك ، حیات خصوصیه مزی تملندن  
دکیشدیرمکه اولاجق ! بزه آز چوق تنور ایدن کنجلاک  
جمله سی آنجق بر طرفدن آلاچقاری معاشله کچینه بیلیر . محرر ،  
معلم ، عسکر ، مأمور نه اولور سهق اولالم استنادگاه اقتصادیمزی  
دائماً باشقه بر نقطه ده آرامغه محکومز . بوارکان تمدنه احتیاج مز یوق  
دیك ایستیمورم . بالعکس ، سویه فکریه مزی یوکسلتمك ایچین  
اهلیتلی ووجدانی محرر لرله معلملر مزك عددینی چوغالتمغه قطعی  
بر مجبوریت اولدینی کبی اداره مزی اصلاح ایچین عقیف و مقتدر  
مأمور لرله ، استقلال ملیمزی مدافعه یولنده ده بری و بحری  
مکمل بر قوه حربیه به بالطبع محتاجز . فقط بونلر ، صرفیاتندن  
زیاده قازانان بر محیطده ایش کوره بیلیر ! بزقازانه مدیغمزی صرف  
ایدیورز . ایشته وطنمزی ، بوشایان حجات مصیبتدن  
قورتاراجق ، ألزده کی قیمتلی عنصر لر دن استفاده سنی حقیه  
تأمین ایده جك یکانه چاره ، شیمدیاك زراعت ! زراعت مز کسه  
اکثریتله مادی ، معنوی هر ایکی سرمایه دن محروم اولان ،  
بوندن دولای ده رنجیرلک درجه سنك فوقنه یوکسله مین کویاودن

باشقه سالکی یوق ! بزی نان و نعمتيله بسلین ، ترکیه‌یی وار ایدن ایشته بو کویلو اولدینی حالدده هر یرده وهر صنفدن زیاده ازیلن ینّه او !

نجات و سلامت ، ایسته بومامیسن ، رهبر سن قالا نه کویلولرله موقع افنده ایلری کیمیکجه طارالانده شهرلی کنجهر آراسنده زراعی و اجتماعی مناسبلر بارانرو آغلور ساقسونلرده جهنمه صنفنک درعره ایلدیکی اربوبوک رولی منور کنجهر مده تمجیل ایتمده ! ... اولری مستحصل غیرنبله نیکینا ییلمه کطری مالطالار باشه کچیرملی و بوسورتله سقات اجتماعی منبعی اولانده شکل تخمه بیره سعادت اجتماعی مخالفی اولانده شکل انفرادی به دوغرو آهنین برعزم ایل بوروملی !

بوکون اوروپایه یوزلرجه طلبه کوندریورز . مقصد ؟ ... مأمورلرینه استقراضسن منتظماً معاش ویرمکدن عاجز بردولنک آیلقلی مأمورلرینی ، یعنی طبقه منوره‌سی مستحصللردن کلیاً محروم اولان بر جمعیتده مستهلکاری چوغالتمق ، افلاس قطعی به دوغرو کمی آزی به آلمق ! . .

اصول ادارهده ایستدیککز قدر متفنن مأمورلره مالک اولهلم ؛ ایسترسه کز اولاردن هر برینک برداهی کسینه جکنی فرض ایدهلم . کویلونک مساعی زراعیه ، حیات خصوصیه سنه بونلرمی نظارت ایده جک ؟ بولزوملی نظارتی قابل اجرا برحاله کسترن ، ترقیات علمیه به محل تطبیق اولان چفتلکاری اونلرمی اداره

ایده جک ؟ فابریقه لوله تجارتخانه لری مأمور لری تأسیس ایده جک ؟ .  
 خایر . . . احوالده بونلری کیم یایه جق ؟ . . دور سابقک الندن  
 تک تجرهمنی بیله ضبط ایتدیکی اوتشباشسز وبر پاره سز کویلومی ؟  
 یوقسه سلاح اوموزده چولدن چوله ، طاغدن طاغه آشان  
 عشیرت لری ؟ . . کیم ؟ . . . .

ای مأمور ویا ای بر معلم ( مربی دیمورم ) اولق ایچین  
 بهمه حال آوروپاده تحصیل ایتکه لزوم یوق ! . . .  
 اکر مکتب کتابلری ، ( تدریسات ابتدائیه مجموعه سنده )  
 کوردیکمز مسعود وشایان تبریک نمونه لر وادیسنده وجوده  
 کتیریلیرسه چالیشقان ومستعد کنج لرمز آز مدته مفید وعملی  
 برطرز تدریسه تمک ایدر . مأموریت لره کلنجه ، نه زمان شرط  
 ترقی ، فرقه طرفدارلنی دکل بهمه حال ، اصول وانتظام دائره سنده  
 چاپق وتمیز ایش کورمک اولورسه وجدانلی واهلیتلی مأمور لرمز  
 کندیلکندن چوغلمغه یوز طوتار . بونکله برابر اوروپایه طلبه  
 کوندرمکدن ینه مستغنی قلامایز . یالکمز اورایه کیده جک طلبه  
 منور برمستهلک یرینه متشبت مستحصللر اولق ایچین کوندرملی !  
 بز ، ( تشکل انفرادی ) بی مملکت مزه ادخال ایده جک اصول  
 تربیه بی تطبیقه قادر ( مربی ) لری مستحصللرک لک لزوم لیرندن  
 صیاراز . شوقدر وارکه کنج لرمزی ، مأمور یتشذیرمک ایچین  
 آچیلان وکفایت سزلکی فرانسه دهده بر چوق منور ذکالرک تحت  
 تصدیقنده بولنان لیسله ره طول دیرمقله بومقصد تأمین ایدیه مز .  
 واقعا ، احتیاجات اجتماعیه مزه جواب ویره جک مکتبلر فرانسه ده  
 ده یوق دکل . فقط آرامق ، بولق ، سچمک لازم !



## ئەقۇل دەرووش

يېڭى طرزىدەكى فرانسىز مەكتىپلىرىنىڭ باشىدە ئەدمون دەمولەنىڭ (روش) دە تۇسىس ايتىش اولدىنى مشهور مەكتىپى ذىكر ايدىدە بىلىرىز. بومۇسسەبى بىرقاچ سەنەك فاصلە ايله ايكى دفعە زيارت ايتىدىم. مەكتەپ، پارىسدىن سەرعت قىتارىلە ايكى ساعەتك بىر مەسافەدە. وغايت ھوادار بىر كويىدە!... طلبە، اوزون بويلىو چاملىر، كولىر يوزلو آغاچلىر آراسىدە بويوك بىر چىچەك دەتى كې كورىنىن دىرت بىش كوشكە تەقسىم ايدىلىش؛ ھەركوشك، ئائەلەسىلە بىرلەككە اقامت ايدىن بىر خواجهنىڭ ادارەسى آلتىدە بولۇنىور، وبوصورتە مەكتەپك حىيات اجتماعىەسى، تربىئە حىسە و آداب مەئاشەرتجە قادىنلار كى حضورىدە مەنەم و مەستفید اوليور. اوتوز قىرق كىشىدىن عبارت سا كىنلىرى، بىوكوى كاشانەلەندە - لىسەلەردەكى كې - صغوق بىر قىشلە حىياتى يىرنە ھەرجەتدىن فەعال، مەسعود بىر ئائەلە حىياتى ياشيور! كوشكەلەردە طلبەدىن ھەربىرى بىرر وظيفە ايله مەقید! بو وظيفەنىڭ اهمىتى ياشلىرى و تەقىلرەلە مەناسىبا آرتيور و فەكر مەسئۇلىت كىنىدىلرەلە بىرلەككە بىويور. فەنا عادەتلىك مەبىطلەرنە كىرمە مەسىچىن دە مەكتەپ طقوز اون ياشىدىن بويوك طلبە قەبول ايتىك ايسەنلىميور. چوققىلار، (قاپتەن) دىنىلەن بويوكلاردىن بىرنىڭ نظارت وامرىنە تابع! قاپتەنلەر دائىما آرقداشلىرىنىڭ حەرمەنى، خواجهلىرىنىڭ اعمەادىنى قازانمىش طلبەدىن انتخاب اولۇنىور... امكان درجەسەندە عملى اولان دىرسلەر على الاكشەر طلبەنىڭ فەكرىنى يورمە مەقلە بىر بىر مەكەسنى قوتلىشىدۇرەچك بىر

صورتده ترتیب اولونمش ! همان هر درسده بر کره بولوندم .  
 خواجهلردن بعضیسی معهود لیسهلرک یتشدیرمه سی بولوندیغی  
 ایچین یکی تربیه نك روحنه ده ا نفوذ ایده مه مش ؛ مثلاً تاریخ  
 طبیعی معلم نك بوصفدن بولوندیغی در حال کوزه چارپیوردی .  
 کندیسی علوم طبیعیده دوقتوراسنی کچمش و مسلککنده بویوک  
 بروقوفه مالکمش . فقط سرعتله تقریر ایتدیکی درسی ، بر  
 فونوغراف ماکنه سی کبی سویلیور ، موضوع بحثه سامعینک  
 قلبنی دکل یالکیز حافظه سنی قازانه بیلیوردی . بر ساعت قبالی  
 بر چهره ایله ویریلن بو درسک صوکنده درسخانه کنیش بر  
 نفس آلیر کبی اولدی !

بر قاق دقیقه صوکره ده ا کوچک بر صنف طلبه سیله جغرافیا  
 درسنه کیردک . معلمه نك آرقه طرفنده کی دیوارده آسیلی طوران  
 بویوک وقبارتمه لی خریطه دن درسک هولاندایه عائد اولدیغی  
 در حال آکلادق . خواجه من کسینک بر تقریر ایله نظر دقتمزی  
 اولا اراضی نك تقسیمات طبیعی سینه جلب ایتدی . طوپراغک  
 طرز تشکلندن ؛ دکزندن ، هواسندن ، انسانلردن و طرز  
 تعیشلرندن بشوش بر چهره ایله بحث ایله یور ، بحثه کوچک طلبه سنی  
 اشتراک ایتدیریور ، درس مراقلی بر سلسله اکتشافات حالنی  
 آلیوردی ، یاواش یاواش ، درسخانه ده بولوندیغمزی بیله اونوتدق .  
 خریطه یه مرکوز اولان نظرلرده هولاندا بیومکه ، جانلانمغه ،  
 یاشامغه چالیشوب چبالامغه باشلادی . فرقنده بیله دکلکن سیاحتک  
 صوکنه کلشنر ! هولاندان ایستمیه رک آیرلوق . . . رفیق  
 موسیو ده قامه شو ایکی طرز تدريس آراسنده کی فرقندن متحیر

اولديغى صاقلامدم . بوفرق يالگىز ايكي ( سىماي تدرىسدن )  
برىنك قىلى، اوبرىنك آچىق بولمىسندن طوغمىوردى . جغرافىا  
درسنىك جانلىغى، بوانه قدر بو موضوعه دائر يازيلان كىتابلارده  
كورلىن برقىمت علميه يى احتوا ايتىمى بالخاصه نظر دقتى جلب  
ايتىمىدى . فقط ده قامپ معلمه نك علم اجتماعه چالشيديغى سويلينجه  
حيرتم بالطبع زائل اولدى .

\*

\* \*

ياقلاشديغىمىز اوطه دن كلن جيولديارله اكلادق كه فرانسه زجه  
و ادبيات درسى باشلامىش . قاپويه مخترزانه اورركن معلمك  
متبسم وشوق انكىز چهره سى كنديليرنى راحتىز ايتديكمىزى  
كوستريوردى . بويوك برنزا كىتله بزه رفاقت ايدن مدير مكتب  
موسيو ( برتیه ) و علم اجتماع معلمى موسيو ده قامپله برلكده بر  
بركوشه يى رلىشك . طلبه ، سالامبونك بر بارچه سنى يازمىش .  
معلم ، دفترلك برندن يازيلانى جهراً او قودقن صكره ، « ايشته  
دييوردى ، موسيو ده موله نك « يوللر » اثرنده [۱] قارطاجه  
فصلنى او قودىغىمىز زمان جمهوريتك سىماي اجتماعىستى ، فنيكه و  
ونديكه اولان مشابهنى ، وعين اسبابك عين شرائط داخلنده  
دائماً ، عين نتائج توليد ايتديكنى بركره ده كورمىش اولدق .  
فلوبه رك بويوك بروقوف وصنعتله ترسيم ايتديكى شو لوحه ده  
قارطه جه يى نظر مزده بوسبوتون جانلانديردى . »

علم اجتماعك اك بويوك بانيارندن بولنان ده موله نك برتحليل

داهیانه سنی ، فرانسز نثر حاضرینک اُک پروزسز ، اُک مدقق  
برمصورى اولان فلوبهرك برلوحه سیله طونامق ادبیات درسنه  
شبهه سز بوسبوتون یکی وپك مسعود بر افق آچمقدی . . . .  
غریبدرکه برقاچ سنه اول ینه بو اوطهده بوسویملی معلمك  
درسنى نه دمون ده موله نك کنديسیله برلکده دیکله مشدك ! . . .  
بوکون ، . . . اونی ، یالکز اثرلرنده ، دائماً ایلری کیده جك ،  
وایلری کتوره جك اُک قیمتل برعالمده یاشیورز ! . . . .

\*  
\* \*

بر آز صکره ، یشیل بر آچیقلمه ناظر نشئه بخشا بر چای  
ماصه سی اطرافنده دیرکتور ، خواجه لر ، رفیقهلری ، قاپته نلرله  
طوپلانمش ، مکتب حیاته دائر مختلف محاوره لر طالمشدق .  
قاپته نلردن بعضیلرله آریجه کوروشدم . اون بش ، اون آلتی  
یاشلرنده کورونن بو تمیز کنج لر مخاطب لری جدیته دیکلیور ،  
ایراد ایدیلن سؤالره سربسته فقط دائماً بویوک برزا کتله  
جواب ویریورلر ؛ کوریلورکه ، فعال و خیرخواه برانسان ،  
حیاتی اُک جدی معناسیله آلان بر جنتلمن اولمغه کنديلرنده  
اساسلی بر حاضرلق وار . . . بدناً ، فکرأ و اخلاقاً تام بر صحت  
ایچنده سرپیلن بو فعال محیط ، ضربات حیاته قارشى شیمیدین  
متانت و بشاشته مجهز ! فقط شو ساری سعادتک قایناغنده بیله  
زمان زمان ، طالع سز کوچک لر مزی دوشونیور ، تأثر و تألمدن  
ینه قور توله میوردم !

\*  
\* \*

نه قول ده روشده اجنبی لسانرینه ده بویوک اهمیت ویریلیمور .  
وبورا طلبه سی شه به سز لیسه لرده کی آرقد اشارینه لسانجه ده تفوق  
ایدیورلر . ذاتاً کندیلرینه ، مکتب اجرتی اولان سنوی  
اوج بیک فرانقن باشقه بر مصرف تحمیل ایدلمه دن ، چالیشدقلری  
لسانه کوره انکلتزه ویا آلمانایه برقاج آیلق برسیاحت یاپدیریلیمور  
وبوصورتله لسانده کی ملکه لرینی آرتیرکن یکی برملکت کورمش ،  
تجارب حیاتیله لرینی ده آرتیرمش اولیورلر .

مکتبک او جسم اراضیسی ایچنده برکوچک چفتلک وار .  
بوچفتلک زراعت خواجه سنک ریاستی آلتنده طلبه طرفندن  
ایشلتیلیمور . حسابلر اونلر معرفتیه طوتیلیمور . ایجابنده آلتلر  
ینه کندی اللریله تعمیر اولونیور . ذاتاً طلبه ، صنایع نفیسه  
خارجنده آل ایشلری ، مرانغوزلق ، دمیرجیلک کی لزومی  
صنعتلرله ده اوغراشدیغی ایچین بویله تام برحیاته آلتشین !

علوم طبیعیه مراقیلیری فنی کزنتیلیری انناسنده طویلا-  
دقلری یاخود خارجدن ایدیندکلری نمونه لرله مکتبک تاریخ  
طبیعی موزه سنی زنکینلشدیریور ، رسم و هیکلسازی  
مراقیلیری ده اکی ائی اثرلریله مکتبلارنده برصنایع نفیسه موزه سی  
خلق ایتک ایستورلرمش . هیئت عمومیه سی اعتباریلره بوراسی  
برقارنجه یواسنده فائق ! نه طرفه باقسه کز متعالی برغیرت ،  
متزاید برصلاحیت ، استقباله مکمل برحاضرق کوزیورسککز .  
تشدت شخصی ایله عدم مرکزیت بوکوچک عالمی صوک سیستمده  
برجنت حانه افراغ ایتمش ! مساعی بدنیه و فکریه یه ویریلن  
وسعتدن بالطبع اخلاقده بویوک مقیاسده مستفید اولمده !



فكر تعاون يالكز مكتب داخلنده اجراى تأثير ايمكله قالميور ؛  
شاگردان خواجهلرله برلكده وقت وقت همجوار فقرائى  
زيارت ايدييور ، دوشكونارى قالديرمغه ، تسليه وتشجيعه ال  
برلكيله چالشيورلر . طلبه نك منسوب اولديغى دينلره قارشى  
مكتبه بويوك برحمت حكمرما ! ذاتاً دينداراق ، اُك عميق ،  
اُك مقدس معناسيله بوراده برمسلك اساسى ! حياتك دائماً قانايان ،  
قاناياجق جريحلرينى رقيق اولديغى قدر متين آلرله صاره جق  
متشبث وعاليجناب بر نسل يتيشديريليور !

نه قولده روشدن چيقان طلبه حياتده پك ايني موفق اوليور  
وبعضيلرى آز زمانده مهم موقعلره كچيورلر . بونكله برابر  
منشألرينى اونوتميور ، خواجهلرله مكتوبلشيور ، اسكى مكتبلرينك  
آيسنه علاقه دار قاليورلر . شيمدى فرانسه نك برقاچ يرنده ده  
(روش) نظيره باشلاندى . ايسته بواصولدهكى مؤسسهرلرله برنده  
سكز اون كوچك طلبه مز بولملى ؛ فعال وتعليمه قابليتلى  
كنجلمزىدن بعضيلرينى كنديلرينه ترفيق صورتيله ده تركجه دهكى  
ترقىلرى تأمين ايدملى . بونك بويوك برفائده سى ده وار . ايكي  
اوج سنه كوچكلرمزه معلم صفتيله روشدهكى كچى بر مكتبه  
ياشايجق كنجلمز ، ( تشكىل انفرادى ) نى خلق ايدن تربيه يي  
ياقندن كورمش ، اونى بالذات ياشامش اولاجقلمز . ايكي اوج  
سنه لك برقامتدن صوكره عين تربيه يي كندى مملكتمزده تطبيق  
اوزره تركيه عودت ايتزدن اولده انكليز و آمريقاي شالى  
مكتبلرينى بر اعتنائى مخصوص ايله زيارت ايدەر ، [۱] اوروپانك

[۱] سفارتخانه لرمز ايجابنده كنديلرينه ترفيق ايدە جكلرى اهليتلى

ترجاملرله بومقصدى پك چوق تسهيل ايدە بيليرلر .

مکاتب سائرہ سی حقندہ ده مجمل وسلم بر فکر ایدینیرلر سہ محتاج اولدیغمز معلم و مربیلری آزمونده قسماً و صحیحاً آلدہ ایدہرز ، فقط تشبث شخصی نك حیات خصوصیه مزه محور اولابیلمسیچین حاضر لغمزی ده بویوک چاپده طوملی یز .

نفس انکلترده ده بوکون زراعتہ الویریشلی بر قاریشلق بوش یرکوج بولونور . حال بوکه انکلیزلرک مستملکاتده واسع اراضیلری وارکه بونلر ایشلنمک ایچین انسان قولنه عرض احتیاج ایدیور . انکلیزلرله آمریقالیلر اوتہ دیزی آلدقلری تربیه نتیجه سی بوکی ایشلرہ فطری براستعداد ایلہ حاضر لائمش اولمقلہ برابر ینه مقصدی تأمین ایدہ جک ، مستملکاتده موفقیتلرینی تسریع ایلہ جک عملی مکتبلرہ مالک بولونیورلر . . .

( آنغلو ساقسونلرک تفوق اجتماعیلری نه دن نشأت ایدیور ؟ )  
اثرنده « صحیفه : ۴۰ » ده مولن بزہ بومکتبلردن برینی اطرافیلہ تصویر ایدیور :

« بحث ایدہ حکم انکلیز مکتبی ، دیور ، کنجیلری خارجه ده ، کندی قوتلریلہ یرلشمکه و آنغلو - ساقسون عرقنه یاواش یاواش جهانی استیلا واجناس سائرہ یه تفوق قدرتی ویرن مؤسسات زراعیه یی ممالک مختلفه ده وجوده کتیرمه خاصه " احضار ایچین آچیلمش . بونمونه ، آلمانیا ایمپراطورینک [۱] - کندی پروغرامیلہ - یایمق ادعاسنده بولوندیغی شیئه تقابل ایدیور . فقط کوریلہ جک که قوللانیلان واسطهلر بوسبوتون باشقه .

پروغرام سرلوحه صورتنده موضوع ایکی فقره مقتبسه

ایله باشلا یور . فقره لردن برنجیسی ، ( ژون استو آرت میل ) ک :  
 « حال حاضر عالمده ، بلا تردد دینه بیلیرکه زنجین واسکی بر  
 مملکتک سرمایه لرنی موفقیتله ایشلته بیلرکه اُک ای تشبث ،  
 استملا کدر . » ایکنجیسی ، فورسترک : « مهاجرت ، یالکز  
 عمله صنفی ایچین دکل ، فقط هر صنفه منسوب افراد ایچین  
 کیتدجه بر لزوم ، بر احتیاج حالنه کیریور ! »

پروغرام ، اولاهدی تعین ایدیور : « مؤسسه ، مکتب  
 تربیه سنده کی نقصانلری اکالاً دهها خصوصی بر حاضر لقلده  
 بولونمق ایسته یین کنجار ایچین در . » دقت ایدیکزکه انکلیر  
 مکتبلرنده تربیه ذاتاً پک عملیدر . خلاصه مقصد ، « جدال حیات » ده  
 موفق اولمق ایچین اوصاف لازمه یی ویرمکدن عبارت : « The  
 struggle for existence » کله سی ده آلمانیا ایمپراطورینک  
 پروغرامنده اولدینی کبی عیناً موجود .

مکتبک مدیرلری بوتون مستملکله لرله مناسبتده بولونیور .  
 وکنجارک ، احوال و احتیاجاتی اوکر نهرک اوکا کوره بر خط  
 حرکت تعقیب ایتلرینه یارایه جق معلومات آلورلر . ایشته بو  
 صورتله اسکی شاگردلردن بر چوغی موفقیتله خارجده رلشمش  
 وایش صاحبی اولملار .

بوندن صکره مکتبک موقعنه ، وضعیته دائر معلومات  
 ویریلیور . هر شئیک لایقیه اکلا شیلیمسی ایچین ده ، مؤسسه نک  
 تشکیلات ماده یسنی کوسترن بر پلان وار . مکتب قیرده یاپیلشمش  
 ( طبیعی اولیه اولسی لازم کلیر دیمه یک ، چونکه بزم institut  
 agronomique دارالفنون زراعی مز بارسک اورته سنده در . )

بر طرفدن دکز ونهر ، ديكر طرفدن ده كاملاً زراعى برقطعه  
آره سنده وبرته اوزرنده انشا ايدلمش . ايشته ايكي شرط كه  
شهرلرده آلمان طلبه سنك تجمعندن زياده مهاجرلر ، مستملكلر  
احضارينه مساعد :

پلان ، اصول زراعتك هر نوعيله اجناس مختلفه محصولاته  
نمونه اولاجق طرزده تنظيم ايديلن اراضى زروعنهك وسعتنى  
ابنيه زراعيه مختلفهك موقعى ونه يه ياراديفنى كوسترييور :  
( چفتلكلر ، سوت خانه ، كومس ، ايش اوطهسى ،  
قايقخانه ... الخ كې ) بوندن ماعدا جوارده ايكي معبد اولدينى  
ذكر ايدلمش كه بونكله ده مسائل دينيه ويريلن اهميت كوزه  
چاربيور .

بو مقدمه لردن صكره نوبت ، مؤسسهك ، او فوق العاده  
عملى طبيعتنى كوسترن درس جدولنه كليور . بوراده مكاتبى ،  
سياسى بر مقصده آلت ايتك دوشونجهلرى يوق ؛ يكانه امل ،  
كنجلى معلومات لازمه عمليه ايله تجهيز ايله مك . دارالفنون زراعى  
مزده كنك تماماً عكسنه اولارق اك برنجى موقع عملياته تخصيص  
ايدلمش ، درسخانه لر ، ياپيلان ايشلرك تفسيرى ايله نظريه سنك  
تفهيمنه حصر اولونمش . طلبه يى ، استعمار ايجين بيلنمى  
الزم ، مختلف اصوللره آليشديرمق اوزره صورت دائمه ده بر  
چوق چفتنجى وصنعتكار قوللانيليور .

برنجى موقعى اشغال ايدن بالطبع زراعت . طلبه ، مساعى  
زراعيهك بالجملة تفرعاتى بالذات اجرا ايدييور؛ صورت استعمالنى  
اوكرنك وقيمت نسيه لرىنى مقايسه ايدم بيلمك ايجين اللرينه

اڪ مڪمل آلتار ويريلىور . اڪ ابي جنس ميوه وسبزه لرك ،  
 وَاك زياده محصول آلفه مساعد اصولك تدقيقنه اون آقرلق  
 (acre) بر باغچه تخصيص ايدلمش . پك عملی اولان آری  
 يتشديرمه اصولنده آريجه اهميت ويريلىور . چونكه آری بال  
 شكلنده ماده سكریه وبللومی شكلنده ماده تنويریه كی یكى  
 مملكتارده قيمتدار وتداركى مشكل مالزملر تأمین ایلور .  
 آغاج ديكيلمش بر قسم اراضی ایسه اورمانجیلق تحصيلنه یاریور  
 وپروغرامده قانادا واوستراياده يرلشه جك طلبه اچين  
 اورمانجیلق فائده سندن بحث اولونیور .

حيوانات اهليه يتشديرمكهده بويوك بر اعتنا واركه حاز  
 اولديني اهميت حسييله بويك طبيعي در . چونكه پك چوق دفعه  
 بر مالكانه تأسيسی حيوان يتشديرمكه باشلار . بوندن طولايي  
 چفتلكده ( ۷۰ ) دن زياده باركير وطای بولونديني ومكتبك  
 كوزل دول يتشديرمكه شهرتشار اولديني بالخاصه ذكر ايدلمش .  
 بونلرك اچيندن ، مستملكه ايشارينه اڪ زياده يارايه جقلىرى  
 انتخاب اولونیور .

چفتلكده مختلف جنس اوكوز ، قيون ، قوش نمونه لرى  
 بولونديرلديني ده بيان ايدلمش . طلبه بو حيواناتك اوصاف  
 واحوالنى وقيمت نسييه لرينى طائيفه خصوصى بر دقتله  
 آليشديريليور وپروغرامده شو كلهلر اوقونیور : « طلبه ،  
 چوبانلره رفاقت ايدر ، وبوتون سنه بو مهم قسمه عائد هر درلو  
 تفصيلاتله انسيت ايلر . »

سوتخانهده اعتنا ايله سچيلمش اللى اينك بولونديريليور



وتشکيلات و تقسيماتى اُك صوُك ترقیات و تکميلاته مطابق اولان بوراده هم صیجاق هم صغوق اقلیماره کلیر اصوللر اوکره نیلیور . فقط مستملک ، شاید حیوانلری خسته لنیرسه بالذات تداوی یه ده مقتدر اولمی . بونک ایچین هر کون بیطرق حقنده عملی درس لر و تطبیقات وار . طلبه ینه هر کون بینجک درس لری آلیور . واقعاً اونلرک ، معلومات عملیه اکتسابی ایچین - آلمانیا ایمپراطوری کبی - بو ریاضته احتیاجی یوقسه ده یکی منطقه لرک پک چوغنده آت ، الا آن یکانه واسطه نقلیه در . اساساً ، واسع چفتلک لری ، مالکانه لری دولاشمق ، تفتیش ایتک ایچین باشقه چاره ده یوق . بوندن ماعدا طلبه ، هر کون مساحه ، تسویه ، تفجیر و اسقا عملیات یاییور .

چونکه منزوی مالکانه لرده بارینه بیامک ایچین بو مختلف معلوماته تملک الزم !

فقط بر مستملک ایچین یالکز مالکانه سنی ایشلته بیامک قدرتی کافی دکل . شهر و قصبه کبی مرکز لرک اوزاقلی احتمالنندن دولای مختلف ( صنعت ) لرک ده یرینی طوملی ، هر خصوصه کندی کندینه کفایت ایده بیلملی در . آکلاشیلیور که شمدی یه قدر هیچ کورلمه ین اُک مستقل آدم یتشدیرمک مسئله سی نظر اعتباره آلمش . نهایت درجه عملی اولان بو مقصد ، پروغرامک ایکنجی قسمی یعنی برچوق خصوصی صنعتکارلرده کی مساعی بی ایضاح اییدیور :

چفتلک ماکنه لرینک اعمالی ، آلاتک تعمیری ، آت نعلانمه سنک اوکر تیلدیکی اعمالات و دمیرجیلک صنعتکاهی .

اودونی ایشله مک ، تکرلک یامق ، آرابا تعمیر ایتک ،  
بنا یامق ، . . . الخ اصولنک اوکرتیلدیکی طوغرامه جلیق  
وکرسته جیلک صنعتگاه ی .

اگر ، قوشوم و بوکا عائد هر شیئک اوکرتیلدیکی صنعتگاه  
بورادن یتشمه کنجلی بکله یین طرز حیات ایچین ده ا باشقه  
معلومات و قابلیت ده لازم : مثلاً یوزمک ، کورک چکمک ، واپور  
قوللانمق ، سابع کوپرولر یامق ، صالر انشا ایتک کی شیلری  
بیلملی . مکتبک واپورلرینه باقمقه موظف بر ساحل محافظی ده  
بو مختلف ریاضتلی اوکرتیور و پروغرامده « دوکوم یامق سزین  
دنیلور ، بر خلاطک ایکی اوجنی یکدیگرینه ربط ایتکی ده تعلیم  
ایدر . » تفصیلاتده کی بو درجه وضوحی سورم ؛ چونکه هر شیئک  
صوکنه قدر وارمق ایستین و هیچ برینک بی لزوم اولدیغنه قانع  
و عملی آدملر قارشیسینده بولندیغمزی کوستریور .

ایجابنده ، کندینی و باشقه لرینی تداوی ایتک ده لازم که  
پروغرام بواحتیاجده جواب ویریور و « مستملکر ایچین دیور ،  
پک زیاده اهمیتی اولان بومسئله ده سه نژان سیار خسته خانه جمعیتی  
قواعدینه تطبیقا مغروقاره امداد ، مختلف صارغیلرک تطبیقی ،  
چقیق ویا قیریق وقوعنده قابل تطبیق مداوات ، قانک توقیفی ،  
جرحه ، یانیق و بوکی عادی و کثیرالوقوع قضالرک تداویسی  
تدریس اولونیور . »

بورایه قدر اراضی اوستنده کی مساعیدن ، تطبیقات عملیه دن  
بحث ایدلمش چونکه تدریساتک روحی ، اساسی بولر . چونکه  
قلم مأمورلری دکل . جهد و جدال آدملری — struggle for lifers

یتشدرمك ایستنیور . بوندن دولایی درسخانه لرده ویریلن نظری درسار ، یالکز پروغرامك صوکنده مختصراً ذکر اولومش . ذاتاً « مکتبه کی تدریسات ، طیشاریده اوکرتیلن و تطبیق ایدیلن شیرك ایضا حندن باشقه برشی دکل . »

زراعت ، طبقات الارض ، معدنیات ، نباتات ، اورمانجیلق ، انشآت ، بیطرق ، . . . کی علومك مدیر و معلمار طرفندن نظری اوله رق تدریسنه کونده ایکی ساعت ( کوریلور که تعب فکری یوق ! ) مخصص . بوندن ماعدا کنج مستملکری منفعتدار ایده بیه جك هر درلو مسائله دائر مستملکات مأمورینی طرفندن یازیلان مکتوبار ، عمومك نظر تدقیقنه وضع اولونیور . پروغرامده ، بنالره تعداد ایده کلدی کمز متعدد مساعی بی ، حین تطبیقنده مصور ۲۵ ده فطوغراف وار . رسملری بورایه کیره مدیکمه پك متأسفم : چونکه اونلرده بوکنج لرك غیور ، عملی ، سعیه آالشقین ، مشقتدن قورقاز ، ییلماز و اجرایی ایچین اللهدن صکره یالکز نفسنه کووه نمکدن باشقه چاره اولمیان جدی ایشلری جدیتله باشه چیقارر بر عرقه منسوب اولدقلری پك ایی کورولیور .

بالخاصه جالب دقت بر نقطه ده وار که اوده بوکنج لرك ساقه سفالتله ترك وطنه مجبور قالمش ، محروم ثروت زوالیلردن عبارت اولمه سی در . اوت بوکنج لری یازنکیکن ، یاخود هر حالده وقتی ، حالی مساعد عائله لره ، آلمانیا ایمپراطورینك اصلاحاتنه هدف ایدیندیکی بورژووازی صنفنه منسوبدرلر . پروغرام بو جهتی صراحة و قطعياً تعیین ایدیور . ذاتاً مکتب اجرتی ده بونی

اثباته کافی : اجرت سنوی ۱۷ یاشنه قدر ۲۲۵۰ ، یکرمی  
 یاشنه قدر ۲۷۰۰ و یکرمی نك فوقنده اولانلر ایچین  
 ۳۱۵۰ فراق .

شوالده بوکنجیلر وطنارنده آسوده ، ساکن کوچک بر  
 معیشت تأمیننی دوشونه بیلیرلردی . فقط عملی ودائی برسی  
 ایله ، یکی مملکتلره کیدن مستملکلرک قارشیسنه چیقان مشکلرله  
 پنجه لشمکی ترجیح اییدیورلر . اولجده دیمشدم ، بونلرک کندی  
 شخصلرینه اعتماد دن باشقه چارهلری یوق . پروگرامه مربوط  
 بر وثیقه ده بر اثبات ده بولدم :

وثیقه ، صوک توزیع مکافاتده ، مؤسسینی - بوتون انکلیز  
 مؤسسهلری کی ، منحصر آ تشبث شخصی دن دوغان بومؤسسینی -  
 حمایه لریلرینه آلان معزوف ذواتک ایراد ایتدیکی نطقلردن  
 عبارت . بوزواتک اکثریسی مستملک حیاتنده بالذات بولونمش  
 ویا الآن بولونمقده اولدقلردن طلبه یه ، واقف و صلاحیتدار  
 بر لسانله خطاب ایدیور ؛ متعدد مشکلاته اوغرایه جقلرنی  
 وبومشکلاتی یالکنز کندی قوتلریله اقتحامه مجبور اولاجقلرنی  
 سویلیورلر . فقط بوتون بو احتماللر کنجیلرک جسارتنی  
 قیرمیور ، بالعکس فضله بر منبه تأثیرینی کوستریور . چونکه  
 یکیکله جک مشکلات احتماللری یالکنز ضعیفلری توقیف ، قویلی  
 ایسه بالعکس تنبیه وتهینج ایدر .

نطقلردن برینک لورد اقفوتسفورد = Knutsford ک  
 بر فقره سنی دیکله یکنز : « کندیکزه قارشى سرت طاورانک .  
 مشؤم تصادفلرله چارپیشه جقسکنز . محصولاتکنز خراب ،

حيواناتكز تلف اوله بيلير. فقط فلاكتله صاقين مأنوس اوليك.  
جسارت و عزم ايله ، چاليشوب چاباليهرق ضايعاتكزى تلافى  
ايدك ! »

بوسوزلر ، جهانك فتحه يوروين بر عرقك ( فقط  
پروسيا اصوليله فتح دكل ) ترانه شوق و حركتنى آكدير ميورمى ؟  
ايشته حقيقى بر جهاد حيات !

برديكر خطيب ، سير غراهام بهررهى = Graham Berry  
آشاغيدهكى سوزلرى سويله يور : « جهانك هر نقطه سنده انكليز  
بايراغى آلتنده طوبراقلر بولابيليرسكز . قانادانك صغوق  
منطقه لرندن آمريكانك اك صيجاق يرلرينه ، اوسترااليايه قدر  
كيدك . هر طرفده ، هر يرده بيكارجه سنه لر دن برى شدايد  
خارجيه يه كوكس كرن او بايراغى كوره جكسكز . شمدى  
نوبت سزك ! تعقيب ايدجككز استقامتى ، قاورياه جغكز  
ايشى اى دوشونك . هدفه وصول ايچين انتخاب ايدجكز  
يولى اى تعيين ايدك . اصلا ايركيلمهيك . جسور ، عازم ،  
ثابت قدم اولك . ظن ايتم كه ذكى ، كنج بر انكليز فعاليتنه  
كشاده بونجه مستملكلر و موفقيت احتمالى و اركن مضايقه ده ،  
احتياجده قاله بيلسين . بن پك كنج دكم . آرتق قرق سنه اولى بو  
كون سزدهكى سهولتلك هيچ برينه مالك اولمقسزين جزئى بر  
سرمايه ايله ، معلومات فنيهم و كيتديكم يرده هيچ بر دوستم  
بولونمدينى حالده بن ده حركت ايتشدم . بونكه برابر مستملككك

باش وکیلی اولمغه و اوچ دفعه هیئت تشریعییه ریاست ایتمه  
موفق اولدم . »

جهاد حیاته یالکمز بر مکتب طلبه سنک دکل ، فقط بوتون  
برملتک بویله بر ممارسه ایله حاضر لاندینی و بوقدر عملی ، بوقدر  
قوی بر تشکیلاتله کره نک هر طرفنه یاییلدینی دوشونیلیرسه هم  
مسئله اک بیوک بر وضوح ایله ا کلاشیلیر، همده استقبالی کیمک ؟  
دنیا کیمک اولاجق ؟ حقیقه تعین ایدر .

\*  
\* \*

شمی صورارم ، بویله بر مکتبه طلبه کوندر مکه لاعلی التعین  
اوروپا مکتبلرندن برینه طلبه کوندر مکتب مساویمیدر ؟ واقعا  
ایکیسندده اسم بر ! اوروپایه طلبه یوللانیور . فقط تطبیق  
ایتدی ککمز اصول مستهلکاری ، حاللرندن ممنون اولمیانلری  
چو غالته جق ، تحصیل معارف عنوان امنیت بخشاسیله مصاب  
اولدیغمز عاتی آرتیره جق ! تکلیف ایلدی ککمز اصول ایسه متشبث  
مستحصللر ، - چو جقار مزک اولدینی قدر بیوکلر مزکده شدله  
عرض احتیاج ایتدیکی - حقیقی مربیلر وجوده کتیره جک ؛  
منور و عملی کنگارله ناموسلی کویلیار مز آراسنده بر سعی و عمل  
مناسبتی یارانه رق ترکیده قوص قوجه بر جهان تمدن تملاندیره جک !  
اولیه بر انقلاب که جمعیات سیاسییه وسائط معلومه لریله باشه چیقار مقدر  
کلیاً عاجز ! ..

ایشته اوروپایه کوندر یان طلبه مزک اک بیوک قسمی بوغایه



ایریشمک مقصدیله کوندرملی [۱] وعودتلرنده برر چفتلاک باشنه چکلری وبوسایهده کویلولرمزه ، اُک طبعی ، اُک موافق بر طرزده چالیشمه ، زنکینلشمه ، یوکسلمه یولنی کوسترمه لریچین زراعت بانقه سی ، یاخود باشقه مؤسسسلر طرفندن کنسیدلرینه - تدریجاً آزاله حق - تسهیلات کوسترملیدر .

تشکل انفرادی محصولی اولان تشبث شخصی نی مملکت مزده بسایه جک تربیه ، بوکون بالخاصه انکلتزه ایله شمالی آمریقاده تطبیق ایدیلور . یتشمش کنجلمزک بورا مکاتبندن مستفید اوله بیللملریچین انکلیزجه یه آز چوق بر وقوف لازم . بزده ایسه انکلیزجه منتشر دکل . بو حالده آنغلو ساقسون مکتبلرینه کوندریله جک ودائماًک چالشقان و حیثیتی وطنداشلمزدن انتخاب ایدیه جک طلبه ، اولا بولونقلری یرده برمدت بولسانه چالیشدقدن صوکره عملی زراعت مکتبلارندن برینه کیرمدن اول انکلیز پانیسونلرنده وترجیحاً برجتلمن عائله سی نزدنده برمدت اقامت ایتملیدر . کنجلمز یالکز لسان ویا علوم وفنون تحصیلی کافی دکل ، بونلر قدر وبلکه دها زیاده آنغلو - ساقسونلرک رفاه و تعالیسنی خلق ایدن حیاتی منشألرنده یاشامه لری « تشکل انفرادی » ده کی مناسبات عائله ویه نی تدقیق ایتملری ، بومتکامل محیطده قادینلرک نه صمیمی حرمتلره مظهر واونلرک بو حرمتلره

[۱] دعوا مزک ، برزماندنبری اوروپاده تحصیلده بولنان ومسالک مختلفه یه سلوک ایتش اولان طلبه مزه بالطبع عادتتی یوق . بوکنجلره قارشى حکومتک ویاخود عائله لرینک درعهده ایده بیله جکلری اُک مهم وظیفه ظن ایده رزکه مسالک لرنده اختصاص تام کسب ایله نیجه یه قدر اوروپاده و اُک موافق شرائط داخلنده جالده ساملرخی تامنندر .

نه قدر لایق اولدقارینی کورملری ، صوکرده او بوم بوش  
زمانار مزی باشند باشه طولدیران لوٹ آلود تفسخاردن او طانه رق ،  
ایکره نه رک ، . . . سرعت ممکنه ایله متین و ناموسکار بر حیات  
خصوصیه تنظیم ایتلری لازم !

\*  
\* \*

فقط هیئت اجتماعیه نک واحد قیاسیمی فرد دکل عائله !  
بو حالده تشکل تجمعیدن قور تولق ، عائله حیاتی صا غلام بر  
موازنه ، علوی بر آهنگ ایله تجهیز ایده بیلیمک ایچین قیزلر مزده ده  
شخصیته قوت ، وجدانلره وسعت بخش ایتلی یز ؛ تا که اونلرده  
حیاتلرینی ، - ایجابنده - کدیمینلریله تأمینیه مقتدر انسانلر  
درجه سنه یوکسلین ! . . . « لیس للانسان الالماسی » آیت  
فاخره سی فضائل انسانیتک بر دستور ازلیسیدر . انسان ایچین  
قادین ارکک سعیك خارجنده هیچ بر فضیلت اولدینی کبی هیچ  
بر ترقی هیچ بر امید نجات ده یوق ! قوافل بشریت مدنیتلرینک  
استقبالنی مجرد سعیلرینک ترقیسی نسبتنده تأمین ایدوب طور ورکن ،  
بز کندی انسانیتمزک یاریسنی ، مسائل بیتیه دن باشقه هیچ بر  
سعی مترقی ایله مشغول ایده مزسه ؛ رقابت عمومیه صحنه سننده  
حربه دها کیریشمدن قطعی بر مغلوبیت ، فجیع بر مقهوریت  
محکوم اولمازمی یز ؟

کورسیورسکیز که عصر حاضرده ارککلرک سعی یتشمیور ،  
قادینلرده قازانجلی ایشلره سلوک ایدیور و ایشلرینک اهمیتی  
نسبتنده حقوق مدنیلری یوکسلور و ارککلرله حقیقی بر

مساواته دوغرو یوریورلز . بزده ، دها دوغروسی شهرلرمزده  
بونك عكسنى كورمك ، سويۀ مدنيه مزك ٰهنوز پك آلچاقلرده  
بولونديغنى اثبات ايدەر ! بوخالده ار ككلرمزك اولديغى كې  
قادينلرمزكده قواى استحصاليه ليرنى ، - اسلاميتك احكام  
حقيقه سندن اصلا آيرلمه مق شرطيله - آرتيرمغه حيثيت مليه مزنامنه  
مجبورز ! ذاتا كويلرده بزم قادينلرده چالشور ؛ فقط تشبث  
شخصيدن محروم اولدقلر يچين صنعتلرني اكينجيله كدن ايلرى  
كتوره ميورلز . . . . قيزلرمزك مدافعه ايدكلا ديكمز عملى ومكمل  
تربيه مظهريتلرى ايسه يالكلز كنديلرني دكل بتون جمعيتى ،  
تكميل وطنى مستفيد ايدجك . مثلاً بر مالكانۀ زراعتك باشنه  
كچرك اوراده صوك درجه فعال ، مستقل ، مشروطيت پادشاهلرندن  
دها مستقل بر عائله تأسيس ايتك ايستين ناموسلى بر كنچ ،  
رفيقۀ حياتنده ، مساعيسنه قدرت واهليتله اشتراك ايدجك منور  
بر وجدان ، بويوك ودائى بر استنادكاه كشف ايتك سعادتنه ، بو  
سعادتلر ملكه سنه نائل اولورسه موفقيت احتمالى بيك قات دها  
آرتمش اولمازمى ! بويله بر تربيه ، قيزلرمزى سعى وفضيلت  
زمينلرينك همان كافه سنده متزايد برغيرته آلديره جغى . انسانلغك  
أك بويوك ذوقنى ، قيمت اجتماعه ليرنى يوكسلته جك بر حيات اجتهاد  
ياشامقده بولديره جغندن اخلاقآده مسعود بر تكامل يولنى طوتار ؛  
ياواش ياواش ، طشرملرك او باشدن باشه يتيم اولان ، ظلمتلرايچنده  
بوكالان ، بوغولان انسانيته رحيم وشفيق بر مادر كسيلير ؛ محنت  
فليرلرندن باشقه بر شى اوله ميان او زواللى كويلى قيزلره بر جناح  
صيانت آچار ، حياتلرينه باشقه جريانلر ويرر ؛ جابجا درعهده

ایده بیه جکلی فخری درسارله انسال مستقبله نك قلابرینی ،  
 وجدانلرینی مفید سعیلر ، کوزل و غیر اندیش طویغولره قازانیر ،  
 بوکون ، اوزرلرمزده قاپ قاره بر اوچوروم کبی آچیلان او  
 قورقونج سمای قدرده برر ستاره امیدکبی پرتونشار ارشاد اولورلر ،  
 ولایتلرمزده بالطبع جانلانیر ، شنلیر ، معنا ماده زنکیناشیر ؛  
 مشرتشبتلر ، متین ارادتلر ، بلند همترلر صاحب بر حیات خصوصیه  
 ایله هراوجاق بر مهد فضیلت کسیلیر . اوزمان تغلب سیاسی  
 احتراصلری موقعلرینی بیك قات دهایوکسك امللره ترك ایدر .  
 خصامزلی ، افترالر ، حبسلر ، نفیلر ، قورشونلرله دلیك دشیك  
 ایتمک دکل ، اییلکلرینی آرایوب بوله رق کندیلرینی دهایی  
 اکلایمغه ، دوشنلری قالدیرمغه ، عالشمول محبتلری محور حسیات  
 ایدنمکه ومدنیت حاضر هیه قارشی اولان وظیفه منتداریسینی فضل هیه  
 اوده هیه جک بر آتی محشم یتشدیرمکه باشلارز . . . . اوزمان  
 حیاتمز باشند باشه پاك وصاف بر مناجات کبی عتبه الوهیه یوکسلمکه  
 یوز طوتار .

ای خلاق علویات !

بو یتیم ومتروک وطنده بو مقدس مقصدك تعالیسنه جمله مزی  
 بتون وار لغمزله چالشمغه ؛ موجودیت حقیرانه مزك حدود خود  
 پرستیسی فوقنده آچیلان آفاق بیکران محبتك مرکز انجذابنده  
 سنی هرکون دهایی وسیع بر ادراک ، دهایی متین بر ایمان ، دهایی درین  
 بر وجدان ایله کشفه ، . . . تعظیم وتبجیل ایده بیلیمکه ، . . .  
 موفق ایله !

## سکریجی مکتوب

### مسلك اجتماعيمز واصلاحات تربويه

غريبدرکه نثريآتمزي حسن نيته مقارن سطحی بردقته  
اولسون او قومق زحمتنه قاتلانه مدقلمچين نه ديدیکمزي  
بيلمين وبوندن طولايي پولتيقه جيلغك اك شدتلي علمينده بولونان  
بزورده کسنديلرينه بر پولتيقه دشمنی کوره رک بوموهوم دشمنه  
دون کيشوت واری اسنادلرله اعلان حرب ايدہ کلن رفقا کزک  
هدر ايتدکلری وقته بز آجیورزده اونلر ، فنالقلر يولنده تباه  
اولوب کیدن کندی عزيز عمرلرينه بردرلو آجيه ميورلر .

کيم بيلير قاجنجی دفعه تکرار ايدیورم ، بز نه اتحاد وترقیه ،  
نه باشقه برفرقه یه ، هیچ برقوته ، هیچ برکسه یه رقیب ویا  
دشمن اولدق واولامیز . خفی ویا علنی هیچ بر هیئت سیاسیه ده  
منسوب دکلز . بیلیرزکه رجال ویا فرق سیاسیه نک هدفلری ،  
ایستر مشروع ایستر مشروع قوه اجرائیه یه تملکدر . بزسه ،  
اوتهدنبری استقلال شخصی ، اقتدار ملی بی حیات خصوصیه مزک  
معناً وماده قازانجلی بریوله کیرمسندن بکلور ، مأموریتیه فرط  
انهماک ، قوه اجرائیه یه تملک حرصارینک بسبتون علمینده  
بر جریان تولیدینه بالیشیورز . بویاه بر مقصدی مدافعه

ایده نلر گسه ، کندی قناعتلریله اولا کندیلری عامل اولمق لازم کلزمی ؟ . . . تحکم سیاسی حرصه قطعاً خصم اولان بزرک ، بوکا قطعاً اسیر اولان سز لرله بر یوله چاتشمه مزه امکان تصویری قابیلدر ؟ . . . احکام مشروطیته متابعت ایدلسونده حکومتک باشنده هانکی فرقه ، هانکی آدم بولونورسه بولونسون ؛ بو بزجه کاملاً مساوی ! ایشته صراحتنه رغماً بو آنه قدر معارضلر مزه آ کلاته مدیغمز آچیق بر حقیقت ! .. آ کلاته میورز ، چونکه اُک اسکی ومشئوم بر قناعت نتیجه سی ، بزده تعالیٰ اجتماعی ، ثروت ، اقتدار ، شرف ، حاصلی هرایلاک ، هر سعادت حکومتدن بکلنیلیور . اثبات ایتمک ایستوروز که ثروتلرک اُک فائده لیبی ، اقتدارلرک اُک لزوم لیبی ، شرفلرک اُک عالیبی ، سعادتلرک اُک حقیقیبی ، استقلاللرک اُک قوتلیبی حیات خصوصیه ده قازانیلنلریدر . شیمدی بر کره بو حیاتک بزده کی بوشلقلرینی دوشونک ، صکرده ده بو بوشلقده تملندیرمکه چالشدیغمز حکومت ، حیات ومؤسسات عمومیه مزدن ایش بکله یک ! اکر حیات عمومیه اصلاحاتی حیات خصوصیه اصلاحاتی هدف ایدینمزه ، اصلاحاته اولا کیند مزدن باشلاماز سهق ، مؤسسات دولتک زه سنی اصلاحه قالدقش سهق سعیمز دائماً تملسسز قالدق ، سنه لر کچدکجه انقراض تهله که سی اونسبتده آرته جق . بوندن طولاییدر که معنای اجتماعیه سیله بزجه بر عبدالحمید اولمدینی کبی بر اتحاد وترقی ده یوق ! فقط کله نک اولانجه شمولیه ، سویه استحصالیه مزک آچاقلغنی ، قابلیت اجتماعیه مزک کفایتمز لکی دائماً بر شخصیت یوقسوللغنی وار .



علوم مثبتۀ حاضرہ نك مترايداً تأسيسد ايدہ كلديكي بر حقيقتہ  
 قارشى باغروب چاغرمق پازہ ايتمز . چونکہ دوغرو سوزلرہ  
 قولاغمرى طيقامقلہ قوانین طبيعہ نك تأثيرندن کندمرى  
 قورتارمش اولاماز . دون طانمديسہق بوکون اُك قطعی بر مجبوریتلہ  
 طانمغہ مجبورزکہ : طبیعت تکاملنی قانون اصطفا ایلہ تأمین  
 ایدیور ؛ اصطفايى حصولہ کترین سببہدہ جهد و غیرت . . .  
 مترايداً متکاثف ، بروحدت بی پایان ایچندہ متنوع و متفرع ،  
 مترقی و متعالی ، بر جهد ضرورى ! . . . وقتیلہ (ترقی) لرک برندہ  
 دینلديكي کبی :

« نباتات و حیواناتدہ هانکی جنس محیطنک ایجابات  
 مختلفہ سیلہ دہایی اوزلاشیر ، نفقہ سنی تدارکده ، حیاتی محافظہ دہا  
 بیوک غیرت ، دہا بیوک قابلیت کوستررسہ اوجنس محیطندہ کوکلشیور ،  
 مکملشیور ، نسانک استقبالی تأمین ایدیور . محیطنہ اویامیان  
 مخلوقات ایسہ صحنہ جدالدن برر برر سوپرلیور . تاریخ طبیعی  
 محیطنہ موزہ لرندہ اسکلتلرینی تماشا ایدہ کلديکمز اجناس منقرضہ  
 حیوانات ، . . . ایشته جهاد حیات صحنہ سنک ابدی مغلوبلری ! . .  
 جمعیات بشریہ نك ترقیسی دہ عین قانونہ ، اصطفايى اجتماعیہ  
 تابع ! هانکی ملت نفقہ سنی تدارکده ، حیاتی محافظہ و ایستدیرمہدہ  
 دہا بیوک غیرت ، دہا بیوک قابلیت کوستررسہ ، اوملت محیطندہ  
 کوکلشیور ، مکملشیور ، استقبالی تأمین ایدیور ؛ وسائط  
 نقلیہ نك قوم کبی قاینادیغی بر زماندہ ایسہ تجارتنک ایزندن دیگر  
 محیطلرک اشغالنہ یوزیور .

اصطفايى اجتماعیدہ موفقیتک آناختاری ، تشبث شخصی در !

هانكى جمعيتده فرد دها متشبث ، دها مستحصل ودها مستقل  
ايسه ، اوجميت اونستنده حر ومدنى ، قوى ومترقى اوليور.»  
بوندن طولاي ده اُك قطعى براحتياج ، ذكور وانات بلا تفريق  
جنس ومذهب عموم مكاتبلمزى ، متشبث ومستحصل انسانلر  
يتشديره جك برحاله كتيرمكى امر ايديور .

مشروطيتمزك اوچنچى سنه سنه باصديغمز حالده احتياجلر مزك  
بو اُك لزوملىسى ، اُك شدتلىسنه جواب ويره جك بر اجرا  
باشلانغىچى ، بر ابتدا نمونه سى زرده ؟ ... بزى مدنيتك اُك  
آشاعى طبقه لرنده سوروكلنديرن ، ميراث ماضى ايله كچينن بر  
مسرف ، بر مفلس حالنه اينديرن عطالتدن تشبته دوغرو ايلك  
آديمى آتمق ديميورم ، فقط تصورى زرده ؟ ... بو اليم  
سؤالك جوابى كمال جسامرتله ويرن ، بالذات طنينه كز : « معارفه  
كلنجه ، ( تربيه نك اسمى بيايه مفقود ! ) اولجه ياييلانى بوزدق  
ديمكدن باشقه سويلنه جك سوز يوق ! » ديور !

## مسلك اجتماعيمز واعمالحات عسكريه

بوتون بو غفلتاره ، كردابلرنده قيورانوب قالدیغمز بو  
مهلك خطالره قارشى بر نقطه تسلى وار ! « اساسلى برشى  
ياپه مديسه ق هيچ اولمازسه اوردويي اصلاح ايتك ، نواقصى  
ا كمال ابلدك » دنيور . بو تسليده كى حقه كزى بيوك بر نمونيتله

زده تصدیق ایده‌رز . اوردو مزك مهم بر قسمی ، حمد اولسون  
 آرتق نه آج ، نه چمپلاق ! بویوك كوچك مانوره لر بزده ده  
 تطبیق اولونیور . بو اوغورده صرف ایدیلن میلیونلرجه لیرایه ،  
 بودجه مزده کی او دهشتلی آچیقلره قارشى هیچ اولمازسه حیات  
 عسکریه مزده ماده بر ترقی وار دییه بیله جکز . یالکز ، بو  
 ترقی ، احتیاجات حاضر مزله متناسب بر قوت تأمین ایده جك  
 ماهیتده می ؟ سؤاله ، اوت ، دییه جك بر عقل سلیم تصور  
 ایده میورم . واقعا بو کونکی قوتمز ، بزى بالقان حکومات  
 صغیره سنك تجاوزلرندن قورتاره بیلیر . فقط دونکی ولایتلرمن  
 اولان بو امارتله تفوق ، عثمانلی اوردوسی ایچین بر شرف  
 دکل ، پك بسیط بر وظیفه ! مشروطیتك اوچنچی سنه سنده  
 بونك عکسی بر رذالت اولوردی . لاکن تهلكه نك بویوكی ،  
 اصل بیوك قومشولردن کلیور ! او طرفدن وقوع بولاجق  
 بر هجوم قارشیسنده ایسه بوکون نه قدر مدافعه سز ، نه قدر  
 عاجز بر حالد ایسه ك شو اداره سزلکله ، بو سفالتمزك دوامی  
 تقدیرنده یارینده اوقدر مدافعه سز ، اوقدر عاجز قالا جغمز  
 بدیهی بر فلاکت ! او یله ایسه ، اقتدار عسکریمزى مطلوب  
 درجه یه ناصل چیقاراجق ، چیقاردقن صکرده متزاید  
 محافظه یه ناصل موفق اولاجمز ؟ . . شهه سز خصوصى ، عمومی  
 اصلاحات حقیقیه بر آن اول باشلامق ، ینه قازانمده کی  
 قابلیتیمزى آرتیرمقله ! ایکی ایله ایکی درت ایده رجه سنه آچیق  
 بر حقیقت که مملکتی بسلیه جك قابلیت اجتماعیه سنی آرتیره جق  
 اوردو دکل ، اوردویى بسلیه جك ، قدرت حربیه سنی آرتیره جق

مملکت ! . . . مکمل اور دولرله دونملر ، بزم کبی پارہی یرنده  
 صرف ایدہمین عاظرلردن زیاده ، قازانمی اُک ای بیسن واک  
 چوق قازانان متشبثلرک خرجی ! کشکول بدست تسئل ، اوتہیہ  
 بری یہ متصل باش اورمقدن بحق متأثر اولان « طنین » کزک  
 برکون ، فوران حدتله ، حقایق اجتماعیہی چیکنرجهسنه  
 اونوتهرق نشر ایدیوریدیکی شو سطرلر : « محمود شوکت پاشانک  
 بر بحق میلیون سونکویہ ، بحریہدهکی رفیقنک اونکله متناسب  
 بر دونمایہ قوماندا ایتدیکی زمان ، جاوید بکادہ آیاغنه میلیونر  
 هر طرفدن دوکیلور ! » مألندہکی اویمان تسلی ، امین اولکککه  
 نتیجہده بر زوکورت تسلیسیدر . چونککه شو یورویش ،  
 محمود شوکت پاشایی بر بحق میلیون سونکویہ ، بونلرله متناسب  
 بر دونمایہ قوماندا ایتدیرجک بر استقبال یورویشنندن زیاده  
 محمود ندیم پاشا دورینه دوغرو قهقری بر رجته بکزیور ! ..  
 هرکس بیلیرککه محتاج اولدیغمز قوای حربیہیه تملک ایچین  
 یوزلرجه میلیونلر لازم ! بو میلیونلری کندمز قازانجہیه قدر  
 خارجدن تدارک ایچین ، امنیت واعتبار لازم ! بو اعتباره نائلیت  
 ایچنسه اصلاحاته مدافعه ایتدیکمز اساسلردن باشلامق الزم ! فقط  
 دعوای اجتماعیمزک ترکیدهده حق قزانمی حیات عسکریہمز اوستنده  
 یالکمز طولایسیله دکل ، دوغروندن دوغرویہده اجرای تأثیر  
 ایدہجک ! زیرا ، فضائل عسکریہ اساساً فضائل اجتماعیہدن  
 آریلیور ! زیرا ، تثبث شخصی ، جهاد حیات مخنهسنده  
 نه بویوک ، نه قیمتی بر رول چویریورسه ، میدان حربدهده  
 اوقدر بویوک ، اوقدر قیمتی بر رول چویرمکه باشالایور .

حيات صحنه لرنده اولديغي كې حرب ميدانلارنده ده تقسيم مساعى ايله  
توسيع مآذونيتى اُك موافق ، اُك مكمل ، اُك سريع وعمل  
بر طرزده تطبيق ايدن - صوك روس ژاپون محاربه سنده  
صراحة كورولديكى اوزره - اُك كوچك عارضه لردن اُك بويوك  
استفاده لر تأمين ايدهر ك اوردونك قوه تجاوزه سنى بحق  
آرتيران ينه تشبث ، اطاعت لازمه عسكريه ي جانلانديره جق  
تشبث لردر . شو حالده مكتبى ، شخصيتى ازوب بتيرن معهود  
قشله حياتندن نه قدر اوزاقلاشدير مق لازمسه ، قشله ي ده متين  
شخصيتلر بانيسى بر مكتب حياتنه او نسبتده ياقلاشدير مق  
لازم ! قواى بدنیه ، فكريه و اخلاقیه ي عين اهتمام فى ايله  
تزيد ايله مك ، اوردونك روحى منور تشبثلر ، مسعود  
تجدد لرله بسله مك ، افرادك اولديغي كې ضابطلر كده طرز  
معيشتلر نى دها قازانچلى و دها قازاندير چى ، دها قيمتدار و دها  
سويلى بر طرزده دوكمك ، عناصر عثمانيه نك عسكر لكه  
اشتراكى وحدت سياسيه مركز تشككه متين بر واسطه ايدى نك ،  
عثمانلى اوردوسنك هر نقطه سنده سويه وجدانيه نك يوكسلمسنى  
تأمين ايتك وحيثتمزى هر هانكى متجاوزه قارشى اولورسه  
اولسون احتمال موفقيتله مدافعه يه مقتدر بر حاله كتير مك  
فرض ! . . . اكر ملكى وعسكرى اداره نك بوتون شعباتنده  
اقتدار واستقلال شخصى نك ترايدينه آلت اولمى ، حكومت ،  
اصلاحاتنه اس الاساس ايدى نيرسه نسبة آرزمانده ، وطنمز ،  
مغبوط جهان اولاجق بر موقعه يوكسلير ! يوقسه ، حيات

خصوصیه سی مفلوج دینه جک درجده ده ضعیف و حقیر ، قدرت استحصالیه سی قرون وسطایه یاقیشه جق بر درکۀ پستیده قالان بر ممالکت ، اصلاحات عمومیه سندن هیچ بر نی باشه چیقاراماز ، استقراض قوتیله باشه چیقاردینی قسمنکده استقبالی تأمین ایده مز ! ...

### مسلك اجتماعیمز واصلاحات اداریه

ایشته دائماً چالمغه آلشدیغمز بو استقراض قاپورلی ده آرتق کوچلکه آچیلور ! مشکلات داخلیه مز آرتدجه بو قاپورلدها زیاده قاپانه جق ! واقعا المزده بر موازنه مالیه پروژه سی یوق دکل ! حیفاکه بو کوزل امید ، آرناوودلق ، ماکدونیا ، حوران ، یمن ، عراق عرب ، کردستان مسائل ویا فجایی قارشیسنده بر خیال محال ! واقعا بو فلاکتلرک مسبی سز دکلسکز ! فقط مسائل موجوده نك حلنی سزده دونکی اداره کبی منفی وسائطده آریور ، صلحی دائماً قوه جبریله تأمین مسلكنی تعقیب ایدیورسکز . آراده لهکزه بر فرق وارسه اوده سوقیات عسکریه مزك نسبة دها ، منتظم ، دهانی شرائط داخلنده اجرایی ! لکن نتیجه ینه بر : طبیعت مصلحت اقتضایی ، کوکشمش فناقلره قارشی دائماً وقت و منفی چاره لره توسل ! عصیان بر کره باش کوستردکن صوکره البته قوه عسکریه یه مراجعتدن باشقه چاره قالماز . فقط حکومت محلیه ، اداره یی



محیط اجتماعینک احتیاجات اساسیه سنه حقیقه توفیق ایده بیاسه ،  
 بر طرفدن وسائط ثقلیه و الزمی لازمه ترجیح صورتیه اعمارات  
 و انشاآته وسعت ویرر ، یکی مخرجلر آچارکن ، دیگر طرفندن ده  
 قبائل وعشائرک اسکانی ایچین تدابیر لازمه یه توسلدن کری قالمسه ،  
 اشرانی سربعاً تأدیب ایله برابر مملکتک نفوذلی اعضاسنی صور  
 مشروعه ایله آلدن بولوندیروب مناسب ایشلرده قولالانسه ، فضل  
 و ناموسک بو وطنده تقدیر وحمایه ایدلدیکنی اولای بونلره ،  
 صوکره ذها بویوک بر اکثریتیه اُک مؤثر وسائطله اکلایمغه  
 چالشمسه ، حقانیت و مروندنده اصلاً آیرلمسه چوق دفعه ،  
 عصیانلرک اوکنه قولایلقله کجیلیر ، بارملر بیهوده یه دوکیامز ،  
 هم عسکرمنزک ، همده دیگر اولاد وطنک قانی ، یعنی قانمز متمادی  
 برهدردن . قورتولمش اولور ! اسکیدنبری ترکیده اصلاً  
 اکسیلمین اوقانلی غوغالر ، ادارهنک احتیاجات ملیه یی نظر دفته  
 آلمه سی ، بونلری تسکین ایده جک بر ماهیتی حائز اولمه مسندن  
 ایلری کلیورکه شو فلاکت دوغروندن دوغرویه فقدان تشبثله  
 اصول مرکزیتک الیم وفجیع بر غایه سیدر !

دیمک ، اداری عدم مرکزیت ، یاخود تعریفی دیمک  
 اولان توسیع مآذونیتک حقیقه اکلایمسی ، وقوف و صمیمیتله  
 تطبیق ایدامسی ، مملکتده یالکیز آسایشک تقرینه ، روح  
 مدینتک سرایت وانتشارینه خدمتله قالمیه حق ؛ فقط بو آنه قدر  
 دائماً قوه جبریه ایله حلنه چالشدیغمز حاده رفعه بر دورلو  
 موفق اولامدیغمز اختلاللرک پک چوق دنعملر وقوعنه میدان  
 ویرمه مکله هم سوقیات عسکریه مصارفندن بویوک بر قسمی

آزالتەحق ، همده طولانیسیله قوه حربه مزك تزايدینه سبب اولاجق . بوکون مزمن بر خسته لك حالنه کچن بوقیاملره قارشى ، وسائط نقلیه جه بوقدر فقیر اولان مملکتتمزك اوزاق نقطه لرینه یایغه مجبور اولدیغمز قوتلری ، بر حرب حالنده سرعتله تحشیده امکان یوق ! حال بوکه خصم لر بیننده قوتجه مساوات حالنده هانکی طرف ایجاب ایدن نقطه یی دها چابوق اشغال ایدرسه او، حربی ، دها باشلامدن قازانمش اولاجق !

بز ، سنه لردن بری وطن داشلر مزه بو بویوک انقلابی ادرا که اولان درجه احتیاجزى ایضاحه چالیشیرکن سز، دها دوعروسى بر قسمکز ، دعوا مزك مختاریت ( ؟ ) طلبندن باشقه برشی اولدیغنی ادعا ایدیور ، ترکیه یی اولومدن قورتاره حق بر اداره یه ، افکار عمومیه جه ، بر خیانت رنکی ویرمه چالیشوردیکز ! . . . . . اداری بر عدم مرکزیتك مختاریتدن بام باشقه بر مسئله تشکیل ایتدیکنك ، . . . . . وبوقدر غریب وعجیب بر ادعاك ایستر بر فرد ، ایستر بر جمعیت ، صاحب وجدان اولان هیج بر قوتك حوصله ناموس وادرا کنه صیغامیه جغه رغماً بز ، معارضه لرمز حقنده ینه بر حسن ظن بساه مکه چالیشمش ، دها ایلک « ایضاح » ده دیمشدک که :

« یارین مجلس مبعوثانمز آچیلدینی زمان نه ایله اوغراشه حق ؛ بوکون عموم ولایتلر مز سفل وپریشان بر حالده ! وظیفه سنی ادراک ایدن بر مجلس ، البته بونلرک طرز اداره سنی تبدیله مجبور اوله حق . بو تبدیل ، بزى ینه فلاکتدن فلاکت دوشورن اصول مرکزیت می استناد ایده جک ؟ ولایت مأمورلری ، ولایت مجلسلری مرکز قارشى ینه قونداق چوجقلری کبی صیم صیقی باغلی می قاله جقلر ؟ . . . اگر

باغلی چوزيله جك ، بر حق ووظیفه صاحبی اوله جقلسه ولایاتمرك  
 اصول اداره سی عدم مرکزیت اداری یاخود توسیع مأذونیته تابع  
 اوله جق دیمکدر . بو ایسه الزم ! چونکه اونسر مملکتیمزی اعمار  
 قابل اولدقدن باشقه بر ولایتزده کی اصول اداره نك دیکرنده عینله  
 تطبیق مستحیل ! مثلاً بمن ایله سلانیک اهاالیسنك طرز معیشتلری  
 آره سنده نه عظیم فرقلر وار ! بونلری یقیندن کوره جك ، هر ایکی  
 ولایتك احتیاجات حقیقه سنی اکی ای آکلیه جق البته استانبولده یاشایان  
 مأمورلردکل ، فقط بمنله سلانیکده بولنانلردر . بناءً علیه عدم مرکزیت  
 اداری عنوانی آلتنده اوتهدن بری ایسته یه کلدیکمز اصلاحات ، والی  
 ودیکر مأمورلرله صلاحیتنی آرتیرمق ، مجالس عمومیه یی بر آن اول  
 آجدیرمق وبوصورتله اهاالیمزی ویردیکی ویرکینك محل صرفنی اکی  
 موافق بر صورتده تعیین وتفتیشه آلدیرمقدن عبارت قالیور . بوندن  
 طولانی عدم مرکزیته متعلق نشریاتزده دائماً قانون اساسینك  
 ۱۰۸ نجی ماده سنه استنادایتدیکمز ، ده دوا دوغریسی بوماده نك اهمیت

عظیمه سنی افکار عمومیه یه ایضاحه چالشدیغمز کبی اتحاد وترقی جمعیتی  
 پروگرامنك عین اساسه مستند بولنان ماده سنی ده جدی بر ممنونیتله  
 قبول ایتدك . شو حالده عدم مرکزیت ، توسیع مأذونیت وتفریق  
 وظائفدن باشقه برشی دکل ؛ یالکمز توسیع مأذونیت عدم مرکزیت  
 ادارینك اسمی دکل ، تعریفدر . بو ایکی تعبیر آره سنده هیچ بر  
 مبانیت بولنماقله برابر مطبوعاتزده اکثریتله تعبیرله تعریف قاریشدیرلیدی  
 ایچین اذهان عمومیه تشویشه دوشیور . امید ایدهرم که آرتق بو  
 ایضاحادن صوکره اولسون سوء تفهمه میدان قالماز . ارباب وجدانك  
 وظیفه سی ، لزوم وفائده سنه قناعت کتیردکاری افکارك نشرینه  
 چالشمقدر . بز ، امکان درجه سنده بو وظیفه یی ایفایه چالشیورز .

مدافعه ابدہ کلدیکنز افکارک ماہیننی تدقیق ایتدکن صکرہ قبول  
ایدوب ایتہمک، افکار عمومیہ بہ عائد برکیفت ! یالکنز ارباب انصافدن  
ابدہ جکمز بررجا وارہ اودہ هیچ بر دلیلہ استناد ایتہن اسنادات  
غیر مشروعه بی قبل التحقیق قبول ایتہملریدر . [۱]

\*  
\*\*

بو سطرلرک نشر اولوندینی زماندنیری غالباً اوج سنہلک  
بر زمان چکدی . چکلردہ ، « طین » ک ( ۷ کانون اول ۱۳۲۶ )  
ولایات قانونہ دائر نشر ایتدیکی بند اساسی نی صمیمی بر  
منویتلہ اوقورکن یوقاریکی سطرلرک واضح ولزوملی بر متممی  
اولاجق آشاعیکی فقرہلرینی بورایہ عیناً کیرمک آرزوسندن  
قورتولامدم .

طشرہلردہ بر جوق عقیف ، مقتدر اداره مأمورلرمن بولوندینی  
حالہ الارندہ وظیفہلرینی صراحة کوسترہجک برقانون بولونادیقندن  
دولایی کنڈیلرندن انتظار ایدیلدیکی درجہده خدمت کورلیدیکی کبی  
[۱] عین رجایی ، ناموس شخصیمز حسابہ اولدینی قدر ناموس  
وطنیمز نامتہده تکرار ایدیورم . هیچ بر تحقیقہ لزوم کورمہدن  
یکدیگرمز علیہندہکی اسناداتی بر طرفدن آلوب اوبر طرفہ صائمقده  
کوستردیکمز مراعہ قدر چیرکین ، ملوث ، موجب شین وخجالت  
بر مصیبت تصور ایدہم . طاعون ووبا کبی صالغین خستہلفلرہ قارشی  
ناصل مجنمہ اعلان حرب ایتک لازمه بو صالغین مرض اخلاقی  
میقرولرینہ قارشی ده ارباب وجدان ، صحت عمومیہ اخلافہمنی  
مدافعه دائمی بر حرب آچلی ، الہن کلن بشون غیرتی صرف  
ایتلیدر !

قابلیتسز مأمور لرده بوتون قباحتی قانونسز لغه حمل ایده رک کندیلرینی معذور کو ستر مکدن کری قالماقده ایدیلر .

ایکنجی درجه ده شکایت ایدیلن نقطه ده والیرک وسائر مأمورین اداره نك النده هیچ بر صلاحیت بولونمادیقی نقطه سی ایدی . هر شیدن مسئول طوتولوق ایسته نیلن مأمورین اداره نك النده هیچ بر صلاحیت واقتدار بولنماز سه ولایتده ترقی کورله مسندن دولای کندیلرینی معاتب ایتمکده بالطبع بر حق بولنه ماز .

ایشته ولایات قانونی لایحه سی بو محذور لره چاره ساز اولوق اوزره ترتیب ایداش اولدینی کورونیور . چونکه برنجی ماده سنده دینلادیکی وجهله ولایاتک اصول اداره سی توسیع مأذونیت وتفریق وظائف قاعده سی اوزرینه تأسیس اولمشدر . ولایاتده کی شعبات اداره نك بوتون اموری یکی قانون موجبجه والیرده تمرکز ایدیور . نظارت لره مخبره حق تمامیه والیره ویریلور [ ایکنجی ماده ] . والیرک استیذان ایتمک لری مسئله لره مراجعات مکرره لرینه رغماً مرکزدن جواب ویرله می یوزندن ایشلره عارض اولان سسکته ، بر مدت معینه ظرفنده جواب ویرله یین ایشلری اجرایه والیرک صلاحیتدار بولندیرلمسی صورتیه ازاله ایدلشد . والیرک صلاحیتلری مرکزدن متصرف وقائم مقام تعیننده کندیلرینک فکر ومطالع لری صور ولوق درجه سنده توسیع اولمشدر [ یکر می ایکنجی ماده ] .

.....

ولایات داخلنده امور نافع و زراعیه ، تشویق صنایع وتجارت کی خصوصاتده والیره صلاحیت وسیعه ویرلشد . والیر ، ولایتلره عائد یوللری مرکزدن بلا استیذان انشا ایدیه یله جکاری کی [ یتمشجی ماده ] امتیاز وانحصاری متضمن اولماق اوزره تراموای ، اوتوموبیل ، اوتوبوس و اومنیوس ایشلتمک ایچون مساعده ویرلر [ یتمش درنجی ماده ] ، هر نوع فابریقه . اعمالخانه تشکیلنه اذن ویرمکه صلاحیتدار بولنورلر [ یتمش یدنجی ماده ] .

ولایتلره ویریلن صلاحیتلر آراسنده ولایتک خصوصی بودجه سنده  
مرقم وارداتک بر سنه لکنک ثلثی تجاوز ایتمه مک ونهایت بش سنه ده  
اودنمک اوزره ولایت نامنه استقراض عقدینه مأذونیتی ده تعداد ایتلیدر.  
حتی امور نافع و احتیاجات معارف ایچون بر سنه لک واردات درجه سنه  
قدر استقراض عقدینه بیله صلاحیت ویرلشددر [ طغسان بشنجی  
ماده ] .

بعدما ولایتلرک خصوصی بر بودجه سی اوله جقدر . بو بودجه نک  
واردات قسمی عمومی بودجه دن مفرز مبالغ ایله ولایتجه کوپری ،  
اسکله وسائر تأسیسی کبی منافع عمومییه عائد خدماته مقابل استیفا  
اولنه جق اجورات ، ولایته عائد عقاراتک ایجاری ، ولایت داخلنده  
تأسس ایده جک تراموای ، اومنیبوس وسائر دن سنوی آلنه جق  
مبالغ معینه وسائر دن مرکبدر . بومیانده اک زیاده حائز اهمیت اولان  
منبع واردات « ولایتجه تکالیف موجوده عمومییه ایدیله بیله جک ضمائم »  
[ یوز یکریمی سکزننجی ماده ] در . بوسایه ده بعض زنکین ولایتلر

کندی یوللری ، کندی مکتبلری ایچین ایستدکاری صورتده وارداته  
مالک اولایله جکلردر . بو مساعده نک مختلف ولایتلر آره سنده غایت

شایان تقدیر وتشویق بر مسابقه میدان آچه جفی شبهه مزدر . بوکبی  
خصوصانک نه بویوک بر مشوق اوله جفنی ایضاحه لزوم کوره میز . هر  
ولایت خلقی اختیار ایلیه جکی فدا کارلرک کندی کوزی اوکنده در حال  
ثمره دار اولدیغنی کورورسه ، یاننده کی ولایتلردن کری قالماق آرزوی  
فطریسی ده بوکا انضمام ایدرک طریق مدنیت وترقیده ایلرله مک ایچون  
بالطبع اندن کلنی یامقدن کری قالماز . ایشته ملکیه مأمورلری ایچین  
بویوک بر ساحه فعالیت ! شیمدییه قدر اللری باغلی بولونان مأمورین  
ملکیه ایچون بوندن صوکره اقتدار و ذکالری ایله متناسب اولمق اوزره  
بردوره مساعی آچیلور دیمکدر . چونکه یالکیز والیرله ویرلدیکندن



بحث ايتديكمز بو صلاحيت درجه، درجه متصرف وقائمقاملره ،  
ناحيه لره ده ويرلمشدر . هله تاأمين انضباط وآسايش خصوصنده كي  
صلاحيت بك قطعيدر .

.....

هيئت عموميه سي حقنده بر فكر اجمالى ويرمكه چالشيديغمز شو  
لايحه قانونيه بوسنه مجلس عموميدن تصديقه اقتران ايده جك اولورسه  
بر ايكي سنه ظرفنده طشره لر احوالنده بويوك بر تبدله انتظار  
ايده بيليرز . [۱]

شهه سر ، بو بويوك تبدلى اولاكندى حياتمزده ياشامق ،  
مأمورلرى فرقه مزه درجه صداقتلرندن زياده وطنه ايده -  
بيله جكارى خدمت نقطه نظرندن انتخاب ايلك شرطيله بوكون  
أك غيرتلى بر قلمكيز طرفندن مدافعه ايديان (۱) بوادارى عدم  
مرکزيتك ، وقوف وصميميتله تطبيقندن بر قاچ سنه صكره ،  
ولايتلر مزده بويوك بر تبدلى آلقشلامق سعادتى مأمولدركه  
ادراك ايده بيلهلم ! . . .

[۱] بو سطرلر يازيليركن لايحه قانونيه نك اصلى كوزمنك  
اوكننده بولونمديغيچين تفرعات حقنده هيچ برشى ديهه مزسه كنده  
هيئت عموميه سي اعتباريله لايحه ، عدم مركزيت واديسنده مهم برخطوه  
تشكيل ايديبور . يالكرز يوقاروده أك اساسلى فتره لرني اقباس  
ايتديكمز مقاله ده تشكيلات اداريه جه اهالى به نه قدر سهولت تايمين  
ايديله بيله يكنندن هيچ بحث اولونمشمس . حال بوكه بو نقطه نك اهميتى  
آشكار ! حكومت ، تشكيلات عموميه سنده ، اهالى بي آياغنه كتيرمكى  
دكل ، امكان درجه سنده كنديسى اهالى به يافلاشمى مسلك ايدىنلى .  
وخلقك قوه اجرائيه ايله مناسبانى كيتدكجه دها زياده تسهيل اولونملى .  
مصالح خصوصيه نه قدر آز زمانده وآز بازه ايله حل ايديليرسه  
حریت و ثروت عموميه اونستنده ترقى به يوز طومش اولور .

## مسلك اجتماعي مز و اعتبار ملي ۱

اوتہ دنجری ايضاحه چاليدنيغمز و جهاه، حيات خصوصيه -  
 مزده، فضائل لازمه ايله مجهز بر تشبث شخصيه، حيات  
 عموميه مزده، احتياجات متنوعه مزله متناسب بر عدم مركزيته  
 استناد ايتمه كسزين، داخلا اولديني كبي خارجاده تحكيم موقع،  
 محال اندر محال!.. اعتبار مليمز آنجق بو مسلكده كي موفقياتمز  
 درجه سنده يوكسله جك. يوقسه، اولادنن بر قسمي ديكر قسميله  
 متصل بوغوشه كلن و بو بوغوشمقده دوامليجه بر فاصله بيه بيه  
 نائل اولاميان بر مملكت، تعبير اصحيله بر مذبحه انسانيت، البته  
 آهنگ دوليده مثبت و محترم بر موقع طوتاماز. فقط منفى موقعمز،  
 دور حميدده نه قدر مضر و مظلم ايديسه، بو كونده اويله!  
 تركيه، دول معظمه دن بعضيلرينك استيلاى اقتصادى و يا عسكر يسنه  
 دائما هدف! ايكنجى مشروطيتك اعلانندن برى طوتديغمز  
 مسلك، اوروپايه، حقمزده بسله ديكي اسكي فكرلرى مع التأسف،  
 ترك ايتديرمدي. اونوتمايه لم كه، شيمدى يه قدر وطنمز داورولان  
 أك مدهش ضربه لردن برى ايلك مشروطيتمزي تعقيب ايدن  
 آياستافانوس معاهده سیدی [۱]. روسلر، بو خاطره تاريخيه ي بزه  
 هر وسيله ايله اخطار ايديسورلر. غير قابل تعمير بر مصيبتك پنجه سنه  
 دوشمدن اول كندى كند مزه اعتراف ايدلم: محاط اولديغمز  
 تهديدلر قارشيسنده كي حر كتمز، ياني باشنده كي اوچورومى كورنارك

[۱] ينه اونوتمايه لم كه روسلره، بو معاهده ي برلينده بيرتديران،  
 اوروپاده كي موجوديت سياسيه مناك دوامى تأمين ايدن انكليزلر اولدى!

حرکتنه اصلاً بکزه میور . انظار دقتمز متصل صوفیه ایله آتنه آفاقنه منحصر !.. آرقه دن کلن جسم اوردولرک طلیعه سی مقامنده قالان بو کوچک قوتلر بزی بودرجه اشغال ایدر ، بوقدر بویوک مشکلاته اوغرانیرسه بالاخره معروض اوله بیله جگمز او بویوک هجوملره قارشى نه یاپه جغز ؟ بونی دوشوندکجه توپلر اورپرییور ! استانبولله بالقانلر آراسنده دائمی برخصومت ، حکمفرمای شامتکن ، روسیه ، قفقاسیادن طهرانه دوغرو صارقان او مکمل عسکری یوللریله آناتولی یی قوشاتمغه اعلا فرصتربولیور وارضروم خطمدافعه سنی بوصورتله جنوب شرقیدن تهدید ایدرکن ، قره دکزده کی قوای بحریه سنی بزم پک فقیرانه قالان تجددلرمزله نسبت قبول ایتیه جک بر مقیاسده آرتیریور و شمالی آناتولی نک بکسندیکی نقطه سنه عسکر چیقارهرق ارضرومی آرقه دن ده صاره جق واستانبولی دوغرودن دوغرویه تهدید ایدر جک بر وضعیت حاکمیه تملک ایله یور . بز بو تهلمکی کوروب اوکا قارشى ایجاب ایدن تدارکاتی اکمال ایدنجه یه قدر اوزون مدت بو اسکی دشمنه قارشى پک نازک بر موقعه ده قله جغز . بو حالده سیاست خارجه مز ، هرشیدن اول بونقطه یی نظر دقته آله رق لازم کلن تدارکاتی اکمال ایچین شدتله محتساج اولدیغمز زمانی بزه قازانديره جق ، مملکتی فیجیع تصادفلرک جولانکاهی اولمقدن قورتارهرق بر استقامت تعقیب ایتلمیدی ! نه فائده که ترکیه نک خارچی پولتیقه سی « ویردیکی دوستلغه مقابل (؟) آله جنی دوستلغه باغلی بولوندیغی » فکرینه صاپالانیور ، ایشلرمزی مناقصه یه قورکن دوستلغمزی مزایدیه چیقارییورز . ظاهراً منطقی

کورینن بو فکر ، حد ذاته منافع حقیقه سیاسیه مزى تقدير و تحلیلدن کلیاً عاجز بولوندیغمزى اثبات ایلهده ! اکر تحلیلیمز بر آردها ایلری سورولسه یدى ، کیملرک دوستلغنى قازانمق لازم کلدیكى زماننده اکلشیلیر واوزمان ، دوستلغمز پازارده ، اُلز قولتوغمزده قالمازدى. حیفاکه امور داخلیه مزده اولدیغى کبی امور خارجیه مزدهده فکر تحلیل و تشبث ، یوقلغنى پک الیم بر صورتده کوستریور ، تصادفات یومییه بازیچه اولان ابرء سیاستمز قرارسزلقدن بردرلو آریلق ایستمیور. فقط بو مشکل موقعهده دائماً بارینق ممکنمى ؟ ایستر ایستمز تحولدن یایییه یافنايه کچیه جک . شیمدیكى میل مترددانه مز، اتفاق مثلاًک ایکی رکننه ، یعنی فورطنه یه !

\*  
\* \*

کورییورسککزکه پترسبورغک سیاست اقتصادیه سی کندیسنی پارسه اُک قوی بر رابطه ایله ربط ایلهده ! بومر بوطیت، پترسبورغ ایچین عادتاً بر حیات و ممات مسئله سی ! فی الحقیقه روسیه ، حیات حاضره سنده دوام ایده بیلیمک ایچین اوزون مدت دها استقراضه مجبور اوله جق و بو مجبوری تی آنجق پارس بورسه سنک کندیسنه کشاده بولمسیله استیفا ایده جک . دیمک ، پارس و پارسک مسائل خارجیه ده دائماً متفقاً حرکت ایتدیكى لوندره دن کله جک وصایایه حسن قبول کوستره جک. مسئله نک جان طمارى ، ایشه بووصایایه شرقده منافع ملیه مزه او یغون بر استقامت تعقیب ایتدیرمک و بو صورتله شمال قومشومزله آرامزده کی برودتی تدریجاً صمیمی

بر مودته تحویل ایله مک ! فرانسه وانسکلتره دوستلغی، قره دکز حوضه سنده، روسیه نك علیهمزده کی تجاوزکار تصوراته اُک قوی بر مانعه تشکیل ایده چکی کبی بالقانلر دده تک بر سلاح باطلامه دن صلحک دوامنه اُک مکمل بر ضمان اوله جقدر !

مسئله نك جهت اقتصادی سنه کلنجه، بونده کی منفعتمنز دها آشکار، دها علنی ! . . . فی الحقیقه آچیق قیامق ایچین ایتدی کمز دائمی استقراضلر نه قدر مضر وتهلکه لی ایسه ترکیه نی وسائط جدیدۀ اقتصادی ایله تجهیز ایله مک، بر آن اوّل اعمار واصلاحه قدر تیاب اولمق ایچین پایله بیله چک مشمر استقراضلر دده اوقدر فائده لی، واونسبتده لازم؛ حتی بوکا موفق اوله مازسه ق اصلاحات وادی سنده تک بر آدیم آتامایز ! فقط بو پاره نی بزه ویره چک نه برلندر، نه ویانه ! دیمک ینه پارس، ینه لوندره یه اوغرایه جغز ! شوخالده استانبولله پارس ولوندره قابینه لری آراسنده نه قدر صمیمی بر مخادنت وجوده کتیر رسه ک، وطنمزک احتیاجات سیاسییه و اقتصادی سنه او درجه خدمت ایتمش اوله جغز . انکلیزلرله فرانزلرکده شرقده کیتدکجه چوغالان منفعتلری، ترکیه دوستلغنه لزوم کوستریور، ومدافعه ایتدی کمز مخادنت سیاسییه منافع متقابله اساسنه استناد ایلپور . بونکله برابر، اتفاق مثلته قارشى خصمانه بر سیاست تعقیب ایده لم دیمورز . بالعکس عموم دولتلرله اولدینی کبی آلمانیا و اوستریا ایله ده مناسباً تمزک ایله شمسنى ایسته ملی و بوکا چالیشملى یز . یالکیز، سیاست خارجیه مزک تمّل طاشی دائماً فرانسه ایله انکلتزه دوستلغی اولمیلدر .

مشروطیت مزک ایکنجی اعلاننده بویکی دولت باشده بولونقلری

حالد بوتون جهان مدنیت بزی آلقشلامش؛ مشروطیت، ترکیه به  
 به وقوع مستثنای تحیل تأمین ایلشدی. یازق که بو قیمتلی زمان  
 ظرفنده اورته به جدیت واققدار مزی کوسترمکه کافی هیچ بر اثر  
 قویامیشمز، قازاندیغمز حسن توجهك اَك بویوك قسمنی غیب  
 ایتدیردی. ایشته شمالاً و جنوباً اولدینی کبی شرقاً و غرباً ده  
 مملکت صالحین بر اختلال، طالعین بر غفلت ایچنده یانوب طو توشیور!  
 بویله بر سیاست داخلیه ایله بزه، بیسود بر مظاہرته بولونه جقار،  
 ینه عبدالحمید دورنده کیلر اوله بیلیردی که صوك وقوعات ده بواحتمالی  
 تأیید ایله یور. فقط بویله بر اداره سزلک ایچنده خارجاً کندیمره  
 صمیمی دوستار بولق مکنمیدر؟ واقعا آلمانیا، صوك استقراض  
 معامله سنده بزه معاونت ایدر کبی طاوراندی. یالکیز کندیسیله  
 وقوع بولان معاملاتمزک کافه سنده اولدینی کبی بونده ده باشند باشه  
 منفعت اوکا، مضرت بزد متوجه! ترک و آلمان دوستلخی دیمک، شمالده  
 یولق، جنوبده یولنق ابتلاسی دیمکدن باشقه برشی دکل!.. شبهه سز  
 قروپ فابریقه سنه، کهل دستکاهلرینه سپارشار ویردیکمز،  
 بوناری ویره بیلیمک ایچین ده پارس پیاسه سنی کندیمره آچیق  
 بولونیدر دیغمز مدتجه آلمانیا بزه ظهیر اولور. فقط صوکره؟...  
 دور سابقده بغداد شمندوفری شرائطیه آناتولی نك استیلای  
 اقتصادیسنه نامزدلکنی تأمین ایله دیکی کبی فردای مشروطیتده ده  
 بوسنه — هر سکلک اوستریانک عهده لیاقتنده تقررینه خفیاناً حکم  
 اید یویرمشدی. یارین دولترلر دن بری ویا بر قاجیه وقوعی محتمل  
 بر مصادمه ده یالکیز قاله جغمزی کورر سه ایلك حرکتی امداد مزه  
 دکل، شبهه سز میراث مزه قوشمق اوله جق. وپانزهرمانیسترلر جه، یکی



پازارده ، آلمان اوردولرینک برطلیعهسی مقامنده صاییلان اوستریا  
طابورلرینک ، سلانیکک اشغالنه یورو مارینی آچیقندن آچیغه طلب  
ایده جک.

اسکی دشمنلر من یزمره قومق ایچین مومیزی بکلمکله اکتفا  
ایدرکن یکی دوستلر من ، دریمزی صاغلمزده یوزمک ایسته یور ؛  
ترکیه نك آفریقا وحشت آبادلرنده بیله ، عدیم الامثال برهیچستان  
ادراك اولدیغنی اعلان ایدیور !!

## چیمقماز یول :

( مجلس مبعوثانك نظامنامه داخلی ) عنوانلی مقاله سنده  
( ۹ تشرین ثانی سنه ۱۳۲۶ ) تاریخی طنین غزته سی :  
( بز ، دیمشدی ، هر شیئی مجلس مبعوثاندن بکیورز . مملکتک  
بتون امیددی ، مجلس مبعوثانك وظیفه سنی بحق ایفا ایده بیللمسندره . )  
برقاچ هفته صکره ( مجلس مبعوثانك حالی ) عنوانلی دیگر بر  
مقاله ده ، عین قلم ( ۲۲ کانون اول سنه ۱۳۲۶ ) ( مملکت مزده  
دیور ، تأثیرات خفیة اجنبیه نك اوینادیفی مشوم او یونلری اونومق  
بر عثمانلی ایچون عین جنایتدر . بوکون حکومت عثمانیه نك کنديسی  
سلامته چیقاره حق شو اداره مشروطه ایله ائتلاف ایده مامسی ، اداره  
مشروطه نك حکومت عثمانیه ایچون بر اثر ضعف و نفاق اولسی ، بعض  
منافع اجنبیه اقتضاسندندر . بو اجنبی نفوذی عجبا تبدیل شکل  
وصفت ایدرک ، هویتنی کیزله یه رک ، خیر خواه و حریت پرور بر رنک  
آلهرق تا ایچمزه قدر صوقوله مازمی ؟ اک حسن نیت صاحب لرمزی  
اغفال ایده رک کنديسنه آلت ایده مزمی ؟ دوشونمیدرکه آمال اجنبیه

مملکت مزده اجرای فعالیت ایده بیلک ایچون انتریکه ، پاره کبی وسائط کافه سنی استعمال ایتشد. وقوعات تاریخیه نك بر تکرار کردن عبارت اولدینی حقیقتی تسلیم ایدنلر ایچون عینی آمالک بوکونده زمانه مخصوص احوال واشکال ایله تجلی ایده بیلکسی پک امکان داخلنده در . بو نفوذ کندی هویتنی هیچ بللی ایتدن ، بزى آلداتهرق ایچمزه کیرر ، مبعوثانه قدر صوقولور و اوراده مبعوثلر منری بوغاز بوغازه کتیررسه حائلز نهیه واریر ؟

ایشته ژون ترك رفیقمز بو آجی احتمالری دوشونهرك اندیشناک اولیور . فقط اولجه دیدیکمز کبی بدین ایسه کده هیچ بر زمان نوید دکلز . مجلس مبعوثان بو ملت ایچون بر منبع فیض و تجدد اولمالیدر و اوله جقدر . اتحاد و ترقی ، مجلس مبعوثانک مملکته بر مصدر نکبت وفلاکت اولماسنه هیچ بر زمان میدان ویرمه جقدر ، بوراسنی قطعی اولهرق تأمین ایده رز . )

بر طرفدن هر شیئی مجلس مبعوثاندن بکلدی کمزی ، مملکتک بوتون امیدی مجلس مبعوثانک وظیفه سنی بحق ایفا ایتسنده اولدیغنی ادعا ایدوب طوررکن ، دیگر طرفدن عین مجلسک - حسن نیتنه رغماً !! - اجنبی پاره سیله اجنبی آمانه خدمتی ومملکتک باشنه بر مصدر نکبت وفلاکت کیلمسی احتمالی ایلری سوریور و در عقب ، اتحاد و ترقی جمعیتک بوکا میدان ویرمه جکنی قطعاً تأمین ایدیورز . شو حالد « یکانه امید سلامت » ، مجلس مبعوثاندن اتحاد و ترقی جمعیتنه کچمش اولیور ! فقط هربری الی بیک عثمانلینک مظهر امن واعتمادی عد ایدیلن مبعوثلر مزك اجنبی پاره سیله ، اجنبی منافعه چالیشملری ، مملکتک باشنه بر « مصدر نکبت وفلاکت » کیلملری محتمله ، هیچ بر صفت ومسئولیت رسمیه بی حائز اولیان ومذاکره لری افکار عمومیجه کاملاً مجهول

قالان بر هیئت اعضاسنک عین تأثیراته یاخود ساده جه احتراصات  
 شخصیه لرینه - دهافضله بر سهولتله - قاپیه رق زواللی مملکتک باشنه  
 بر « مصدر نکبت وفلاکت ، کسيلمیه جکلری و کسيلم دکلری  
 نه معلوم؟! دیمک ، « یکانه امید سلامت » مجلس مبعوثانده دکلسه ،  
 عین اسبابدن طولای اتحاد و ترقی جمعیتنده ده دکل ! فقط زرده ؟  
 مخالفارده می؟ ... مخالفتیه سببیت ویرن حقمزلقار بوکون بداهت  
 درجه سنی بولدیغیچین مخالفلرک شکایتده کی حقاری انکار اولوناماز!  
 یالکیز فنالق ، قورو شکایتله رفع ایدیله بیلیرمی؟ واقعا ، فرق  
 مخالفه نك ، شکایتارندن باشقه برده پروغراملری وار سه ده بونار  
 جمعیتکیز گکندن اساس اعتباریه آیریامور . ذاتاً سیاسی  
 پروغراملر ، همان دایمادکیشن کسودلر تحتنده دکیشمین بر مقصدی  
 کیزلیه جک پاراوان خدمتی کورر . هر شیئه رغماً کیزلنه مین بو  
 مقصدسه : قوه اجرائیه یه تملک : فلان آدم ، یاخود فلان  
 قاینه نك یرینه فلانی کتیرمک؛ علی نك کلاهنی ولی یه ، ولی نك  
 کلاهنی علی یه کچیرمک! ... یوللرک اُک چیقمازی ده ایشته بو !  
 جمعیتکیزله هرکون و هر صنفدن چوغالان مخالفلری آراسنده کی  
 شو مشئوم عداوت ، اضمحلال یولنده مهلاک بر مسابقه دن باشقه  
 برشی دکل !!

تهلاکه !

بوکون ، جمله مزى فجیع بر عاقبتیه دوغرو سور و کلاه یوب

کتورن سبب ، دائماً ياکاش بر دستوری نقطه حرکت ایدینک :  
ظن ایدیورزکه ملتر وسائط سیاسیه ایله قورتولور ، مدنیتلر  
وسائط سیاسیه ایله قورولور . بوتقیدردی مجلس مبعوثانی ملتک  
یکانه امیدى تلقی ایلک ضروریدر ؛ حالبوکه اولانجه امیدى ،  
برقاچ یوز کشییه ، اوبرقاچ یوز کشینکده برقاچ باشنه ربط  
ایدن برملکت ، البته امیدند آلدانیر . زیرا ، مجلس ملینک  
وظیفهسى قانون وضعندن وقوانین موضوعه نك تطبیقیه مکلف  
اولان حکومتک اجرا آتی تفتیشدن عبارت ! بو ، لازم حتی  
الزمه سده عادات وطبیاعک ، یعنی حیات خصوصیه نك تکاملندن  
طوغمیان قانونلرک ، اولو طوغمش چوجقاردن نه فرقی اوله بیلیر ؟  
قانون قوتیه برملکتی تور تارمه نك امکانزلنی بوکون حقوق -  
شناسان نظرندده مسلم بر حقیقت شکلى آلدی [۱] . دیمک  
مجلس مبعوثانک - لایخطی بیله اولسه - مملکتک یکانه امیدى  
حائنه کلى قطعياً محال ! زرده قالیرکه مجلس ، لایخطیلک شویله  
طورسون ، هنوز اصول وانتظام دائره سنده برمذا کره یوروتمکدن  
بیله عاجز !

\*  
\* \*

نشریاتمه ایلک باشلادیغمز زمان ، اصول مشروطیتک عدم  
مرکزیت ادارییه استنادی لزومى مدافعه ایدرکن ، خاقان سابق  
حقنده ( ترقی نمرو ۱ ) : « اگر ذات شاهانه نك اوهام متزایدلری

[۱] حیات حقوق وقانونلرک عاجزلیکی La vie du droit =  
et l'impuissance des lois عنوانی اثرند وکندی صره سنده  
موسیو قرنه = Cruet بو حقیقی پک ابی تشریح ایدیور .

بودرجه بالا پرواز اولسهیدی ، دیشدک ، مرکزیتی محافظه شرطیه  
استبدادملوکانه لرینی مجلس مبعوثانک تحت تأمیندهده اجرا ایده بیلیرلردی .  
حکومتک بیتوب توکنمک بیلیم قوافل مأمورینتی ایستدیک کی  
دوشوندیروب چالیشدیران ؛ عادتا خلق ایدن بر آدم ایچین بر قاچ  
یوز مبعوثی ایستیلن شکله قویقدن نه قولای تصور اولنه بیلیر ؟ «  
سلطان حمیدک یاپه مدیغنی ایشته اتحاد وترقی یاپیور . مخالفلرک اُک  
مشروع شکایتلرینه ذره قدر اهمیت ویرمیهرک ، — مجلسک اُک  
محترم اعضاسندن بری حقنده روا کوریلن معامله ایله درجه  
ثبوته واردیغنی کی — مخالفلری ، بلا سبب توقیف ویا تهدیده  
قالقیشهرق اکثریتی ایستدیک کی طرزده یوروتیور . شمدی  
طرفدارلرینک برر ایکیشر فرقه نک بویوندریغندن قورتولمغه یوز  
طوتدقلرینه باقوب ، اکثریتی غیب ایده جگنی آکلاینجدهده  
مجلسی آچیقندن آچیغه طاغیتمله تهدید ایدیور ! ... مجلس ،  
حقیقه طاغیلیمسنی انتاج ایده جک برحرکتده بولونمش اولسه بیله ،  
بوحق ، امور دولته هیچ برمداخله یه صلاحیتی اولیان بر جمعیتک

---

دکل ، دوغروندن دوغرویه مقام سلطنتکدر !

حقیقت ، آرتق کونش کی آشکار : مبعوثلر سلانیکدن  
کلن امرلره مطاوعت ایتدکلری مدتجه مملکتک یکانه امیددی ،  
یکانه استنادکاهی (!) ، اونلره قارشلی اوافق برسرکشاک کوسترنجه  
وطنک باندن باشه مصدر نکبت وفلاکتی کسلیورلر . بوصورتله  
موافق ویا مخالف مجلس ملی اعضاسی آچیقندن آچیغه تهدید  
ایدیلیرکن ، اوردومزده ینه آچیقندن آچیغه تحقیر اولونیور :

« حریت و ناموس اوغورنده (!!) معهود ، نیر حقیقتکز دیسور ،  
ایجاب ایدرسه استانبولی طر توشدیر مق ، بر خرابه زاره چویر مک ،  
بر بایقوش یوواسنه بکرت مکدن اهون والزم بر شی یوق ! »  
عین غزتا تهدیدینک هانکی قولله اجرا ایدیله جکنی ده آشاغیکی  
سطر لرله ایضاح ایدیور : « ای آورده مران استبداد ، ای سفیل یزانسلیر !  
سزک ناموسله ، وطن پرور لیکله ناقابل تألیف اولان بدخواه لکیز ، بولندیغکز  
دائرة محدوده خارجه چیقاماز . اوراده انتشار ایدن درت پاچا وره نک  
صاجدینی زهر فساد بورالرده هیچ بر تأثیر حاصل ایده من . بوکا ،  
بو حقیقته بوتون قوت قلبکزله اینسانلیسکز . زیرا عصر لک تقاضای  
باد سیاسی آلتنده ازیلن بو محیطک ، اوپله بر ماضیمی واردرکه  
روم ایلی خلقنه معنای حریتی ، فضائل مشروطیتی بوتون دقایقوله افاضه  
ایتمشدر . ایشته بونک ایچون فجر تابدار حریت بورادن طلوع ایدی  
وینه بو محیطک ایکی یوز الی بیک سونکوسی مظاهرتیله یاشایه جقدر . »  
دیمک ، حریت (؟) و ناموس (؟) اوغرنده عثمانلی دولتنک یا تختنی  
طو توشدیره جق ، بر خرابه زاره چویره جک ، بر بایقوش یوواسنه  
بکزه ته جک بو ایکی یوز الی بیک سونکواوله جق ! اوتوز بوقدر  
ییللق تغلبندن صکره عثمانلی اوردوسنک آلت جنایتی اولقده دوام  
ایده میه جکنی خاقان مخلوع کسندی ضررینه تجربه ایتمش ، « ظل الله  
فی العالم » لکدن برهیچی مطلقه سقوط ایلشدی . بو تاریخی سقوط ،  
وطنمزله اوردوسنده ممتاز بر وجدانک یواش یواش یوکسلیدیکنی اثبات  
ایلیور ! وجدان ملی نک بومسعودانک کشفانه رغمایلدیزک اؤ وجدانمزل ،  
اؤ ایکنج دقیقه لرنده بیله خاطر لیه مدینی بر جنایتی ، بوکون  
هانکی جرأته عثمانلی عسکرینه اسناده قالدیشیور سکز ؟ !... قتال



جويانه تصورلرک بو درجه سی یکچیری باغیرنده کورلمدی !  
 وطنمیزک یوزاللی سنه لک بردشمنی اولان روسارسه ، صوکه  
 محاربه ده ، پاتخنمیزک قابولرینه قدر طیانداقلری حالدینه استانبولی  
 طوتشدیرمدیلر . . . . . آتیلا ، جنکیز ، هلاکو ، تیمور کبی  
 آفتلرک بیاه کندی وطنلرینک پاتخننی طوتشدیرمق ، بریاقوش  
 یوواسنه چویرمک ایستدکلرینی بیلمیورز . یالکیز ، ادوارقدیمده  
 وحشت و ماعتنک واحد قیاسیمی صاییلان مشهور ( نهرون )  
 برهای جنت و جنایت ایچنده برکون رومانی آتشه ویرمش ،  
 مقراداره سی اولان قوجه شهر ، کوزینک اوکنده جابر جابر  
 یانارکن او ، پرشوق و سرور ، ترنم ایلمشدی ! نیر حقیقتکیز ،  
 یکرمنجی عصرک باشنده ، مشروطیتله اداره اولوندیغنی ظن ایدن  
 ترکیه ده اللمدن قورقیهرق ، انسانلردن صیقیلیمیه رق ، ۲۵۰ بک  
 نررک موجودیتنی ادعا ایدیور ؛ عثمانلی اوردوسنی ، ابتدای  
 موجودیتدن بو آنه قدر برمثلنی ده کورمیدی برتحقیره چارپیور !  
 بوحسارله متحسس ، بوفکرلرله متفکر بولونان سفیلرله  
 کوسترمک لازم که عثمانلی اوردوسی کندیلرینه قره غوللوق ایتمکله  
 دکل ، عثمانلیلرک مقدس حقوقنی متجاوزلرینه قارشى مدافعه  
 وظیفه سیله مکلفدر ! . . . . . عسکریمیزی فرقه غوغالرینه قارشیدیرمق ،  
 اوردولریمیزی برقاچ پولتیقه جینک آلت تغلی ایدنیمکه قالقشماق ،  
 کندی اوجاغیمیزی کندی المزله بیتمق ، کندی وطنیمیزی کندی  
 المزله محو ایتمک ، . . . . . اولادواحفادمزک اکحقلی لغنتلرینه ابدیاً  
 مستحق اولمقدرا !

اسكى ايتاليانى باشدن باشه باربارلره چيكنه تن ، جهانكير  
رومايى قهر ايله ين ، عسكر ك كاملاً پولىتيقه جيلغه دو كولىسى  
اولمشدى . بومشئوم مسلك ، ازمنه قديمه نك اونا مغلوب اوردوسنى ،  
برپاچوره يه چويردى ! . . . . بديهيات تاريخيه دن ده عبرت آلميه جق  
و كورميه جكمى تركه مخالفلىرى ، نير حقيقتكيزك تعبيرى وجهله :

( بالخاصه استانبول اهاالىسى ) ، ابكى بوز الى بك سونكو  
ايله تهديدده قالقشقمق ، يال كز حريتى دكل ، بقاى مليمز ايچين  
الزم اولان عسكر لكمزى بيله محوه ، تركيه يى دشمنلرينه چيكنتمكه  
يورومك دن باشقه بر شى دكل ! . . . . آرتق نه زمان بو آصوب  
كسمك ، ياقوب ييقيمق دعوالرندن قورتوله جق ، نه زمان انسانجه  
ياشامق ؛ معنا ، دائماً فقير اوله رق كلديكمز بو عالمى ، يكي بر  
ميراث فضل ومحاسنه زنكين ترك ايمه دن ذوق آلمغه باشلايه جغز ؟  
تركيه كى مكتبلىرى ، احتياجات تربويه سنه اوزون مدت  
دها جواب ويژه ميه جك برمما كته ، اوردو ، وظيفه اصليه سندن  
ماعدا سويّه مدنیه و اخلاقيه يى ده يوكسلته جك بر وطن مكته  
حاله كيرملى ؛ خدمت عسكريه سنى اكمال ايدن هر نفر ، اوردودن  
دها ايشلك بر دماغ ، دها صاغلام ، دها اي بر يوره ك ، معنا  
وماده دها قوتلى بر همتاه چيقملى ! . . . . ايشته ضابطلر مزه  
آچيله جق بر فسحت آباد اجتهادا . . . . فقط اونلر ، بوز مينده  
يورومك ، اوردوده كى جزؤ وطنى نك حقيقى مربى لرى درجه سنه  
يوكسلمك ، يوز بيكلر جه وطندا شلرينك وجدانلرينى دوغرولق  
وايىلكه قازانه بيلمك ايچين - حكومتك ده قرارى وجهله -  
پولىتيقه جيلقندن بسبتون آيرملى ، تدقيقات علميه واجتماعيه لرينى

دائماً ایلرولتملیدرلر . اکر کندیلرینه بوقدر منور ، مسعود ، معالیات ایله مشحون افقلر آجاییلیرسه ، عثمانلی اوردوسنه ، کره نك هر طرفنده بر موقع بلنداحترام تأمین ایتمش اولورز ! ... لکن ، بو بیوک مقصده آفریقا یامیاملرینه یاقشه جق طویغولرله وارلماز . وارلمق شویله طورسون ، اولدیغمزیرده بیله بارینلماز ! اطرافزه عطف ایدیله جك سطحی برنظر ، وطنمزی هر طرفدن بر منکنه کی صیقشدیران تهلهکی کورمکه فضاه سیله کافی !

بوکون مسلم و غیر مسلم عثمانلی هیئت اجتماعیه سندن هیچ بری حالدن ممنون دکل ! عصیانلرک آردی آرقه سی کسه یلمیور ، موقع داخلیمزله برلکده موقع خارجیمزده تملندن صارصیالیور . ایشته دون ، یکدیکرینک جان دشمنی بولونان روملرله باغارلری بوکون علیهمزه باریشدیردق ؛ ظاهری و رسمی سوزلره رغماً فرانسزلی صغوتدق ؛ انکلیزلری قیزدیردق ؛ روسلری سویندیردک ؛ آلمانلری اشتعالندیردق . . . اسکیدن اولدینی کی شیمدی ده آوستریالیلر سلانیکه ، ایتالیانلر طراباسه ؛ هرایکیمی بردن آرناوودلغه نامزد ! . . . اويله ایکن افقلر مزی قارارتان فورطنه بولوطلارینی ینه کورمیورز . کور دیلمز یطاه فنانلر و مبراهه ملی نك انتباهی ! اُک بیوک موفقیتمز ، فلاکته قارشى « امان ! » دییه نلری اورمق ! . . . ایدیلن آغیر خطالر ، یتیلان اوجاقلر ، آرتق یتیش میور ! شمدی ده عثمانلی قانیله بسله نن عثمانلی اوردوسنه ، عثمانلی پایتختنی طوتوشدیرتمق ، ذاتاً بر خرابه زار حرمان اولان بو زوالی شهرى کول کورایتمک ،

بوتون معناسیله بر بایقوش یوواسنه چویرمک ایستیورز ! . . .  
ضیافتدن آیرلق قورقوسی ، محور حسیاتمزی هر کون دها  
متفسخ بر غرضده تدویر ایدیور !

بوقدر چوروك بر بنای سیاسی البته دستکله یاشاماز . ایستر  
ایستمز کونك برنده صارصیلیر ، آلتنده بارینق غفلتنده بولونان  
زوایلاردن ، - یعنی طوپمزدن - بر طبقه تراب دها تشکیل  
ایدهرك کوچوب کیده ر !

### ایکی مسلك :

ایکنجی مشروطیتمزدن سنه لرجه اول اداره حمیدیه علمینده  
چالیشان احرارک مسلكنی تدقیق ایتدی کمز زمان ، بونك ،  
یالکز مشروطیت طرفدارلغنه انحصار ایتدیکی ، هیچ براساس  
علمی ، برتحلیل اجتماعیه استناد ایلدیکنی آ کلامش ، اعتلای  
ملیمز ایچین بر رهبر حقیقی کشفنه قطعی بر احتیاج کورمشدک .  
او زماندنبری ده آرامزده هر کون دها درینلشن بر اوچوروم  
آچیلدی . و طنداشر مزدن بعضیلری وبالخاصه ، بونك اجله  
مجاهدین حریتندن اولان اوکونك پارس اتحاد وترقی جمعیتی  
رؤسای ، بزى متصل مؤاخذه ایدیور : ( شیمدیك بوافکاری  
ترك ایدك ، بزمله برلشك ده یارین مشترك دشمنمز اورته دن  
قالقنجه ، بزده اونلری سزکله برلکده مدافعه ایده رزا ) دیورلردی .

مشروطیتك یكیندن اعلانی متعاقب عین قهرمانلار ، اکیلوب ،  
خاقان مخلوعك اللرنی اویدیلر وفضیلترینه یکان یکان توارث  
ایدهرك كوچك عبدالحمیدلرك عدینی بیوك مقیاسده آرتیرمغه  
قویولدیلر ! فقط دونکی فناغك مسئول اصلیمی خاقان مخلوع  
اولدینی کی بوکونکی فناغك مسبب حقیقیسی ده حریت قهرمانلری  
دکل ! فناغك اصل منبعی کندمن ؛ مرکز اصلی سیات ،  
طرز حیاتمز !

اولجه دیدیکمز کی ، مرض ؛

حیات مفروضیه مزده :

عاطل بر کوره نك ، شخصیتك متمر و مشروع مساعی ابله  
بوکسمه منه مانع بر طرزده بیست ؛ بومیشتی نسلمه نسلمه سور دکله بوب  
کونورده منفی بر تربیه !

حیات عمومیه مزده :

حیات مفروضیه مزده کی عطالتی بوزینه بگیریه ، امیاجات  
حمیه مزده اصلا اوبامیانه ، اُك چوقه مصرفه اُك آه ابله  
کوره و ترکیبی باشده باش بر قبرستانه سفاله چوبه نه مرکزیت !  
بومالده دستور تروی :

حیات مفروضیه مزك شربانلربی ، شخصیت ماموس عطالتده  
دکل ، — مثبت و عملی بر تربیه سایه سنده — شخصیت بانیسی تشبیه  
اتباع !

حیات مفروضیه و عمومیه مزك مساعینی شربك ایدرك ،

تزارکات لازمہ ایلہ مجہرز ، مثبت ہر صنف مستعملین بشیر بر ملک  
وہو صورتہ بنش کچلرک ، ہوم ہوسہ طورانہ اراضی مزہ  
کندی مہا بلرہ برلشوب ، معیتلرینی کدہ بچیلرہ قازانغی  
اوکر نملری وکوبلویہ اوکر نملری وسائطنی امضار !

مہیات عمومیہ مزک تملرینی اسہ ، امتیاجات متزابدہ فحلیہ مزہ داعما  
اوباصی ، مرکزیت سیاسیہ بی قوتلشیر و ملک ، مفقود اولانہ و مہمت  
عثمانیہ بی موجود ابدہ ملک فعالیت اجتماعہ مزک انکشافہ و آل عثمانک  
ریاست لازمہ سی آلتندہ مہاکبت راستقمول ملیرک تقریرہ آلت  
اولہجی ، عدم مرکزیتہ مستندہ بر مشروطیت صحیحہ ایلہ نایین  
ایلمک !

\*  
\* \*

واقعا سزده مشروطیتکزی ظاہراً توسیع مأذونیتہ یعنی  
عدم مرکزیت اداری تعبیر فنیسی آلتندہ مدافعہ ایدہ کلدی کمز  
طرز اداریہ استناد ایتدیریورسکزی . شوقدر وارکہ تعقیب  
ایلدیککزی مسلک ، وعد ایتدیککزی احوالک تماماً عکسی !  
ایلمک نظرده مملکتک یکانہ استنادکاهی صانکہ مجلس مبعوثان ؛  
فقط مجلس ، اکثریتی اعتباریلہ اتحاد و ترقی جمعیتک بر شعبہ سی !  
اتحاد و ترقی جمعیتی ، برقاج پولتیقہ جی نک قربانی ؛ اونارکده  
کیمی حرص تغلب اسیری ، کیمی حادثات یومیہ نک بازیچہ سی ! ..  
ہوشراط داخلندہ نہ مجلس ، نہ اتحاد ، نہ دہ وطن سلامت



یولنی طومش اولماز . چونکه هیچ برینک جدی بر استنادگاهی  
 یوق ! . . مسلك اجتماعیمز ، ایشته بویوقسوللغه قارشى شرفلی  
 بر وارلق تولیدینه چالیشیور ، حیات خصوصیه مز ارکاننه خطاب  
 ایده رکن : استقلال واقتدارکزی دییور ، قانوندن زیاده تشبث  
 شخصیکزله تأمین ایده جک ؛ قیمت اجتماعیه کزی ، قازانغی  
 اوکرنکدن صکره ، اوکرنمکه موفقیتکزد درجه سنده آرتیره جق ؛  
 مرکز استنادکزی اللهدن صوکره کندى شخصکزده  
 آرایه جقسکز . بو شخصیت ، نه قدر منور ، نه قدر متشبث  
 وفضیلتکار اولورسه محیطنده تولید ایده جکی تأثیرده او قدر عمیق  
 وپایدار اوله جق ، هیئت اجتماعیه مزه ، حقیقی بر مرکز اعتلا  
 احضار ایده جک . او حالد هر شیدن زیاده شخصیتی تمیه ،  
 تقویه واعلایه چالیشملى يز !

قانون تکامل ، شخصیتیه دوغرو متمادى بر حرکت ترسیم  
 ایتمه ده ! باقکز ، موالید اثیریهدن بر مکون مادی ایله طوغان  
 کهکشانه ! سینئه سماسازنده جهانلر بسله یین بودومان ، « وارلنک »  
 بر نقطه سنده کی تکائفى تجسم ایتدیرمیورمى ؟ بوتجسمک ادوار  
 ترقیسنی تعقیب ایتدجکه نه کورییورز ؟ شکله زلک ایچندن بر شکل  
 ایله چیقان ، لایتناهیده بر انتها چیزن کره لر ، تکائف  
 کهکشانیئک ، کونشار ، سیاره لر ، پیکر یله برلکده منظومه لر  
 خلق ایدن بر دوره تشخصی دکلی ؟ . . شئون خلقتک نهایتسز

تسلسلاتی ، اعدادیله برلکده تکمیل کائناتک بر مطالعن طلوعی  
 دوشونیلنجه ، کوریلورکه حیات دینیلن معمای تکیوندن تکامل  
 عالمینک کره مزده شخصیتیه دوغرو موفقیتیه آتدینی قطعی بر  
 خطوه یی تثبیت ایلور ! . . تبارات ایله طوغان ، نباتات ایله  
 ایلریله یین ، انسانیتیه فضیله قدر یوکسلن بو حیات ایسه ، او  
 دائمی مصارع لریله هپ شخصیتک تأسیسی ، تقرری ، تعالیسی ،  
 یولنده یوریور ! مدنیت بشریه نك استحالات قدیمه وحاضره سنده  
 یننه عین حقیقه ک تأیدینی کوریلورز : اُک اول طوغان جریان  
 اجتماعی ، شخصیتک انکشاف تامنه مانع اولان « تشکل تجمعی » .  
 ایکنجی جریان ، شخصیتک انکشاف تامنی تأمین ایدن « تشکل  
 انفرادی » ! .

حیات منقارمک سینین اولیندنبری ، جهان مدنیتیه المزدن  
 کله بیلدیکی قدر طانیتمه ، سودیرمه ک چالیشدیغمز کنجلرمک ،  
 بشریت منوره نك حرمت ومحبته ، کیتدکجه دهالایق بر مرتبه  
 تکمله یوکسلما ریچین ، هر حالده قابلیت شخصیه لرینی آرتیرملری  
 الزم ! . . بو الزمی مدافعه ایدن مسالک اجتماعیمز ، حیات  
 عمومیه من ارکانی ده اُک مبعجل بروظیفه وطنیه نك ایفاسنه دعوت  
 ایدیور ، بویله برمقصدی دیور ، حیات خصوصیه من ، یالکیز  
 کندی قوتیه استحصال ایده جاک بر دوره ترقیه هنوز  
 وارمه دیغندن بو اوغورده صرف ایده جکی غیرته ، بوتون قوتکزله

سركده اشتراككز اك اساسلى برشرط ! [\*] فقط ايكنجى مشروطيتمزك استحصالندينرى حيات عموميه مزي اداره ايدن جمعيتكز بولوندينى ايچين بومكتوبلارى احوال حاضرهنك بوتون مسئوليتنى درعهده ايتمش اولان اتحاد و ترقيه ، . . . . . يعنى اك وجدانلى اعضاسنه اتخاف ايدييورز . اسكى دنياك اوج نقطه التفاسنده يرلشمش قوجه برايمراطورلقده اجراى نفوذ ايدن برهيتك ، اصلاحاته اولاكنديسندن باشلامسى لزومى كوسترمك و عموم اولادينك اك جدى مساعيسنه بوكون هر زماندن زياده عرض احتياج ايدن وطنمزده ، برعنصر فعال تعالى اولمى كورمك ايستيورز ! . . . . .

\*  
\* \*

ديمك : « تعالى وسعادت اجتماعيه يولنى كشفه چالیشان بو مکتوبلرده ، باشقه بريولاك يولچيسى بولونان جمعيتكزكده ايسلکى **مطلب برصميمته** تمى ايديليور ؛ بزه اون ييلاق بردشمن اولان اتحاد و ترقيه ، اون بش ييلاق بردوست كى جواب ويريليور . بر يولده يورومدكسده برتهلكيه قارشى ، بر نقطه مدافعه دن

---


[\*] بوشرطى اجرا ايچين مکتبلر مزي مدافعه ايده كلديكمز وادیده اصلاح ايتك اوزره ايجابنده مهم استقرارله مراجعتدن چکنمه ملي ( چونكه استقرارلك اك مثمري اك مستحصل انسانلر يتشديرمكه حصر ايديليندز . ) و وطنمزي ، وسائط جديده اقتصاديه ايله تجهپزده كوسترديكمز عطالت وئاخره قطعياً نهايت وبرمليدر .

یورومکە باشلامشەق . بزبونی اونویمبور واثبات ایتمک  
ایستیورزکە ، دوستقلە دشمنلق قارشیملاشدیغی زمان ، عاقبت  
دوستلق ظفریاب اولور . چونکە فطرت : ( الهمی بر قانونه  
دائماً اُک ایی یه کیدیور ، متصل ، « اکمل » ه دوغرو میل  
ایدیور ! )

پارس . ۸ مارت سنه ۱۹۱۱

صباح کدیر















## اخطار

کتابخانه اجتماعي مركز برنجي وايکنجي عدد ٢٢١ اولق اوزره  
اولجه نشر ايديان ، ثبت شخصي و توسيع ماذونيت حقنده  
بر ايصاح ، ايله ، ثبت شخصي و عدم مرکزيت حقنده ايکنجي  
بر ايصاح ، ي اوقومق آرزوسنده بولونانلر آتيدکي آدرسه  
مراجعت ايدم بيليرلر :

استانبول : شهزاده باشنده ، نعل جديد ، قلوبنده  
سعلوت لطف بك